

ጎዳ ዬሱስ ኪሪስቶስ ዛሎ" የሐኪስ ፃኣፔ ኮዠ ሓይሶ ዓይያ ካሮ"

የሐኪስ ፃኣፔ ኮዠ ሓይሶ ዬሱስ ዛሎ" ኬኤዛሢ፡- ዬሱስ ዓሲ ማዒ ዓሶ ባኣካ" ጴዴያ፡ ናገረና ናገጋ ያኦሲ ቃኣላኬ ጌይኬ፤ ማፃኣፔላ ኬኤዛ ጎይያና ሃና ኮዠ ሓይሶ ፃኣፔገንቴሢ ዬሱስ ጴዴሻ ማዒ ሙካንዳኔ ጌይንቴ፡ ያኦሲ ናዒሢ ማዒ ማዒ ናባባ ዓሳ ጉሙርቃንዳጉዲና ዒዛ ጉሙርቁያና ናገረና ናገገ ዔያቶም ዓኣሢ ዔራንዳጉዲኬ (20፡31)።

ሐኖ" ኮዠ ሓይሶኮ ዓይያይዳ ናገረና ናገጋያ ማዒ ያኦሲ ቃኣሎ"ና ዬሱሴና ፔቴ" ማዒ ማዒ ካራ ማሃ ኬኤዛያ፡ ዬሱስ ጴዴሻ ማዒ ሙካንዳኔ ጌይንቴ ያኣዛሢ ናየ ማዒያ ዔርዘ ዲማ ዲማ ያኦሲ ዎልቆና ማዲንታ ዓኪ ባኣዚ" ኬኤዛኔ፤ ዬካፓ ዬንሢ ያኦሲ ዎልቆና ማዲንታ ዲቃሢ ባኮንሢ ዛሎ"ና ዓይሳ ባኣዚ" ጴዴቶም ዔርዘ ሓይሴ ዓኣኔ፤ ዬና ዓይሳዳይ ጌዔቴ፡ ፔቴ" ፔቴ" ዓሳ ዬሱሴ ጉሙርቁ፡ ዒዛ ዓሲ ማዒ ማዒ፤ ዓቴ" ዓሳ ሃሢ ዎማይዲ ዒዲ ዒዛ ኦ ጉሙርቁ ዓጌያ ማዒ ማዒ ኬኤዛኔ፤ ዓይሢ 13-17 ዬሱሴ ዓርቁንቴ ዎንቴሎ ገንያ ሃንታዞንሢና ዎላ" ዎዚጉዴ ፔቴም ዒዛኮ ዓኣያታቶ ገንሢ ሃሢ ሱዲንቶሮ ዒ ዑኬ ዎደ"ና ገኢገንቴሢና ደዲሺሢና ቃኣላ ዔያቶም ኬኤዛሢ ኬኤዛኔ። ጋፒንያ ዓይያንሢ፡- ዬሱሴኮ ዓርቁንቴያና ዎሳም ሺኢኪያ፤ ሱዲንቶና ሓይባ"ፓ ዔቁያ ዛሎ" ሓሢ ሓይባ"ፓ ዔቁሰካፓ ዒዛ ገንያ ሓንታ ናኣቶ"ም ዒ ጴዴሢ ዛሎ" ኬኤዛያኬ።

የሐኪስ ኮሺ" ዔርዘኒ ኮዒሢ፡- ኪሪስቶስ ዛሎ"ና ጴዳ ናገረና ናገጎ ዛሎ"ኬ፤ ዬይ ያኦሲ ኮሹምና ዒንገንቴ ጴዳ ናገረና ናገጋ ዓርቃሢ ሓሢፓ ማዒ ዬና ናገጎ ዴንቃኒ ዳንዳዓዞንሢ ዬሱሴ ጎይሢ፡ ጎኦም ሓሢ ሸምፔ ዒንጋያ ማዒ ማዒ ዔሬዞንሢኬ፤ የሐኪስ ፃኣፔ ኮዠ ሓይሶ ሓንሳዎቶይዳፓ ዲማሳሢ ዓያና ዛሎ"ና ዓኣ ጎኦም ዔርዘኒ ዓሲም ዔርታያና ቢያ ዎዴ ዛጎ ባኣዚ" ጌይያ፡- ዎኣሢ፡ ካሢ፡ ፖዒ፡ ቆልም ሄንቃ ዓሲ፡ ማራይ፡ ዎይኔ ጎየ ሚያ ዓኣፖ፤ ዬያጉዴ ባኮ ማላታ ማሢ ሺኢሺያኬ።

ማፃኣፔላ ዲማ ዲማ ዓርቁ ባኮ
ዓይያ ካሮ" 1፡1-18

ማስካ ዮሐንስና ቤርታዲ ዩሱሴኮ ጊንጾ ሓነታያ ማዔዘንሢ
 1፡19-51
 ዩሱሴኮ ማዶ"ና ዓሶ ቤርታ ፔጋዲያ 2፡1—12፡50
 ጋፒንጾ ኬሎ"ና ዩሩሳላሜ ዓጮ" ኮይላ" ማዲንቲ ባኮ
 13፡1—19፡42
 ጎዳኮ ሓይባ"ፓ ዔቂጾና ሸምፔና ዓኣያ ማዒ ዴዲያ 20፡1-31
 ሸምፔና ዓኣያ ማዒ ጌለላይዳ ዴዲ ዒንጌ ሓዳሮ 21፡1-25

ናንጊ ቃኣላ

- 1 ቢያ ማዢንቲ ባኮኮ ቤርታ ቃኣላ ዓኣኔ፤ ዩይ ቃኣላ" ጾኦሲና ዎላ" ፔቲ"ኬ፤ ዩይ ቃኣላ"ኣ ጾኦሲኬ።
- 2 ዩይ ቤርታዲ ጾኦሲና ዎላ" ዓኣኔ።
- 3 ቢያ ባኣዚ" ዒዛና ማዢንቲ፤ ማዢንቲ ባኮይዳፓ ቢያ ፔቲ" ባኣዚ"ታጾ ዒዛናቱዎጾ ማዢንቲ ባኣዚ" ባኣሴ።
- 4 ዒዛና ናንጊ ዓኣኔ፤ ዩና ናንጌላኣ ዓሲኮ ፖዒኬ።
- 5 ፖዒ ዲሚና ፖፖዓኔ፤ ዲሚ ፖዒ ፔቲ"ታጾ ባሹዎሴ።
- 6 ጾኦሲዳፓ ዳከንቲ፡ ዮሐንስ ጌይንታ ፔቲ" ዓሲሰኬይ ዓኣኔ፤
- 7 ዩያ ዓሢኮ ማርካዲያና ዓሲ ቢያ ዩሱሴ ጉሙርቃንዳጉዲ ፖጾ ዛሎ" ማርካዲያ ማዒ ሙኬኔ።
- 8 ዒዚ ፖጾ ዛሎ" ማርካዲኒ ሙካንዳኣፓዓቲም ዒ ፔ ቶኦኪና ፖዒቱዎሴ።
- 9 ዓሲም ቢያ ፖዒ ፖዒ ጎኔ * ፖዒ ዓጮ" ሙካኔ።
- 10 ዩይ ፖዒሢ፡- ቤርታ ዓጮ"ይዳ ዓኣያኬ፤ ዓጮ" ማዢንቲሢያ ዒዛናኬ፤ ዓጮ" ጋዓንቲ ዒዛ ዔሪባኣሴ።
- 11 ዒዚ ፔኤኮ ፃጶ ባንሢ ሙካዛ ፃጶ ዒዛኮ ጋዓንቲ ዒዛ ጎኔኬ ጌይ ዔከባኣሴ።
- 12 ጾዲ ማዔያታቲያ ዒዛ ጎናሲ ዔኬዘንሢና ዒዛኮ ሱንጾ ጉሙርቃዘንሢም ጾኦሲ ናይ ማዓንዳ ቢታንቶ ዒንጌኔ።
- 13 ዔያታ ጾኦሲዳፓ ሾይንቲያፓዓቲም ዓሲ ዜርሢዳፓ፤ ጌይጾ፡- ዓሲ ማሊሢና ዓደና ዒንዶናፓ ሾይንቲባኣሴ።
- 14 ዩይ ቃኣላ" ዓሲ ማዔኔ፤ ጾኦሲኮ ኮሹም ዒንጊያና ጎኦምና ኩሙሢ ማዒ ኑ ጊዳ" ዒ ናንጌኔ፤ ፔቲ" ናዒሢ፡ ፔኤኮ ዓዶ ኮራ ዓኣ ቦንቲንቶጉዴያ ማዔ ቦንቲንቶ ዒዛኮ ኑ ዛጌኔ።

1:6 ማቲ. 3፡1፤ ማር. 1፡4፤ ሉቃ. 3፡1-2። * 1:9 ጎኔ፡- ጌይጾ ሉኡዚቱዎሴ ጌይሢ ሉሊቱዎንቲ ጾኦሲኮ ጎኦም ፔጋሲ ዔርዛያኬ (ዮሐ. 14፡6)።

15 ዮሐንስ:- «ታኣኮ ጊንፆ ሙካንዳሢ ታ ጊዳ"ፓ ባሻያኬ፤ ታኣኮ ቤርታ ዒ ዓኣኔ ጌዒ ታ ዒንሢም ኬኤዜሢሃያ ሃያኬ!» ጌዒ ዒላቲ ኬኤዜኔ።

16 ዒዛኮ ሚርጌ ኮሹሞ ዒንጊያይዳፓ ኮሹሞ ዒንጊሢ ኑም ቃሲ"ንቲ ቃሲ"ንቲ ዒንጊንቴኔ።

17 ያኣሲ፡ ሙሴ ዛሎ"ና ቤርታ ዎጌ ኑም ዒንጌኔ፤ ጋዓንቴ ያኣሲኮ ኮሹሞ ዒንጊያና ጎኑሞና ዬሱስ ኪሪሰቶስ ዛሎ"ና ኑም ሙኬኔ።

18 ያኣሲ ዛጌይ ፔቴ"ታዖ ያኣሲያ ባኣሲ፤ ማዔቴያ ዓዶ ኮራ ዓኣ ዒዛኮ ፔቴ" ናዓሢ ማዔ፥ ጎዳሢ ፔጋሲ ዒዛ ዔርዜኔ።

ማሰካ ዮሐንስኮ ማርካዲያ (ማቴ. 3፡1-12፤ ማር. 1፡1-8፤ ሉቃ. 3፡1-18)

19 ዓይሁዶ ዓሶ ዎይሣ ዓሳ ዬሩሳላሜይዳፓ ቁኤሶና ሌዋ ዓሶናይዳፓ ዮሐንስ ኮራ ዳኪ:- «ኔ ያናዳይ?» ጌዒ ያኦጪሲኔ።

20 ዮሐንሴያ:- «ታኣኒ ሜሲሔቱዋሴ» ጌዒ ማርካዲያፓዓቴም ሉኡቂ ኬኤዚባኣሲ።

21 ዔያታ:- «ሂዳዖ ኔ ያናዳይ? ኔ ዔኤሊያሴዳ?» ጌዒ ዒዛ ያኦጪዛ፤ ዒዚ:- «ታ ዒዛቱዋሴ» ጌይ ማሄኔ፤ ዔያታ:- «ሙካንዳኔ» ጌይንቴ፤ ያኣሲ ማሊያ ኬኤዛሢ ኔናዳ?» ጌዔኔ።

ዒዚያ:- «ታናቱዋሴ» ጌዔኔ።

22 ጋፒንፆይዳ ዔያታ:- «ሂዳዖ ኔ ያናዳይ? ኑና ዳኪ ዓሶም ማሂ ኑ ኬኤዛንዳጉዲ፥ ኔ ኔ ዛሎ" ዎዚ ጋዓይ?» ዒዛም ጌዔኔ።

23 ዒዚያ ዔያቶም ማሃዖ:- «ያኣሲ ማሊያ ኬኤዛ ዒሲያሴ ዛሎ"ና:-

ያኣሲኮ ጎይፆ ፒዚሱዋቴ» ጌዒ ጌዒ ዓሲ ናንጉዎ ዳውሎ"ይዳ ዒላታ ዓሲ ዑኡሲ ጌይንቴሣ ታናኬ» ጌዔኔ።

24 ዳኪንቴ ፔርሴ ዓሶይዳፓ ፔቴ" ፔቴ"ዘንሢ:-

25 «ኔኤኒ ሜሲሔ ሐሣ ዔኤሊያሴ፤ ጊንሣ ሐሣ ሙካንዳኔ» ጌይንቴ ያኣሲ ማሊያ ኬኤዛሢ ማዒባኣቴ ሂዳዖ ኔ ዓይጎር ዋኣዖና ማሰካይ?» ጌይ ዒዛ ያኦጪኔ።

26 ዮሐንሴ ማሃዖ:- «ታኣኒ ማሰካሢ ዋኣሢናኬ፤ ጋዓንቴ ዒንሢ ዔሩዋይ፤ ዒንሢኮ ባኣካ" ሐሢ ዔቂ ዓኣኔ።

27 ታኣኮ ጊንፆፓ ሙካንዳሢ ዒዛኬ፤ ታኣኒ ዒዛኮ ዲርዘ ቱኮ" ሱዞ ሱላ"ኒታዖ ኮይሱዋያኬ» ጌዔኔ።

28 ዬሴ ቢያ ማዕረህ ዮሐንስ ዋኦኛና ማሰካ ቤዘ፡ ቢታኒያይዳኬ፤ ቢታኒያ ጌይንታዛ፡- ዮርዳኖስ ዋሮ ሱካ" ዓኣ ካታማኬ።

ያኦሲ ማራይ

29 ዚሮ ጉቴ"ሎ ዮሐንስ ዒዛ ባንሢ ዬሱሴ ሙካንቴ ዛጋዖ፡- «ሓይሾ ዓሰኮ ጎሞ ጌኤሻንዳ ያኦሲ ማራዓሢ ሓያኬ!

30 ታኣኮ ጊንፃጋ ሙካንዳሢ ታ ጊዳ"ጋ ባሽኬ፤ ዒ ታኣኮ ቤርታ ዓኣያኬ» ታ ዒንሢሞ ጌዔሢ ሓያኬ።

31 ታኣኒያ ታ ቶኦኪና ዒዛ ቤርታ ዔሩዋሴ፤ ጋዓንቴ ዒዚ ዒሰራዔኤሌ ዳሮ"ሞ ፔጋዲ ዔርታንዳጉዲ ታኣኒ ዋኦኛና ማሰኪ ማሰኪ ሙኬኔ» ጌዔኔ።

32 ሄሊ"ሳዖ ዮሐንስ፡- «ዓያና ጌኤሺ ጫሪንቺዳጋ ዶኦሌ" ኬዳ"ያጉዲ ዒዛይዳ ኬዲ" ዳዓንቴ ታ ዛጌኔ፤

33 ታ ታ ቶኦኪና ቤርታዲ ዒዛ ዔሪባኣሴ፤ ጋዓንቴ ዋኦኛና ታ ማሰካንዳጉዲ ታና ዳኬሢ፡- «ዓያኖ ጌኤዠ ኬዲ" ዒዛ ዑፃ ዳዓንቴ ኔ ዛጋንዳሢ ሓሣ ዓያኖ ጌኤዠናኣ ማሰካንዳሢ ዒዛከኔ» ታኣሞ ጌዔኔ።

34 ታኣኒያ ዬያ ዛጌኔ፤ ዬያሮ ዒዚ ያኦሲ ናይታሢ ታ ማርካዳኔ» ጌዔኔ።

ቤርታዲ ዬሱሴኮ ጊንፃ ሃንቴዘንሢ

35 ዚሮ ጉቴ"ሎ ዮሐንስ ላሞዖ ዒዛኮ ጊንፃ ሃንታዘንሢና ዋላ" ዒኣካ ዔቂ ዓኣዖ፡-

36 ዬሱሴ ዒኣካ ዓኣዳንቴ ዛጊ፡- «ሓይሾ ያኦሲኮ ማራዓሢ!» ጌዔኔ።

37 ላሞዖ ዮሐንስኮ ጊንፃ ሃንታዘንሢ ዮሐንስ ዬያ ጋዓሢ ዋይዘዖ ዬሱሴ ጊንፃ ዓኣዳኔ።

38 ዬሱሴ፡ ዔያታ ዒዛ ጊንፃ ሙካሢ ሺሪ ዛጋዖ፡- «ዓይጎ ዒንሢ ኮዓይ?» ጋዓዛ፡ ዔያታ፡- «ሬቢ! ኔኤኒ ናንጋሢ ዓንካዳይ?» ጌዔኔ። [ሬቢ ጌይፃ፡- ዔብሬ ዓሶ ሙኤጮና «ዔርዛሢ» ጌይሢኬ።]

39 ዒዚያ፡- «ሓኒ ሙኪ ዛጉዋቴ» ዔያቶሞ ጌዔኔ፤ ዒማ"ና ዓባ" ኬዳ"ያኬ። ዬያሮ ዔያታ ዓኣዲ ዒዚ ዋካ ናንጋቴያ ዛጌኔ። ዬኖ ኬሎ" ዒዛና ዋላ" ዳንዲ ዓባ" ጌላንዳያ ሄላ"ንዳኣና ዔያታ ፔኤቄኔ።

40 ዮሐንስ ጌዔሢ ዋይዚ ዬሱሴ ጊንፃ ዓኣዳ፡ ጊንፃ ሃንታዘንሢጋ ፔቴ"ሢ፡ ሲሞኦኔ ጌይንታ ጳዒሮሴኮ ጌርሲ ዒንዲራሴኬ።

41 ዲንዲራሴ ቤርታዲ ፔኤኮ ጌርሲ ሲሞኑኔ ኮራ ዓኣዲያ፡- «ኑኡኒ ማሲሑ ዴንቁንቴሞ!» ጌዔኔ። [ማሲሑ ጌይፃ፡- ካኣቱሞም ደኣሚ ዓርቆናያ ጌይሂኑ።]

42 ዩካፓ ዲንዲራሴ ፔኤኮ ጌርሲ ሲሞኑኔ ዩሱሴ ኮራ ዔከ ሙኪኔ።

ዩሱሴ ዲሞና ዲዛ ጊዥ ጌይ ዛጋያ፡- «ኔኤኒ ዮና ናዓሢ ሲሞኑኔ ጎረሚኔ፤ ሃይፓ ሴካ ጋዓንቴ ኔ ኬፓ ጌይንታንዳኔ» ጌዔኔ። [ኬፓ ጌይፃ፡- ዔብሬ ዓሶ ሙኡቺና «ላሌ» ጌይሂኑ።]

ዩሱሴኮ ፒልጶሴና ናቲናዔኤሌና ዔኤሊ"ዎ

43 ዚሮ ጉቴ"ሎ ዩሱሴ ጌሊላ ዓኣዲያ ፒልጶሴ ጎረሚ ዴንቁ፡- «ታ ጊንፆ ሙኪ» ጌዔኔ።

44 ፒልጶሴያ ዲንዲራሴና ጳጳርሴናጉዲ ቤቴሳይዳ ጌይንታ ካታሚሎይዳ ናንጋ ዓሲኩ።

45 ፒልጶሴ ናቲናዔኤሌ ጎረሚ ዴንቁያ፡- «ሙሴ ዔርዜ ዎሳ ማፃኣፖይዳ ሓሣ ያኦሲ ማሊያ ኬኤዛ ዓሶ ማፃኣፖይዳ ዲዛ ዛሎ" ፃኣፒንቴሂ፡ ዮሴፔ ናዓሢ፡ ናዚሬቶ ዓጮ" ዓሢ ዩሱሴ ኑ ዴንቁኔ» ዲዛም ጌዔኔ።

46 ናቲናዔኤሌ ጋዓንቴ ማሃያ፡- «ናዚሬቴ ዓጮ"ይዳፓ ኮሺ ባኣዚ" ጳዳኒ ዴንዳዓያዳ?» ጋዓዛ፡ ፒልጶሴ፡- «ሂንዳ ሙኪ ዛጌ» ዲዛም ጌዔኔ።

47 ዩሱሴ ናቲናዔኤሌ ዲዛ ባንሢ ሙካንቴ ዛጋያ፡- «ሃይሽ ፑርቱሞባኣ፡ ጎኔ ዲሰራዔኤሌ ዓሲ!» ጌዲ ዲዛ ዛሎ" ኬኤዜኔ።

48 ናቲናዔኤሌ፡- «ኔ ታና ዎዲ" ዔሬይ?» ጋዓዛ፡ ዩሱሴ ማሃያ፡- «ፒልጶሴ ኔና ዔኤሊ"ንዳሢኮ ቤርታ ቤሌሶ ሚፃሎ ዴማ" ዴዒ ዓኣንቴ ታ ኔና ዴንቁኔ» ጌዔኔ።

49 ዩማና ናቲናዔኤሌ፡- «ዔርዛሢዮ! ኔኤኒ ያኦሲ ናይኬ! ሓሣ ኔኤኒ ዲሰራዔኤሌ ዓሶኮ ካኣቲኬ!» ጌዔኔ።

50 ዩሱሴ ዲዛም፡- «ኔኤኒ ጎኔኬ ጌዔሢ <ቤሌሶ ሚፃሎ ዴማ" ታ ኔና ዛጌኔ> ታ ኔኤም ጌዔሢሮዳ? ዩያፓ ባሺ ባኣዚ" ኔ ሃጊ ዛጋንዳኔ።

51 ጎኔ ታ ዲንሢሞ ጋዓኔ፡- ጫሪንቺ ቡሊ"ንቲ ያኦሲኮ ኪኢታንቻ ዓሲኮ ናዓሢ ዑፃ ኬዲ" ኬሰካንቴ ዲንሢ ዛጋንዳኔ» ጌዔኔ።

2

ዩሱሴ ዋኣፆ ዑሺ ማሄሢ

1:51 ማዢ. ማፃ 28፡12።

- 1 ዩካፓ ሐይሣሳ ከሎ"ና ጌሊላ ዓጮ"ይዳ ዓኣ ቃና ጌይንታ ካታሚሎይዳ ዔፒ ዓኣንቴ፥ ዩሱሴኮ ዒንዳኣ ዒኢካ ዓኣኔ።
- 2 ዩሱሴና ዒዛኮ ጊንፆ ሓንታዞንሢና ዔፖ ቤዞ ዔኤሊ"ንቴ።
- 3 ዔፖ ቤዞይዳ ዎይኖ ዑዠ ጋፓዛ ዩሱሴኮ ዒንዳ ዒዛ ኮራ፡- «ዑዠ ዔያቶኮ ጋፔያታንቴቱዎይ!» ጌዔኔ።
- 4 ዩሱሴያ ማሃዎ ዒንዳ ኮራ፡- «ዩያ ኔኤና ታኣና ማዳንዳ ባኣዚ"ቱዎሴ፤ ታኣኮ ዎዳ" ሃጊ ሄሊ"ባኣሴ» ጌዔኔ።
- 5 ዒማ"ና ዒዛኮ ዒንዳ ዒኢካ ዓኣ፥ ማዳ ዓሶም፡- «ዒዚ ዒንሢም ጌዔ ባኮ ቢያ ማዲዎቱ» ጌዔኔ።
- 6 ዓይሁደ ዓሶኮ ዑዎ ጌኤሺያ ካኣዦም ማዓ ዎኣፆ ዓርቃ፥ ለሆ" ሹቹዳፓ ኮሺ"ንቴ ኮሎሢ ያቲ ዒኢካ ዓኣኔ፤ ፔቴ" ፔቴ" ኮሎፆ ያታ ለምፆና ሐይሣና ማዓ፥ ፑኡፒ ያቲ ኩማ" ዎኣሢ ዓርቃኒ ዳንዳዓያኬ።
- 7 ዩሱሴ ማዳዞንሢም፡- «ዩንሢ ኮሎፆንሢ ዎኣሢ ኩንሡዎቱ» ጋዓዛ፥ ዔያታኣ ኩንሢ።
- 8 ዩካፓ ዩሱሴ ማዳዞንሢም፡- «ዓካሪ ዲይ ሙዎ ጊኢጊሻ ዓሶ ሱኡጋሢም ዒንጉዎቱ» ጋዓዛ፥ ዔያታኣ ዔኪ ዒንጌ።
- 9 ሙዎ ጊኢጊሻ ዓሶኮ ሱኡጋሢ ጫርዦ ዑዦ ማዔ ዎኣፆ ዑኡቂ ዛጋፆ ዓንካፓ ዔያታ ዔኬቴያ ዔሪባኣሴ፤ ዎኣፆ ዲዔ፥ ማዳ ዓሳ ጋዓንቴ ዔዔራ። ዩያሮ ሙዎ ጊኢጊሻ ዓሶ ሱኡጋሢ' ዑኡታሢ ዔኤላ"ዎ፡-
- 10 «ዓሲ ቢያ ቤርታዲ ዒንጋሢ ጫርሺ ዑሺኬ፤ ዔኤሊ"ንቴ ዓሳ ማሢንቴሢኮ ጊንፆ ባሰኪ ዑሺ ዒንጋኔ፤ ኔኤኒ ጋዓንቴ ኮዦ፥ ጫርዦ ዑዦ ዑሺ ጎይሣ ሃይማ ሄሊ"ሴኔ» ጌዔኔ።
- 11 ዩሱሴ ዩኖ ያኦሲ ዎልቄና ማዳንቴ ዓኮ ባኮ ቤርታሲ ጌሊላ ዓጮ"ይዳ ቃና ጌይንታ ካታማ ማዳኔ፤ ዩያይዲፆና ፔኤኮ ቦንቾ ፔጋሲ ዔርርዞሢሮ ዒዛኮ ጊንፆ ሃንታዞንሢያ ዒዛ ጉሙርቄ።
- 12 ዩካፓ ዩሱሴ ፔኤኮ ዒንዳና ጌርሲንሢና ሐሣ ዒዛኮ ጊንፆ ሃንታዞንሢና ዎላ" ቂፒርናሆሜ ዓጮ" ኬዲ"፥ ዒኢካ ዳካ" ከሊ" ዴዔኔ።

ዩሱሴ ጌኤዦ ማኣሮይዳፓ ኮርማ ዓሶ ዳውሴሢ
 (ማቴ. 21፥12-13፤ ማር. 11፥15-17፤ ሉቃ. 19፥45-46)

13 ዒማ"ና ዓይሁደ ዓሶኮ ዑሣ ዓኣዲፆ ቦንቾ ከላ" ዑኬሢሮ ዩሱሴ ዩሩሳላሜ ዳንዴኔ፤

14 ዲዚ ጌኤዥ ማኣርይዳ፡ ጌማቶንታ ማራቶንታ ደኣሎ"ንታ ሻንቻ ዓሳ ሓሣ ሚኢሾ ላኣማዞንሢያ ሚኢሾ ላኣማንቴ ዴንቄ።

15 ዬያር ሱሲ ዠራፓ ማዠዎ ዓሶ ቢያ ማራቶንታ ጌማቶንታ ዋላ" ጌኤዥ ማኣራፓ ከሴ"ኔ፤ ሚኢሾ ላኣማ ዓሶኮዋ ሚኢሾ ላኣሌኔ፤ ዔያታ ሚኢሾ ጌሣ፡ ዴ"ጌ ሎኦዥ ያይቶዋ ሂዒ ደይሴ።

16 ደኣሎ" ሻንቻ ዓሶዋ፡- «ሓያ ቢያ ሴካ ዔኪ ዓኣዲዋቴ፤ ታ ዓደኮ ማኣር ኮርሞ ማኣሪ ማሂፖቴ» ዔያቶም ጌዔ።

17 ዒማ"ና ዒዛኮ ጊንፆ ሃንታዞንሢያ፡- «ኔ ማኣር ዛሎ" ባካ ታሚጉዲ ታና ሚቻኔ» ጌይንቲ ፀኣፒንቴሢ ጳቂሣ።

18 ዬካፓ ዓይሁደ ዓሶ ዎይሣ ዓሳ፡- «ኔኤኒ ሓያ ማዲንዳ ቢታንቶ ኔኤኮ ዓኣያታሢ ዔርዛኒ ዓይጎ ፆኦሲ ዎልቄና ማዲንታ ዓኪ ባኣዚ" ማዲ ኔ ኦና ዲዋንዲይ?» ጌዔ።

19 ዬሱሴ፡- «ሓያ ጌኤዥ ማኣር ሻሁዋቴ፤ ታኣኒ ሓይሣ ከሊ"ዳ ጊንሣ ማሂ ማዠንዳኔ» ዔያቶም ጌዔ።

20 ዔያታ ማሃዎ፡- «ሓያ ጌኤዥ ማኣር ማዠን ያይዲታሚ" ላሆ" ለዔ ጋፒሴ፤ ሂደዎ ኔኤኒ ሓይሣ ከሊ"ዳ ማዠንዳ?» ጌዔ።

21 ዬሱሴ ጋዓንቴ፡- «ጌኤዥ ማኣር» ጌዒ ከኤዘሢ ፔኤኮ ዑዎ ዛሎ"ከ፤

22 ዬሱሴ ሓይባ"ፓ ዔቄሢኮ ጊንፆ ዒዛኮ ጊንፆ ሃንታ ናኣታ" ዬያ ጳቂሣ፤ ዬያ ዛሎ"ና ማፀኣፓ ፀኣፒንቴ ባኮና ዬሱሴ ከኤዘ ፆኣሎ" ዔያታ ጉሙርቄ።

23 ዬሱሴ ዓይሁደኮ ዑሣ ዓኣዲፆ ቦንቾና ዬራሳላሚይዳ ዓኣዎ ማዴ፡ ፆኦሲ ዎልቄና ማዲንቴ ዓኮ ባኮ ዔያታ ዛጌሢር ሚርጌ ዓሲ ዒዛ ጉሙርቄ።

24 ዬሱሴ ጋዓንቴ ዓሶ ቢያ ዔራያ ማዔሢር ዔያቶ ዒ ጉሙርቄባኣሴ፤

25 ዲዚ ዓሲ ዒና ጋርካ ዓኣ ባኣዚ" ቢያ ዔራሢር ዓሲ ዛላ ዒዛም ፆኦኒያ ከኤዛኒ ኮይሱዎያከ።

3

ዬሱሴና ኒቆዲሞሴ ጎዎሢና

1 ኒቆዲሞሴ ጌይንታ ፔቴ" ዓሲ ዓኣኔ፤ ዲዚ ፔርሴ ዓሶ ዛላ"ፓ ማዔያታዎ ዓይሁደ ዓሶኮ ሱኦጌከ።

2 ዬይ ዓሢ ዲሚና ዬሱሴ ኮራ ሙካዎ፡- «ዔርዛሢዮ! ፆኦሲ ዒዛና ዋላ" ማዔሢዳፓዓቴም ሓያ ኔኤኒ ማዲ ፆኦሲ ዎልቄና

2:17 ዓይኑ. 69፡9። 2:19 ማቴ. 26፡61፤ 27፡40፤ ማር. 14፡58፤ 15፡29።

17 የኦሲ ፔኤኮ ናየ ዓጮ" ባንሢ ዳኬሢ" ዓጮ" ዒዛ ናየና
ዳቃንዳጉዲ ማዓንዳገዓቲም ዓጮ" ዒ ፑርታና
ዎጋንዳጉዲቲዋሴ።

18 «ዒዛ ጉሙርቂ ጎናሲ ዓኬይ ፑርታና ዎጊንታዓኬ፤ ዒዛ
ጉሙርቂ ዔኩዋአሢ ጋዓንቴ የኦሲ ናዓሢ ጉሙርቂ ዓከባአሢሮ
ሐሢ ዓኦንቴ ፑርታና ዎጊንቴያኬ።

19 ፖዒ ዓጮ" ሙኬኔ፤ ዓሳ ጋዓንቴ ዔያቶኮ ማዳ" ፑርታ
ማዒሢሮ ፖዒዳገ ባሽ ዲሚ ናሽኬኔ፤ ዎጊንቴ ፑርቶ ዎጋኦ ዴያኬ።

20 ፑርታ ባአዚ" ማዳሢ ሲያ ፖዒ ዒፃኔ፤ ፔኤኮ ፑርቶ ማዳ"
ዔርቱዋጉዲ ፖየ ባንሢ ሙካኒ ኮሙዋሴ።

21 ጎኔ ማዔ ባአዚ" ማዳሢ ጋዓንቴ ሃንጋ ፖዒ ባንሢ ሙካኔ፤
ሃንጋ ፖየ ባንሢ ዒ ሙካሢ የኦሲ ዓይሢያ ጎይያ ማዲንቴ ዒዛኮ
ማዳ ዔርታንዳጉዲኬ» ጌዔኔ።

ማሰካ የሐኪሴኮ ዩሱሴ ዛሎ" ማርካዲያ

22 ዩካገ ዩሱሴ ዒዛኮ ጊንያ ሐንታ ናኦቶ"ና ዎላ" ዩሁዳ ዓጮ"
ዓኦዲ ዒኦካ ዔያታ ዎኦያና ዓሶ ማሰኪ ማሰኪ ዳካ" ኬሊ" ዴዔኔ።

23 ሳላሜ ጌይንታ ዓጮ" ኮይሎ"ይዳ ሄኖኔ ጎየ ቤዛ ሜርጌ
ዎኦሢ ዓኦሢሮ የሐኪሴ ዎኦያና ዓሶ ማሰካኔ፤ ዓሳኦ ዒዛ ባንሢ
ዓኦዲ ዓኦዲ ዎኦያና ማሰታኔ።

24 ዩማና የሐኪሴ ሐጊ ቱኡዞ ማኦሪ ቱኡቲባአሴ።

25 ዒዛኮ ጊንያ ሃንታዞንሢና ፔቴ" ዓይሁዳ ዓሲሰኬያና †
ባኦካ" ዑያ ጌኤሺያ ካኦኩ ዛሎ" ማርማ ዔቂኔ።

26 የሐኪሴኮ ጊንያ ሃንታዞንሢ የሐኪሴ ኮራ ሙካየ፡-
«ዔርዛሢየ! ዩይ ዮርዳኖሴ ዎሮ ሱኮይዳ ኔኤና ዎላ" ዓኦሢ፤
ኔኔኒ ዒዛ ዛሎ" ማርካዲሢ፤ ሐይሾ ዒዚያ ዎኦሢና ማሰካኔ፤ ዓሳ
ቢያ ሴካ ዒዛ ባንሢ ዓኦዳኔ» ጌዔኔ።

27 የሐኪሴ ማሃያ፡- «ዓይጎ ዓሲታቶዎ የኦሲ ዒዛም
ዒንገባኦታቴ ዓይጎ ባአዚ"ያ ዒዛኮ ዓኦያ ማዓኒ ዳንዳዑዋሴ፤

28 ዒዛኮ ቤርታ ታ ዳኪንቴያገዓቲም ታኦኒ ሜሲሔቲዋሴ» ጌዒ
ታ ዒንሢም ኬኤዜሢኮ ዒንሢ ዒንሢ ቶኦኪና ታኦኮ ማርካኬ።

29 ዑኡቴላ ዑኡታሢሮኬ፤ ዑኡታሢኮ ዔርጎና ዓሢ ጋዓንቴ
ዑኡታሢኮ ዓጮ ዔቂ፤ ዑኡታሢ ዑኡዞ ዎይዛኦና ዎዛዳኔ፤
ዩያጉዲ ታኦኮዎ ዎዛ" ሃሢ ጎኔ ዎዛ" ማዔኔ።

3:24 ማቲ. 14፣3፤ ማር. 6፣17፤ ሉቃ. 3፣19-20። † 3:25 ፔቴ" ዓይሁዳ
ዓሲሰኬያና፡- ጋዓዛ ፔቴ" ፔቴ" ሚናኦ ማፃኦገ «ፔቴ" ፔቴ" ዓይሁዳ ዓሲና» ጋዓኔ።
3:28 የሐ. 1፣20።

30 ዲዚ ዴጊ ዴግ ጌዔም፡ ታኣኒ ሂርኪ ሂርኪ ጋዓንዲያ ኮይሳኔ» ጌዔኔ።

31 ዮሐንስ ሐሣ፡- «ዑፃፓ ሙካሢ ሲያኮ ዑሣኬ፤ ሳዓፓ ማዔሢ ሳዓ ዓሲኬ፤ ሳዓ ባኣዚ" ዒ ኬኤዛኔ፤ ጫሪንጫፓ ሙካሢ ሲያኮ ዑፃኣኬ።

32 ዲዚ ዛጌሢና ዋይዜሢ ማርካዳኔ፤ ጋዓንቴ ዒዛኮ ማርካዳዶ ዔካይ ባኣሴ፤

33 ዒዛኮ ማርካዳዶ ዔካሢ ጋዓንቴ ያኦሲ ጎኔ ማዔሢ ጌኤሺ" ዔሬኔ።

34 ያኦሲ ዳኬሢ' ያኦሲ ቃኣላ ኬኤዛኔ፤ ያኦሲያ ፔኤኮ ዓያኖ ማርገና ዒዛም ዒንጋኔ።

35 ዓዴ፡ ፔኤኮ ናዓሢ ናሽካኔ፤ ሲያ ባኮ ዒዛ ኩጫ ዒንጌኔ።

36 ናዓሢ ጉሙርቁ ዔካሢኮ ናንገና ናንገ ዓኣኔ፤ ናዓሢ ጉሙርቁ ዔኩዋኣሢ ጋዓንቴ ያኦሲ ዒንጋ ሜቶ"ይዳ ናንጋንዳኣፓዓቴም ኮሺ ናንገ ዴንቃዓኬ» ጌዔኔ።

4

ዩሱሴና ሳማሪያ ዓጮ ላኣሌሎና

1 ዬኖ ዋዶ"ና ዩሱሴ ዮሐንሴይዳፓ ባሺ ማርገ ናሶ ፔና ዔርዚ፤ ፔ ዓሲ ማሃሢና ዋኣዶና ማሰካሢያ ፔርሴ ዓሳ ዋይዜኔ፤

2 ጋዓንቴ ዋኣዶና ዓሶ ማሰካሢ ዒዛኮ ጊንፆ ሃንታዞንሢ ማዓንዳፓዓቴም ዒዚ ፔኤሮ ዋኣዶና ማሰኩዋሴ።

3 ዒዛ ዛሎ" ጌይንቴ ባኮ ፔርሴ ዓሳ ዋይዜሢ ዒ ዔራዶ ዪሁዳ ዓጮ" ሃሺ" ጌሊላ ማዒ ዓኣዴኔ።

4 ዒኣካ ዒ ዓኣዳዶ ሳማሪያ ዓጮ" ጊዴና ዓኣዳንዲያ ዒዛ ኮይሴኔ።

5 ዬያሮ ሲካሬ ጌይንታ ሳማሪያይዳ ዓኣ ካታሜሎ ዒ ሙኬኔ፤ ሲካሬ ያይቆኦ ፔኤኮ ናኣዚ" ዮሴፔም ዒንጌ ቤዞኮ ኮይሎ"ይዳ ዓኣያኬ፤

6 ዒኣካ ያይቆኦኮ ቦኦኮና ዔቴ ዋኣሢ ዓኣንቴ ዩሱሴ ጎይፆ ኣንቲ ላቤ"ሢሮ ዬኖ ዔቶ" ዋኣፃሎ ዓጮ ዴዔኔ፤ ዬማና ዓባ" ሳዛ ማዓያኬ።

7 ዒማ"ና ፔቴ" ሳማሪያ ዓጪ ላኣሊሰኬና ዋኣዶ ዴዒኒ ዔቶ" ባንሢ ሙካዛ ዩሱሴ፡- «ዔና፡ ዋኣሢ ታና ዑሼቴራ!» ጌዔኔ።

8 ዬማና ዒዛኮ ጊንፆ ኣንታዞንሢ ሙኡዚ" ሻንቃኒ ካታም ዴንዴኔ።

9 ዬና ሳማሪያ ዓጮ" ለአሌላ ዬሱሴ ኮራ:- «ኔኤኒ ዓይሁዳ ዓሲታዎ ዎዲ" ታና ሳማሪያ ዓጮ" ለአሌሎ «የአሢ ታና ዑሼ!» ጌይ ያእጫይ?» ጌዔኔ። ዬያ ዒዛ ጌዔሢ ዓይሁዳ ዓሲና ሳማሪያ ዓጮ" ዓሲናኮ ዎላ" ፔቱሞ ባአሢሮኬ።

10 ዬሱሴ:- «የኦሲ ዒንጋ ባኮና «የአዎ ታና ዑሼ» ኔና ጋዓሢኮ ያኑሞ ኔ ዔሬያ ማዔቱ ዒዛ ሺኢቃኒ ኔና ኮይሳንቴኬ፤ ዒዚያ ኔኤም ናንጊ ዎአሢ ዒንጋንዲያታንቴኬ» ጌዔኔ።

11 ዒዛ ማሃዎ:- «ጎዳሢዮ! ኔኤኮ ዎአሢ ዱዎ ባአዚ" ባአሴ፤ ዎአዎ ዔታኦ ኮሺ" ዔታዲያኬ፤ ሂዳዎ ናንጎ ዎአዎ ዓንካጋ ኔ ዴንቃንዳይ?

12 ኔኤኒ ሐያ ኑሞ ዎአዎ ዔቶ" ዒንጌ፥ ኑ ዓዳሢ፥ ያይቆኦይይዳጋ ባሺዳ? ዒዛና ዒዛኮ ናኦቶ"ና ዒዛኮ ቆልማኦ ሃኖ ዎአዎ ዔታጋ ዑሼኬ» ጌዔኔ።

13 ዬሱሴ ዒዛሞ ማሃዎ:- «ሐኖ ዎአዎይዳጋ ዑሼካሢ ሲያ ላሚ ዎአሢ ዴኤ ባንዳይ፤

14 ታኦኒ ዒንጋ ዎአዎይዳጋ ዑሼካሢ ናንጊና ፔቱ"ታዎ ዴኤ በንታዓኬ፤ ዓይጎሮ ጌዔቱ ታ ዒንጋ ዎአዎ ዑሼካ ዓሢዳጋ ናንጊና ናንጊ ዎአሢ ዓልቃያ ማዓንዳኔ» ጌዔኔ።

15 ለአሌላ:- «ጎዳሢዮ! ሐይጋ ሴካ ዎአሢ ታና ዴኤ ቡዋጉዲና ሐይካኦ ታ ዱዓኒ ሙኩዋጉዲ ሐዳራ ታኦም ዬኖጉዳ ዎአጻሎ ዒንጌ» ጌዔኔ።

16 ዬሱሴያ:- «ዴንዲ ኔኤኮ ዓኒ ዔኤሊ" ዔኪ ሙኩ» ጌዔኔ።

17 ለአሌላ:- «ዓኒ ታኦኮ ባአሴ» ጌይ ማሃኔ፤ ዬሱሴ ጊንሣ ዒዛሞ:- «ዓኒ ታኦኮ ባአሴ ጌይፃ ኔኤኮ ጎኔኬ፤

18 ያዲ ማዔቱያ ኔኤኮ ደንጎ ዓኒንሢ ዓኦኔ፤ ሐሢ ኔኤና ዎላ" ዓአሢ ኔኤኮ ዓኒቱዋሴ፤ ዬያሮ ኔኤኒ ጎኔ ጌሰቴኔ» ጌዔኔ።

19 ለአሌላ ዒዛሞ:- «ጎዳሢዮ! ኔኤኒ ያኦሲ ማለሢ ኬኤዛያታሢ ሐሢ ታ ኔና ዔሬኔ፤

20 ኑ ዓዳንሢ ሐያ ዲካ"ሢ ዑፃ ካኦሽካኔ፤ ዒንሢ ጋዓንቴ «ዓሲ ዘጊ ካኦሽካኒ ኮይሳሢ ዬሩሳላሜይዳኬ» ጋዓኔ» ጌዔኔ።

21 ዬሱሴ ሃሣ ዒዛሞ:- «ኔ ሐና ለአሌላ ያኦሲ ዓዳሢሞ ሐያ ዲኮ" ዑይይዳ፤ ሃሣ ዬሩሳላሜይዳ ዘጊ ካኦሽካሢ ዘላ ዒንሢ ሜታዲንዲዎ ዎዴ ሙካንዳሢ ዔሬ ታና ጉሙርቁ፤

22 ዒንሢ ሳማሪያ ዓሳ ዒንሢሮ ዒንሢ ዔሩዋ ያኦሲ ዘጊ ካኦሽካኔ፤ ኦኦኒ ጋዓንቴ ዳቂንታ ዓይሁዳይዳጋ ማዔሢሮ ኑ ዔራ ያኦዛሢ ዘጊ ካኦሽካኔ።

23 ጋዓንቴ ጎኔና ዚጊ ካእሽካዞንሢ፡- ያኦሲ ዓዳሢሞ ዓያና ጌኤሽና ሓሣ ጎኑሞና ዚጊ ካእሽካንዳ ዎዴ ሙካንዳኔ፤ ዬይ ሓሣ ሙከናኦኮኮኔ፤ ያኦሲ፡ ዓዳሢሞ ኮዓሢ ዬያጉዴ ዚጊ ካእሽከያኮኔ።

24 ያኦሲ ዓያናኮ፤ ጎኑሞና ዒዛሞ ዚጊ ካእሽካዞንሢሥ ዓያናና ዚጊ ዒዛ ካእሽካንዳያ ኮይሳኔ» ጌዔኔ።

25 ላኦሌላኦ፡- «ዓያና ጌኤሽ ካእቱሞሞ ዓርቁ፡ ሜሲሔ ሙካንዳሢ ታ ዔራኔ፤ ዒዚ ሙካዎ ቢያ ባኦዚ" ኑሞ ኬኤዘንዳኔ» ጌዔኔ።

26 ዬሱሱ ዒማ"ና፡- «ሓሢ ሓይ ኔኤና ጌሰታሢ፡ ታ ዒዛኮ» ጌዔኔ።

27 ዬማና ዒዛኮ ጊንዎ ሃንታዞንሢ ዴንዴ ቤዛፓ ማዒ ሙካንቴ ዬሱሱ ላኦሊና ዎላ" ጌሰታሢሮ ዲቃቲ ሄርሼኔ፤ ማዔቶዎ፡- «ኔኤኒ ዒናኦሬ፡ ዓይጎ ኮዓይ? ሓሣ ዒዘና ዎላ" ኔ ዓይጋ ጌሰታይ?» ጌዔ ያኦጮ ዓሲ ባኦሱ።

28 ዬካፓ ላኦሌላ ዎኦያ ዲዒኒ ዔኪ ሙኮ ጉዞ ሓሽ"፡ ካታሞ ዴንዲ ዓሰሞ፡-

29 «ታ ማዴ ባኮ ቢያ ታኦም ኬኤዜ ዓሲሰኬያ ሃኒ ሙከ ዛጉዎቲ! ጎዎንቴ ዒዚ ሜሲሔ ማዓንዳሞ?» ጌዔኔ።

30 ዬያሮ ዓሳ ካታማ"ፓ ኬሰከ ዬሱሱ ዓኦ ቤዞ ባንሢ ዴንዳኔ።

31 ዒማ"ና ዒዛኮ ጊንዎ ሃንታ ናኦታ" ዬሱሱ ኮራ፡- «ዔርዛሢያ! ካሦ ሙዔ» ጌይ ዒዛ ሸኦቁኔ።

32 ዒዚ ጋዓንቴ፡- «ዒንሢ ዔራዎያ፡ ታኦኒ ሙዓ ሙኦዚ" ታኦኮ ዓኦኔ» ዔያቶሞ ጌዔኔ።

33 ዬያሮ ዒዛኮ ጊንዎ ሓንታዞንሢ፡- «ዓሲ ዒዛሞ ሙኦዚ" ዔኪ ሙኬያናንዳሞ?» ዎሊ ኮይላ" ጌዔኔ።

34 ዬሱሱ ዔያቶሞ፡- «ታኦኮ ሙዓ ታና ዳኬሢኮ ዓይሢያ ኩንሥሢና ማዴ"ዎ ማዴሢኮ።

35 ዒንሢ፡- «ሓጊ ያይዶ ዓጊኒ ዓቴ"ኔ፤ ዬካፓ ማኦሊ" ቡራንታንዳኔ፤ ጋዓያቱዎይ? ታ ሓሢ ዒንሢሞ ሄንዳ ዴ"ግ ጌይጋፓ ማኦሊ" ሃሢ ቡራሢሞ ሄሌ"ሢ ዛጉዎቲ፤ ጋዓኔ።

36 ማኦሎ" ቡራሢ ዒ ማኦሎ" ቡራሢ ዛሎ" ዔካንዳኔ፤ ናንጊና ናንጊሞ ማዓ ዓኦፒያ ቡኩሳንዳኔ፤ ዬያሮ ዜርቃሢያ፡ ማኦሎ" ቡራሢያ ዎላ" ዎዛዳንዳኔ።

37 ዬያ ጎይዎና «ፔቲ"ይ ዜርቃኔ፡ ሜሌ"ሢ ሃሢ ማኦሎ" ቡራኔ» ጌይንቴ ማላታ ጎኔኮ።

38 ዒንሢ ላቢ"ባኦ ማኦሊ" ቡራንዳጉዲ ታ ዒንሢ ዳኮኔ፤ ሜሌ" ዓሳ ማዴ"ና ላቤ"ኔ፤ ዒንሢ ጋዓንቴ ዔያቶኮ ላቢ"ዎ ዓኦፓ ቡኩሲ ዔኮኔ» ጌዔኔ።

39 ላኦሌላ፡- «ታ ማዴ ባኮ ቢያ ታኣም ከኤዜኔ» ጌራ ዒዛ ማርካዳሢሮ ዬኖ ካታሜሎይዳ ሚርጌ ሳማሪያ ዓጪ ዓሲ ዬሱሴ ጉሙርቄኔ።

40 ዬያሮ ሳማሪያ ዓጪ" ዓሳ ዒዛ ኮራ ሙካዖ ዔያቶና ዎላ" ዒ ዴዓንዳጉዲ ዒዛ ሺኢቃዛ፣ ዒዚያ ላምዖ ከሊ" ዒኢካ ፔኤቄኔ።

41 ዒ ከኤዛ ቃኣሎ" ዛሎ"ና ሜሌ" ሚርጌ ዓሲ ዒዛ ጉሙርቄኔ።

42 ዓሳ ላኦሌሎም፡- «ዓካሪ ኦኡኒ ዒዛ ጉሙርቄሢ ኔኤኒ ኦም ከኤዜ ቃኣሎ"ና ሌሊቱዋንቴ ኦ ኦ ቶኦኪና ዎይዜሢሮና ጎኔና ዒዚ ዓጪ" ዳቁሻያ ማዔሢ ኦ ዔሪሢሮኬ» ጌዔኔ።

ቢታንቶ ዓኣ ፔቴ" ዓሲሰኬያኮ ናይሰኬያ ዬሱሴ ፓሣሢ

43 ዬሱሴ ሳማሪያይዳ ላምዖ ከሊ" ፔኤቄሰካፓ ጌሊላ ዓኣዴኔ።

44 ዒዚ ፔ ቶኦኪና፡- «ዖኦሲ ማሊሢ ከኤዛ ዓሲ ፔ ዓጪ"ይዳ ቦንቹንቱዋሴ» ጌይ ቤርታ ከኤዜኔ።

45 ጋዓንቴ ጌሊላ ዓጪ" ዒ ዴንዳዛ ጌሊላ ዓሳ ኮሺና ዒዛ ሸኦቹንሢ ዔኬኔ፤ ዓይጎሮ ጌዔቴ ዓይሁደኮ ዑሣ ዓኣዲዖ ቦንቹ ከሎ"ና ዬሩሳላሜ ዴንዲ ዒዚ ዒኢካ ማዴ ባኮ ቢያ ዔያታ ዛጌሢሮኬ።

46 ዬካፓ ዬሱሴ ዎኣዖ ጫርሺ ዑሺ ማሄ ቤዘ፣ ጌሊላ ዓጪ"ይዳ ዓኣ፣ ቃና ካታሜሎ ላሚ ዴንዴኔ፤ ዒሚ"ና ቁፐርናሆሜይዳ ፔቴ" ናይ ሃርጊንቴ፣ ካኣቲ ማኣራ ፑኡፐ ማዒ ማዳ ዓሲሰኬይ ዓኣኔ።

47 ዒዚያ ዬሱሴ ዬሁዳ ዓጪ"ፓ ጌሊላ ሙከሢ ዎይዘዖ ዬሱሴ ባንሢ ቁፐርናሆሜ ሙከ ኮሺ" ሓርጊንቴ ሃይቃኒ ዑከ ዒዛኮ ናይሰኬያ ፓሣንዳጉዲ ዬሱሴ ሺኢቄኔ።

48 ዬሱሴያ፡- «ዒንሢ ዖኦሲ ዎልቁና ማዲንታ ዓኮ ባኮና ማላታና ዛጊባኣታቶ ፔቴ"ታዖ ጉሙርቄዎያቲ!» ዒዛም ጌዔኔ።

49 ዬይ ፑኡፐ ዓሣሢ፡- «ጎዳሢዮ! ታኦኮ ናዓሢ ሓይቁዋንቴ ሃዳራ ዑከና ሄሌ"» ዒዛም ጌዔኔ።

50 ዬሱሴ ዒዛም፡- «ኔ ማኣሪ ዴንዴ፤ ናዓ ኔኤኮ ፖዔኔ» ጋዓዛ፣ ዓሢ ዬሱሴ ከኤዜ ቃኣሎ" ጉሙርቄ ማኣሪ ዴንዴኔ።

51 ዒ ማኣሪ ዴንዳንቴ ዒዛኮ ማዳ ዓሳ ጎይዖ ዒዛና ካኣማዖ፡- «ናዓ ኔኤኮ ፖዔኔ» ጌይ ከኤዜኔ።

52 ዒዚያ ናማ ኮሺ ማዔ ዎደ" ዖኦጫዛ፣ ዔያታ፡- «ዚጊኖ ዓባ" ሳዛፓ ሺራኣና ቆሣ ሺሜኔ» ጌዔኔ።

4:44 ማቴ. 13፣57፤ ማር. 6፣4፤ ሉቃ. 4፣24። 4:45 ዮሐ. 2፣23። 4:46 ዮሐ. 2፣1-11።

53 ዳዳሢያ፡- «ናዓ ኔኤኮ ፖዔኔ» ዬሱሴ ጌዔሢ ሲሚን ወደ። ማዔሢ ሴሬኔ፤ ዬያር ዬኖ ኬሎ"ይዳፓ ሳርቃዎ ሲዛገታ ሲዛኮ ማእር ዓሳኣ ቢያ ዬሱሴ ጉሙርቄኔ።

54 ዬይ ያኦሲ ወልቄና ማዳገቱ ዓኮ ባካ ዬሱሴ ዪሁዳይዳፓ ጌሊላ ሙካዎ ማዴ ላምዓሳ ዓኮ ባኮከ።

5

ዬሱሴ ፔቴ" ዋቦ ሳሢ ፓሢሢ

1 ዬካፓ ዓይሁድኮ ቦንቾ ኬሎ" ማዔሢር ዬሱሴ ዬሩሳላሜ ዴገዴኔ።

2 ዬሩሳላሜይዳ ማራታ ጌላ ካሮ" ዓጫ፥ ዔብሬ ዓሶ ሙኡቸና ቤኤቴ ዛኣታ * ጌይገታ ፔቴ" ዴዔ ዋኣሢ ሳኣገቴ ሲዞ ቤዛ ዶገሳ ጎይሢ ዋላ" ካኣማኔ።

3 ሚርጌ ሃርጊገቴ ዓሲ፥ ዓኣፒ ባይቄ ዓሲ፥ ዋቦ ዓሲ ሓሣ ሃገታኒ ዳንዳዑ ዋቦ ዋቦ ዓሲ ዬንሢ ጎይዎንሢ ካኣማ ካራ" ላሂ፥ [ዋኣዎ ዓጊዎንዳያ ሄላ"ንዳኣና ካፓኔ፤

4 ፔቴ" ፔቴ"ና ጎዳኮ ኪኢታንቻሢ ዴዔ ዋኣጭሎ ኬዲ" ዓጊሣኔ፤ ዋኣዎ ዓጊዎኣና ቤርታዲ ዋኣዎይዳ ጌላሢ ፔኤኮ ዓኣ፥ ዓይጎ ደርዎይዳፓ ቢያ ፖፖኣ።]

5 ዓኢካ ሃይሢታሚ" ሳሊ" ለዔ ጉቤ ሓርጊገቴ፥ ፔቴ" ዓሲሰኬይ ዓኣኔ።

6 ዬሱሴ ዬይ ዓሢ ዓኢካ ላሂ ዓኣገቴ ዛጋዎ፥ ሚርጌ ዋይይዳፓ ሳርቄ ሃርጊገቴያታሢ ዔራ፡- «ፖዓኒ ኔ ኮዓ» ጌዔኔ።

7 ሓርጊገቴ ዓሢ፡- «ጎዳሢያ! ዋኣዎ ዓጊዎኣና ታና ዔኪ ዋኣጭሎይዳ ጌልዛ ዓሲ ባኣሴ፤ ታኣኒ ጌላንዳኔ ጋዓኣና ሜሌ"ሢ ታና ቢሪ ኬዳ"ኔ» ጌዔኔ።

8 ዬሱሴያ፡- «ዔቄጋፓ ኔና ኬዲ ዔኪ ሙኮና ሃላሢ ኬዲ ዔኪ ዴገዴ» ሲዛም ጋዓዛ፥

9 ዓሢ ቤዞማና ፖዓዎ ሃላሢ ኬዲ ዴገዴኔ። ዬይ ያዲ ማዔሢ ዓይሁድ ዓሶኮ ሃውሾ ኬሎ"ናኬ፤

10 ዬያር ዓይሁድ ዓሶ ወይሣ ዓሳ ዬያ ፖዔ ዓሢ ኮራ፡- «ሃኖ" ሃውሾ ኬሎ"ታሢር ኔኤኮ ሃላሢ ኔ ኬዳንዳጉዲ ዋፓ" ዓይሠታዎሴ» ጌዔኔ።

* **5:2 ቤኤቴ ዛኣታ፡-** ጋዓዞ ፔቴ" ፔቴ" ሚናኣ ማጻኣፓ «ቤኤቴሳይዳ» ሃሣ ገንሣ «ቤኤቴሂሲዳ» ጋዔ፤ ዓኮ ቡሊ"ዎ ማጻኣፓይዳ ጋዓገቴ «ቤኤቴ ዛኣታ» ጌይገቴኔ። ዬኖኮ ቡሊ"ዓ፡- «ዓቶም ጎዎ ማእሪ» ጌይሢከ። **5:10** ኔሄ. 13፥19፤ ዔር. 17፥21።

11 ዲዚ ጋዳንቲ፡- «ታና ፖሊሴ ዓሢ ኔኤኮ ሃላሢ ኩዲ ዔኪ ዓኣጳ። ታኣሞ ጌዔኔ» ጌይ ዔያቶም ኬኤዘኔ።

12 ዔያታ ማሃ፡- «ሃላሢ ኔኤኮ ኩዲ ዓኣጳ ኔና ጌዔሢ ያናዳይ?» ጌይ ዲዛ ያኦጩኔ።

13 ዩሱሴ ዩኖ ቤዛፓ ዴር" ባኣኮ" ዓኣጳሢር ዲዛ ፖሊሴሢ ያና ማዔቴያ ዲ ዔሪባኣሴ።

14 ዩካፓ ዩሱሴ ዓሢ ጌኤኮ ማኣርይዳ ዴንቃ፡- «ሃይሾ ኔ ፖዔኔ! ሓያይዳፓ ባሼ ባኣዚ" ኔና ሄሉ"ዋጉዲ ሃካፓ ሴካ ጎሜ ማዲፖ» ጌዔኔ።

15 ዓሢ ዓኣጳ፡ ዲዛ ፖሊሴሢ ዩሱሴ ማዔሢ ዓይሁደኮ ዋይሢ ዓሳም ኬኤዘኔ።

16 ዩያ ባኮ ሃውሾ ኬሎ"ና ማዳሢር ዓይሁደኮ ዋይሢ ዓሳ ዩሱሴ ዲዲ ኬሚሢ ዓርቄ።

17 ዩሱሴ ጋዳንቲ፡- «ታ ዓዴ ቢያ ኬሊ" ማዳኔ፤ ታኣኒያ ሃሢ ማዳኔ» ጌይ ዔያቶም ማሄኔ።

18 ዓካሪ ዓይሁደኮ ዋይሢ ዓሳ ዲዚ ሃውሾ ኬሎ"ና ማዳ ማዳሢር ሌሊቱዋንቲ፡- «ያኦሲ ታኣኮ ዓደኬ» ጌይ ፔና ያኦሲና ዋላ" ሄኮ ማሄሢር ባሼና ዲዛ ዋዳኒ ኮዔኔ።

ያኦሲ ናዓሢኮ ዓኣ ቢታንቶ

19 ዩሱሴ ዔያቶም፡- «ጎኔ ታ ዲንሢም ጋዓኔ፤ ዓዴ ማዳንቲ ዛጌሢ ማዳሢዳፓ ዓታዛ ናዓሢ ፔ ቢታንቶና ዓይጎ ባኣዚ"ያ ማዳፍዋሴ። ዓዴ ማዳ ባኮ ናዓሢያ ዩያጉዲ ማዳኔ።

20 ዓዴ ፔኤኮ ናዓሢ ናሽካሢር ዲ ማዳ ባኮ ቢያ ዲዛ ጳዋኔ፤ ዲንሢ ሄርሺ ዲቃታንዳጉዲ ሓያይዳፓ ባሼ ማዳዋ ዲዛ ጳዋንዳኔ።

21 ዓዴ፡ ሓይቄዘንሢ ዔቂሳሢና ሽምፖ ዔያቶም ዲንጋሢጉዲ ናዓሢያ ኮዔ ዓሲም ሽምፖ ዲንጋኔ።

22 ዓዴ ያ ዑያይዳኣ ዋጉዋሴ፤ ጋዳንቲ ዋጊያ ቢታንቶ ቢያ ናዓሢም ዲንጌኔ።

23 ዩያ ዲ ማዳሢ ዓሳ ቢያ ዓደ ቦንቹ ናዓሢያ ቦንቻንዳጉዲኬ። ናዓሢ ቦንቹዋኣሢ ናዓሢ ዳኬ፥ ዓደዋ ቦንቻዓኬ» ጌዔኔ።

24 ዩሱሴ ሃሢ፡- «ጎኔ ታ ዲንሢም ጋዓኔ፤ ታኣኮ ቃኣሎ" ዋይዛሢና ታና ዳኬሢያ ጉሙርቃሢኮ ናንጊና ናንጊ ዓኣኔ፤ ዲዚያ ሃይቢይዳፓ ናንጊ ባንሢ ፒንቄያፓዓቲም ናንጊና ሜታዳንዳጉዲ ዋጊንታዓኬ።

25 ጎኔ ታ ዒንሣሚ ጋዓኔ፤ ሃይቄ ዓሳ ያኦሲኮ ናዓሢ ዑኡዘ ዋይዘንዳ ዋዴ ሙካንዳኔ፤ ዬና ዋዳ"አ ሃሢኬ፤ ዋይዘዘንሢያ ቢያ ሹምፔና ናንጋንዳኔ።

26 ዓይጎር ጌዔቲ ዓዴ ፔ ቶኦኪና ሹምፖ ዒንጋያ ማዔሢጉዲ ናዓሢያ ሹምፖ ዒንጋያ ማዓንዳጉዲ ማሄኔ።

27 ናዓሢ ዓሲ ናይ ማዔሢሮዋ ዋጌ ዒ ዋጋንዳጉዲ ቢታንቶ ዒዘም ዒንገንቲኔ።

28 ዬያ ባኮ ዲቃቲ ሄርሺፖቲ! ዓይጎር ጌዔቲ ሓይቄ ዓሳአ ቢያ ያኦሲኮ ዑኡዘ ዋይዘ ዋዴ ሙካንዳኔ።

29 ኮሺ ማዴዘንሢ ሓይቦ"ይዳፓ ዔቁ፣ ሹምፔና ናንጋንዳኔ፤ ፑርታ ማዴዘንሢ ጋዓንቲ ሓይቦ"ይዳፓ ዔቁ፣ ሹምፓዳጉዳጉዲ ዋገንታንዳኔ» ጌዔኔ።

30 ዬሱሴ ሃሣ፡- «ታኣኒ ታ ቢታንቶና ዓይጎ ባኣዚ"ያ ማዳኒ ዳንዳዑዋሴ፤ ጋዓንቲ ታ ዓደይዳፓ ታ ዋይዘሢ ዋጋኔ፤ ታና ዳኬሢኮ ማሊያ ማዓንዳኣፓዓቲም ታ ማሊያ ታ ኩንሡዋኣሢሮ ዋጋ" ታኣኮ ፒኬኬ።

31 «ታኣኒ ታኣሮ ታ ዘሎ" ማርካዴቲ፣ ማርካዴ፣ ታኣሲ" ጎኔቲዋሴ» ጌዔኔ።

ዬሱሴ ዘሎ" ማርካዴ ዓሳ

32 «ሃሣ ዬሱሴ ታኣም ማርካዴይ ሜሌ" ዓኣኔ፤ ዒዚ ታ ዘሎ" ማርካዴ ማርካታ ጎኔ ማዔሢ ታ ዔራኔ።

33 ዒንሢ ዮሐንሴ ባንሢ ዓሲ ዳኬያና ዒዚ ጎኔ ማርካዴኔ።

34 ሓያ ታ ጋዓሢ ዒንሢ ዳቃንዳጉዲ ማዓንዳኣፓዓቲም ታኣም ዓሲ ማርካዳንዳያ ኮይሳሢሮቲዋሴ።

35 ዮሐንሴ ዔኤታያ ሃሣ ፖዓ ፖዒ ጉዴያኬ፤ ዒንሢያ ዳካ" ዋዴሮ ዒዘ ፖዖና ዋዘዳኒ ኮዔኔ።

36 ታኣኮ ጋዓንቲ ዮሐንሴ ማርካዴሢዳፓ ባሹ ማርካ ዓኣኔ፤ ታኣኮ ማርካ" ታ ዓዴ ታ ማዳንዳጉዲ ዒንጌ ማዶ"ኬ፤ ዬይ ታ ማዳ ማዳ" ዓዴ ታና ዳኬያ ማዒያ ዘሎ" ማርካዴኔ።

37 ታና ዳኬ ዓዴ ፔ ቶኦኪና ታ ዘሎ" ማርካዴኔ፤ ዒንሢ ጋዓንቲ ዒዘኮ ዑኡዘ ፔቲ"ታ? ዋይዘባኣሴ፤ ሃሣ ዒዘ ዒንሢ ዘገባኣሴ።

38 ዒዚ ዳኬሢ ዒንሢ ጉሙርቁባኣሢሮ ዒዘኮ ቃኣላ" ዒንሢኮ ዒና" ዴዓዓኬ።

5:29 ዳኣኔ. 12፣2። 5:33 ዮሐ. 1፣19-27፤ 3፣27-30። 5:37 ማቲ. 3፣17፤ ማር. 1፣11፤ ሉቃ. 3፣22።

39 ዲንህ፡ ጌኤዡ ማፃኣፖይዳፓ ናንገና ናንገ ዴንቃንዳያ ዲንህሞ ማላህረ ዴያ ማሂ ማሂ ዲንህህ ዛጋኔ፤ ዴያታ ታ ዛሎ" ማርካዳዞንህኔ።

40 ዴይ ያዲ ማዔቴያ ዲንህህ ሼሞፖ ዴንቃኒ ታ ባንህህ ሙካኒ ኮዑዋሴ» ጌዔኔ።

41 ዴሱሴ ሃህ፡- «ታኣኒ ቦንቾ ዓሲዳፓ ኮዑዋሴ።

42 ጋዓንቴ ዲንህህ ዋዚጉዴ ዓሲታቴያ ታ ዲንህህ ዔራኔ፤ ያኦሲ ናሹሞዋ ዲንህህኮ ዲና" ባኣያ ማዔህህ ታ ዔራኔ።

43 ታኣኒ ታ ዓዶ ሱንገያና ሙኩኔ፤ ዲንህህ ጋዓንቴ ታና ጎኔኬ ጌይ ዔኪባኣሴ፤ ሜሌ" ፔ ሱንህህና ሙኩቴ ጋዓንቴ ዲንህህ ዴያ ጎኔኬ ጌይ ዔዔካንዳኔ።

44 ዲንህህ ሴካና ሃንጋና ዋሊ ቦንቾ ዓሳ፡ ፔቴ" ያኣዛህዳፓ ጴዳ ቦንቾ ጋዓንቴ ኮዑዋ ዓሳ፡ ዋዲ" ታና ዲንህህ ጉሙርቃኒ ዳንዳዓይ?

45 ታ ዲንህህ ታ ዓዶ ቤርታ ዋጎና ዓይህሳንዳያ ዲንህህሞ ማሎፓ፤ ዲንህህ ዋጎና ዓይህሳንዳህህ ዲንህህ ዒዛ ጉሙርቃ ሙሴኔ።

46 ሙሴ ዲንህህ ጉሙርቃያ ማዔያታቴ ዒዛ ታ ዛሎ" ፃኣፔያታህረ ታናኣ ዲንህህ ጉሙርቁያናንዳኔ።

47 ዲዚ ፃኣፔህህ ዲንህህ ጉሙርቁባኣቴ ታ ኬኤዛህህ ዲንህህ ዋይቴ ጉሙርቁ ዔካንዳይ?» ጌዔኔ።

6

ዴሱሴ ዶንጎ ሺዮ ዓሶ ሙኡዜህህ

(ማቴ. 14፡13-21፤ ማር. 6፡30-44፤ ሉቃ. 9፡10-17)

1 ዴካፓ ዴሱሴ ዪብራዶሴ ጌይንታ ጌሊላ ባዞ" ሱኮ ፒንቄኔ።

2 ሚርጌ ዓሳ ዴሱሴ ሃርጊንቴ ዓሶ ፖዒሴህረና ያኦሲ ዋልቆና ማዲንታ ዓኮ ባኮ ማዴሞ ዛጌህረ ዒዛ ጊንጾ ሙኩኔ።

3 ዴሱሴ ሌካ ዴኮ" ኬሰካጾ ዒኢካ ዒዛኮ ጊንጾ ሃንታዞንህህና ዋላ" ዴዔኔ።

4 ዒማ"ና ዓይሁዶ ዓሶኮ ዑህ ዓኣዲያ ቦንቾ ኬላ" ዑኩኔ።

5 ዴሱሴ ሚርጌ ዴሬ ዒዛ ባንህህ ሙካህህ ዴግ ጌይ ዛጋያ፡ ፒልጶሴ ኮራ፡- «ሓያ ቢያ ዓሶሞ ጊዳንዳ ሙኡዚ" ባንካፓ ኑ ሻንቃንዳይ?» ጌዔኔ።

6 ዴሱሴ ዴያ ጌዔህህ ፒልጶሴ ዋዚ ጋዓቴያ ዋይዛኒ ማዓንዳኣፓዓቴሞ ዒ ማዳንዳ ባኮ ፔ ቶኦኪና ዔዔራያኔ።

7 ፒልጶሴያ፡- «ፔቴ" ፔቴ"ህህሞ ዳካ" ዳካ" ቡንፃህህታጾ ዲንጊንታንዳጉዲ ፔቴ" ዓሲ ላሞጾ ጄኤታ ኬሊ" ማዴሞ

ዲንጊንታንዳ ሚኢሹጉዳያና ካሣ ዔያቶም ሻንቆናቴያ ጊዳዓኬ»
ጌይ ዒዛም ማሄኔ።

8 ዒዛኮ ጊንጾ ሓንታ ናኣቶ"ይዳፓ ፔቴ"፣ ሲሞኦኔ ጌይንታ
ጴጂሮሴኮ ጌርሲ፡ ዒንዲራሴ፡-

9 «ደንጎ ዔልዓ ካሣና ላምፆ ሞሎና ዓኣ፣ ፔቴ" ናይሰኬይ ሃካ
ዓኣኔ፤ ጋዓንቴ ዩንሣ ሃያ ቢያ ዳሮ"ም ዓይጎ ማዓንዳይ?» ጌዔኔ።

10 ዩሱሴ፡- «ዓሶ ዳይሠብግቴ» ዔያቶም ጌዔኔ። ዩኖ ቤዛ
ቡጨታሣሮ ዓሳ ዳዔኔ፤ ዒኢካ ዓኣ፣ ዓቴንቆ ዓሶኮ ፓይዳ" ደንጎ
ሺያ ማዓያኬ።

11 ዩካፓ ዩሱሴ ካሣ ዔካፆ ጋላቴ፣ ዳዔ ዓሶም ዒንጋንዳጉዲ
ፔኤኮ ጊንጾ ሃንታ ናኣቶ"ም ዒንጌኔ። ዩያጉዲ ሞላሣያ ሃሣ ዒዛ
ጎይፆ ዒንጌም ቢያሣ ኮይሳሣጉዳያ ሙዔኔ።

12 ቢያሣ ሙይ ሚሸኬሰካፓ ዩሱሴ ጊንጾ ሃንታዘንሣፎ፡-
«ፔቴ"ታፆ ዲኢኒ ዓቴሞጉዲ ደንቦ ቡኩሱሞቴ» ጌዔኔ።

13 ዔያታኣ ዓሳ ሙዒ ሚሸኬ፣ ደንጎ ካሣ ደንቦ ቡኩሲ ታጶ
ላምፆ ዳኤፒ ለማቴ ኩንሣኔ።

14 ሳሳ ዩሱሴ ፆኦሲ ምልቄና ማዲንታ ዓኮ ባኮ ማዳሣ ዛጋፆ፡-
«ጎኔና ሳይ፣ ዓጮ" ሙካንዳኔ ጌይንቴ፣ ፆኦሲ ማሊፆ ኬኤዛሣኬ»
ጌዔኔ።

15 ዓማ"ና ዓሳ ምልቄና ዓርቂ ዒዛ ካኣታሳኒ ማላሣ ዔራፆ
ዩሱሴ ዓሶፓ ዲማዲ፣ ፔኤሮ ጌማሪ ባንሣ ዓኣዳኔ።

**ዩሱሴ ባዘ"ይዳ ሓንቲሣ
(ማቴ. 14፣22-33፤ ማር. 6፣45-52)**

16 ሳዓ ዓማ"ዛ ዒዛኮ ጊንጾ ሓንታዘንሣ ጌሊላ ባዘ" ባንሣ
ኬዳ"ኔ፤

17 ዩካፓ ሞኣፆና ፒንቆ ጎንጎ ቶጌ፣ ቂፒርናሆማ ባንሣ ዓኣዲሣ
ዓርቂኔ፤ ዩማና ሳዓ ዓማ"ንቴ ዩሱሴ ሃጊ ዔያቶ ኮራ ሙኪባኣሲ።

18 ዒማ"ና ዳኤፒ ጉደ ዠባሪ ዠባርሻሣሮ ባዘ" ሞኣፆ ባጊፆኔ።

19 ዩሱሴኮ ጊንጾ ሃንታ ናኣታ" ደንጎ ሃሣ ላሆ" ሺያ ታኣኪሣ
ማዓንዳያ ሞኣፆ ጊደ" ጎንጎ ዔኪ ዓኣዳሰካፓ ዩሱሴ ባዘ" ዑፆይዳ
ቶኪና ሃንቲ ሃንቲ ዔያቶ ባንሣ ሙካሣ ዛጋፆ ዔያታ ዲቃቴ
ዒጊጨኔ።

20 ዒዚ ጋዓንቴ፡- «ታናኬ! ዒጊጨፖቴ!» ጌዔኔ።

21 ዔያታ ሞዛዲ፣ ሞኣፆና ፒንቆ ጎንጎ ጋር ዒዛ ዔኪ ጌልዛዛ
ቤዘማና ሞኣፆና ፒንቆ ጎንጌላ ዔያታ ዓኣዳ ቤዘ ሄሊ"ኔ።

22 ዚሮ ጉቴ"ሎ ባዘ"ኮ ሶ ሱኮ"ይዳ ዓቴ" ዓሳ ባዘ"ይዳ ፔቴ"
ሞኣፆና ፒንቆ ጎንጊ ዓኣንቴ ዛጌኔ፤ ዩሱሴኮ ጊንጾ ሃንታ ናኣታ"

ፔኤሮ ዴንዳሢና ዩሱስ ዔያቶና ዎላ" ዋኣዖና ፒንቆ ጎንጎ ጋሮ
ጌሊባኣሢ ዔሬኔ።

23 ጋዓንቴ ማለ። "ዋኣሢና ፒንቆ ጎንጎ ዲብራዶሴፓ ዔቂ ዩሱስ
ዖኦሲ ጋላቲ ዴሮ" ካሦ ሙኡዜ ቤዘ ሙኡኔ።

24 ዴራ" ዩሱስ ማዔቲያ ዒዛኮ ጊንፆ ሃንታዘንሢ ዒኣካ ባኣሢ
ዛጋዖ ዩንሢ ዋኣዖና ፒንቆ ጎንጎንሢ ቶጊ ዩሱስ ኮዒ፣ ቂፒርናሆ ማ
ዒኣጴኔ።

ዩሱስ ኮ ሸምፖ ካሢ ማዒዖ

25 ባዘ"ኮ ሱኮ"ይዳ ዒዛ ዔያታ ዴንቃዖ፡- «ዔርዛሢሃ! ሓይካ ኔ
ዎዳኣ ዎዳ ሙኡይ?» ጌዔኔ።

26 ዩሱስ ዔያቶም፡- «ጎኔ ታ ዒንሢሞ ጋዒ፤ ዒንሢ ታና ኮዓሢ
ካሦ ሙይ ማሸከሢሢ ማዓንዳኣፓዓቲም ዖኦሲ ዎልቆና ማዲንቴ
ዓኮ ባኮ ዛጌሢሮቲዎሴ።

27 ባይቃ ካሢሞ ማዲፖቴ፤ ባሼና ዓሲ ናዓሢ ዒንሢሞ ዒንጋ፣
ናንጊና ናንጊ ሸምፖም ማዓንዳ ካሦም ማዲፖቲ፤ ዖኦሲ፡ ዓዳሢ
ፔኤኮ ናዓሢ ዒዛሮ ማዔሢ ዔርዛ ማላቶ ዒዛይዳ ዓይሢኔ»
ጌዔኔ።

28 ዓሳኣ፡- «ሂዳዖ ኑኡኒ ዖኦሲ ማዲ" ማዲኒ ዓይጎ ማዲንዳያ ኑና
ኮይሳይ» ጌዔኔ።

29 ዩሱስ፡- «ዒንሢ ማዲንዳጉዲ ዖኦሲ ኮዓ ማዲ" ዒዚ ዳከሢ
ጉሙርቂ ዔከሢሢ» ጌይ ዔያቶም ማሂኔ።

30 ዔያታ ዒዛ ኮራ፡- «ኑኡኒ ዛጊ ኔና ጉሙርቂ ዔካንዳጉዲ
ዓይጎ ዖኦሲ ዎልቆና ማዲንታ ዓከ ባኣዚ" ኔ ዳዎንዳይ? ሃሢ ዓይጎ
ኔ ማዲንዳይ?

31 ዔያታ ሙዓንዳጉዲ ጫሪንጫፓ ካሢ ዔያቶም ዒንጌ
ጌይንቲ ዖኣፒንቴሢጉዲ ኑኡኮ ዓዳንሢ ዓሲ ናንጉዎ ዳውሎ"ይዳ
ማና" ጌይንታ ካሦ ሙዔኔ» ጌዔኔ።

32 ዒማና ዩሱስ ዔያቶም፡- «ጎኔ ታ ዒንሢሞ ጋዒ፤
ጫሪንጫፓ ከዴ" ካሦ ዒንሢሞ ዒንጌሢ ሙሴቲዎሴ፤ ጎኩም ካሦ
ጫሪንጫፓ ዒንሢሞ ዒንጋሢ ታኣኮ ዓዳሢከ፤

33 ዒዚ ዒንጋ ካሢ ጫሪንጫፓ ከዳ"ያ ሓሢ ዓጪሞ ሸምፖ
ዒንጋያከ» ጋዓዛ፣

34 ዓሳ፡- «ጎዳሢሃ! ዩያጉዴ ካሦ ቢያ ዎዴ ኑም ዒንጌ» ጌዔኔ።

35 ዩሱስ ዔያቶም፡- «ሸምፖኮ ካሢ ታናከ፤ ታ ኮራ ሙካሢ
ፔቲ"ታዖ ናይዲንታዓከ፤ ታና ጉሙርቂ ዔካሢያ ፔቲ"ታዖ
ዴኤቢንታዓከ፤

6:31 ከሲ. ማፃ 16:4፤ 15፤ ዓይኑ. 78:24።

36 ዲንሢ ጋዓንቴ ታና ዛጌያታዎ ጉሙርቂ ዔኪባኣሢሮ ታ
ዲንሢሞ ሃያ ጋዓኔ።

37 ዓዴ ታኣሞ ዲንጋሢ ቢያ ሃንጋ ታ ባንሢ ሙካንዳኔ፤ ሃንጋ ታ
ባንሢ ሙካሢያ ሴካ ዙሎ" ታ ኬሳ"ዓኬ።

38 ዓይጎሮ ጌዔቴ ታኣኒ ጫሪንጮይዳፓ ኬዴ"ሢ ታና ዳኬሢኮ
ማሊያ ኩንሢኒ ማዓንዳኣፓዓቴሞ ታ ማሊያ ኩንሢኒቴሞሴ።

39 ታና ዳኬሢኮ ማሊያ፡- ዒ ታኣሞ ዲንጌዘንሢዳፓ ቢያ
ፔቴ"ታኣ ባይዙሞ? ጋፒንዎ ኬሎ"ና ናንጊና ናንጊ ሼምፖ
ዴንቃንዳጉዲ ሓይቢፓ ታ ዔያቶ ዔቁሳንዳኔ።

40 ሂዮ፤ ታ ዓዳሢኮ ማሊያ ናዓሢ ዛጊ ዒዛ ጉሙርቂ ዔኬሢ
ቢያ ናንጊና ናንጊ ሼምፖ ዴንቃንዳጉዲኬ፤ ታኣኒያ ጋፒንዎ ኬሎ"ና
ዒዛ ናንጊና ናንጊ ሼምፖ ዴንቃንዳጉዲ ሓይቢፓ ዔቁሳንዳኔ»
ጌዔኔ።

41 ዬሱሴ፡- «ጫሪንጮይዳፓ ኬዴ" ካሢ ታናኬ» ጌዔሢሮ
ዓይሁዶ ዓሳ ዒዛ ዑፃ ጉንዲሚሢ ዓርቄኔ።

42 ዔያታ ዒዛ፡- «ሓይ ዮሴፔ ናዓሢ፣ ዬሱሴቴሞዓዳ? ዓደና
ዲንዶና ዒዛኮ ኑ ዔራዘንሢቴሞዓዳ? ሂዳዎ ሃሢ ዒዚ ጫሪንካፓ
ታ ኬዴ"ኔ ዎይቲ ጋዓይ?» ጌዔኔ።

43 ዬሱሴ ዔያቶሞ ማሃዎ ታ ዛሎ" ሞላ" ጉንዲሚፖቴ፤

44 ታና ዳኬ፡ ዓዴ ዔኪ ሙኪባኣ ዓሲ ማዔቴ ታ ባንሢ ሙካኒ
ዳንዳዓ ዓሲ ያኣኒያ ባኣሴ፤ ሃንጋ ታ ባንሢ ሙካሢያ ጋፒንዎ
ኬሎ"ና ናንጊና ናንጊ ዴንቃንዳጉዲ ሃይቢዳፓ ታ ዔቁሳንዳኔ።

45 ያኣሲ ማሊያ ኬኤዛ ዓሶ ማፃኣፖይዳ፡- «ዓሳ ቢያ ያኣሲዳፓ
ዔሬያ ማዓንዳኔ» ጌይንቲ ፃኣፒንቴኔ፤ ዬያሮ ዓዶይዳፓ ዎይዚ
ዔሬሢ ቢያ ሃንጋ ታ ባንሢ ሙካንዳኔ።

46 ዬይ ያዲ ማዓዛ ዓዶ ዛጌ ዓሲ ዓኣኔ ጌይሢቴሞሴ። ዓዶ
ዛጌሢ ያኣሲ ኩራፓ ሙኬሢ ሌሊኬ።

47 ጎኔ ታ ዲንሢሞ ጋዓኔ፤ ታና ጉሙርቂ ዔካሢኮ ናንጊና ናንጊ
ዓኣኔ።

48 ታኣኒ ሼምፖኮ ካሢኬ፤

49 ዲንሢኮ ዓዶንሢ ዓሲ ናንጉሞ ዳውሎ"ይዳ ማና" ጌይንታ
ካዎ ሙዔኔ፤ ጋዓንቴ ዔያታ ሃይቄኔ፤

50 ጫሪንጮይዳፓ ኬዴ" ካሢ ሓያታሢሮ፣ ሓያ ካሢ ሙዓሢ
ፔቴ"ታዎ ሃይቃዓኬ።

51 ጫሪንጮይፓ ኬዴ"፣ ናንጊና ባይቁሞ ካሢ ታናኬ፤ ሃኖ'
ካሢይዳፓ ሙዓሢ ቢያ ናንጊና ናንጋንዳኔ፤ ዓጮ"ሞ ሼምፖ
ማዓንዳጉዲ ታኣኒ ዲንጋ ካሢ ታናኬ ጌዔኔ።

52 ይማና ዓይሁድ ዓሳ፡- «ሐይ ዓሢ ዒዛ ኑ ሙዓንዳጉዲ ዎዲ" ኑም ፔና ዒንገኒ ዳንዳዓይ?» ጌይሢና ዎላ" ማርሜኔ።

53 ዬያሮ ዬሱሴ ዔያቶም፡- «ጎኔ ታ ዒንሢም ጋዓኔ፤ ዓሲ ናዓሢ ዒንሢ ሙዒባኣቴ ሃሃ ሱጉዎ ዒንሢ ዒዛኮ ዑሽኪባኣቶ ዒንሢኮ ናንጊ ሸምፓ ባኣሴ።

54 ታና ሙዓሢና ሱጉዎ ታኣኮ ዑሽካሢኮ ቢያ ናንጊና ናንጊ ሸምፓ ዓኣኔ፤ ታኣኒያ ጋፒንዎ ኬሎ"ና ዒዛ ናንጊና ናንጊ ዳንቃንዳጉዲ ሐይቢዳፓ ዔቁሳንዳኔ።

55 ዓይጎር ጌዔቴ ታኣኒ ጎኔ ሙኡዚ"፤ ሱጉዎኣ ታኣኮ ጎኔ ዑሽኩ።

56 ታና ሙዓሢና ሱጉዎ ታኣኮ ዑሽካሢ ቢያ ታኣና ናንጋንዳኔ፤ ታኣኒያ ዒዛና ናንጋንዳኔ።

57 ናንጊና ባይቁዎ፣ ዓዴ ታና ዳኬም ታኣኒያ ዒዛና ናንጊና ባይቁዎ ማዒ ናንጋሢጉዲ ታና ሙዓሢያ ቢያ ታኣና ናንጊና ባይቁዎ ማዒ ናንጋንዳኔ።

58 ዓካሪ ጫሪንጮይዳፓ ኬዳ" ካሃ ሓያኬ፤ ዬይያ፡- ዒንሢኮ ዓደንሢ ሙዔሢ ጉይያቱዎሴ፤ ዓይጎር ጌዔቴ ዬኖ ካሃ ሙዔ ዓሳ ሃይቄኔ፤ ሃኖ ካሃ ሙዓሢ ጋዓንቴ ናንጊና ናንጋንዳኔ። ጌዔኔ።

59 ዬሱሴ ዬያ ኬኤዜሢ ቂፐርናሆ ማይዳ፣ ዓይሁድ ዓሳኮ ቡኪንቶ ቤዛ ዔርዚቤቃኬ።

ናንጊና ናንጊ ሸምፓ ቃኣላ

60 ዒዛ ዔሪ፣ ዒዛ ዓሲ ማዔ ዓሳይዳፓ ማርጌዞንሢ ዬያ ዎይዞ፡- «ሐይ ዳኤሢ ጌኤሲኬ፤ ዎኦኒ ጎኔኬ ጌይ ዔካኒ ዳንዳዓንዳይ?» ጌዔኔ።

61 ዔያታ ዬኖ ባኮ ዛሎ" ጉንዴማሢ ፔ ዓያኖና ዬሱሴ ዔራዎ፡- «ሐይ፣ ዒንሢ ዳቢሳ ባኣዚ"ዳ?

62 ዓሲኮ ናዓሢ ዎንዴ ዓኣ ቤዞ ማዒ ኬሰካሢ ዒንሢ ዛጋዎ ዎዚ ጋዓኒዳይ?

63 ሸምፓ ዒንጋሢ ዎኦሲ ዓያናኬ፤ ዓሲኮ ዎላቁ ጋዓንቴ ዓይጎዎ ማኣዲዎሴ፤ ታኣኒ ዒንሢም ኬኤዛ ቃኣላ" ሸምፓ ዒንጋ ዓያናኬ፤

64 ጋዓንቴ ዒንሢ ባኣኮ"ይዳፓ ፔቴ" ፔቴ" ዬያ ጉሙርቁዎ ዓሲ ዓኣኔ» ጌዔኔ። ዬሱሴ ዬያ ጌዔሢ ቤርታፓ ዓርቃዎ ዒዛ ጉሙርቁዎኣሢና ዒዛ ዓኣሢ ዒንጋንዳሢ ዎናታቶም ዔራሢሮኬ።

65 ሄሊ"ሳዎ ዬሱሴ፡- «ዓዴ ዓይሢያ ማዒባኣያታቶ ባንሢ ሙካኒ ዳንዳዓይ ባኣሴ ታ ዒንሢም ጌዔሢ ዬያሮኬ» ጌዔኔ።

66 ዬያይዳፓ ዔቁያና ዒዛ ዔሪ፣ ዒዛ ዓሲ ማዔ ዓሳይዳፓ ማርጌሢ ጊንሢም ማዔኔ፤ ዬማፓ ዓርቃዎ ዔያታ ዒዛ ጊንዎ ሃንቲዎ ሃሽ"ኔ።

- 67 ይናገር ዩሱሱስ ታጾ ለምድንህ ኮራ፡- «ሲንህያ ሐሺ" ዓኣዲኒ ኮባ?» ጌዔ።
- 68 ይማና ሲሞክኔ ጌይንታ ጳዳሪሴ ማሃዖ፡- «ጎዳህዮ! ኑኡኒ ዖ ባንህ ዓኣዲንዳይ? ኔኤኮ ናንጊና ናንጊ ሾምፖ ቃኣላ ዓኣ።
- 69 ኑኡኒ ኔና ጉሙርቂ ዔኮኔ፤ ያኦሲም ዲማዴያ ዒዛኮ ናዓህ ኔና ማዔህያ ኑ ዔሬ።» ጌዔ።
- 70 ዩሱሱስ፡- «ታናቱዋይ ዒንህ፤ ታጾ ለምድንህ ደኦሬህ? ጋዓንቱ ዒንህዳፓ ፔቱ"ህ ፃላሂኮ» ዔያቶም ጌዔ።
- 71 ይና ዒ ጌዔህ ሲሞክኔ ናኣዚ"፤ ዓሰቆሮንቶ ዓጮ" ዓህ፤ ዪሁዳ ዛሎ"ሮኮ፤ ዓይጎሮ ጌዔቱ ዪሁዳ ዋዚ ታጾ ለምድንህዳፓ ፔቱ"ህ ማዔቱያ ዩሱሱስ ዓኣህ ዒንጋህ ዒዛ ማዔህሮኮ።

7

ዩሱሱስ ወልሾ ዳማ" ቦንቸንታ ቦንቸሮ ዩሩሳሌም ዓኣዳህ

- 1 ዩካፓ ዩሱሱስ ጌሊላ ዓጮ"ይዳ ሴካ ሃንጋ ሃንታኔ፤ ዪሁዳ ዓጮ"ይዳ ጋዓንቱ ሃንታኒ ኮይባኣሴ፤ ዓይጎሮ ጌዔቱ ዓይሁዶ ዓሶ ዋይህ ዓሳ ዒዛ ዋዳኒ ኮዓህሮኮ።
- 2 ዩና ዋዶ"ና ዓይሁዶ ዓሶኮ ወልሾ ዳማ" ዳዒ ቦንቸ ኮላ" ዑኮ።
- 3 ዩናገር ዩሱሱስኮ ጌርሲንህ ዒዛ ኮራ ሙካዖ፡- «ኔኤኮ ጊንዖ ሃንታዘንህ ኔኤኒ ያኦሲ ዋልቄና ማዳ ዓኮ ባኮ ዛጋንዳጉዲ ሃካፓ ኬሰኪ ዪሁዳ ዓጮ" ዓኣዳ፤
- 4 ዓይጎሮ ጌዔቱ ፔጌና ዔርታኒ ኮዓ ዓሲ ማዶ" ፔኤሲ" ዓኣቸ ማዶዋሴ፤ ኔኤኒያ ሐያ ባኮ ቢያ ማዶ ዋዶ"ና ኔና ኔ ዓጮ"ም ፔጋሲ ዔርዛንዳያ ኮይሳኔ» ጌዔ።
- 5 ይና ዔያታ ጌዔህ ዒዛኮ ጌርሲንህታዖ ዒዛ ጉሙርቂ ዔኮከባኣህሮኮ።
- 6 ዩሱሱስ ዔያቶም፡- «ታ ዋዳ" ሃጊ ሄሊ"ባኣሴ፤ ዒንህ ዋዳ" ጋዓንቱ ቢያ ዋዳ ጊኣጌያኮ።
- 7 ዓጮ" ዒንህ ዒፃኒ ዳንዳዑዋሴ፤ ታና ጋዓንቱ ዒፃኔ፤ ዓይጎሮ ጌዔቱ ታኣኒ ዓጮ"ኮ ማዶ" ፑርታ ማዔህ ማርካዳህሮኮ።
- 8 ዒንህ ጋዓንቱ ቦንቸ ኮሎ"ሮ ዓኣዲዋቱ፤ ታኣኮ ዋዳ" ሃጊ ሄሊ"ባኣህሮ ዩና ቦንቸ ኮሎ" ቤዘ ታ ዓኣዳዓኮ» ጌዔ።
- 9 ይና ጌዒጋፓ ዒዚ ጌሊላይዳ ዓቲ"ኔ።

ዩሱሱስ ቦንቸ ኮሎ" ቤዘ ዓኣዲያ

6:69 ማቲ. 16፣16፤ ማር. 8፣29፤ ሉቃ. 9፣20። 7:2 ለዊ. ዓኮ 23፣34፤ ለሚ. ዋማ 16፣13።

10 ጋዓንቴ ዒዛኮ ጌርሲንሢ ሆንኛ ከሎ" ቤዞ ዓኣጳሢኮ ጊንፃ ዒዚ ዓኣሺንጉቴ ዬኖ ቤዞ ዳንዴ።

11 ዬኖ ቤዞይዳ ዓይሁዶ ዓሶ ዎይሣ ዓሳ፡- «ዬይ ዓሢ ዎካዳይ?» ጌዒ ጌዒ ዒዛ ኮዓ።

12 ዴራ" ዒዛ ማርጌና ዶንካ፤ ዒማ"ና ፔቴ" ፔቴ"ዘንሢ፡- «ዒዚ ኮሺ ዓሲከ» ጋዓዛ፣ ዛላ"- «ያዲቱዎሴ፤ ዒዚ ዴር" ዳዳቢሻ፤» ጋዓ።

13 ያዲ ማዔቶዎ ዓይሁዶ ዓሶኮ ዎይሣ ዓሶ ዒጊጨሢና ጾኦይ ዒዛ ዛሎ" ፔጌና ጌሰቲባኣሴ።

14 ዬኖ ሆንኛ ከሎ"ኮ ሄካሰካ ዬሱሴ ጌኤዮ ማኣሪ ዓኣዲ ዔርዚሢሢ ዓርቄ።

15 ዓይሁዶ ዓሶ ዎይሣ ዓሳ፡- «ሐይ ዓሢ ዓሲዳፓ ዔሪባኣያታዎ ሃያ ቢያ ዎዲ" ዔራኒ ዳንዳዔይ?» ጌዒ ጌዒ ዲቃቲ ሄርሼ።

16 ዬያሮ ዬሱሴ፡- «ታ ዔርዛ ባካ ታና ዳከ፣ ታ ዓይይዳፓ ዒንጊንጉቴያ ማዓንዳኣፓዓቲዎ ታጊዳፓቱዎሴ።

17 ታና ዳከሢኮ ዓይሢ፣ ከንሣኒ ኮዓያ ዓኣቶ ሃይ ታኣኮ ዔርዚያ ጾኦይዳፓ ዒንጊንጉቴያ ሃሣ ታኣኒ ታ ቶኦካ"ፓ ዔከ ከኤዛያ ማዔቲያ ዲማሲ ዔራንዳ።

18 ፔ ቶኦካ"ፓ ከኤዛሢ ፔ ሆንኛ ኮዓ፤ ዳከሢ ሆንኛዎ ማዳሢ ጋዓንቴ ጎኑዎ ዓኣያከ፣ ሉኡዙዎዎ ዒዛይዳ ባኣሴ።

19 ሙሴ ዒንሢዎ ዎጌ ዒንጊባይ? ጋዓንቴ ዒንሢዳፓ ዎጎ ከንሣይ ጾኦይ ባኣሴ። ዒንሢ ዓይጎር ታና ዎዳኒ ኮዓይ?» ጌዔ።

20 ዴራ"ኣ፡- «ሐይ ፎ፣ ፑርቶ ዓያና" ዓርቄሢ ሃይ! ጾኦና ዎዳኒ ኮዔይ?» ጌዔ።

21 ዬሱሴ ዔያቶዎ፡- «ታኣኒ ፔቴ" ማዶ ማዳ፤ ዒንሢ ቢያሢ ዬኖ ማዴ"ሎ ዲቃቲ ሄርሼ።

22 ሙሴ ዓቲንጉ ቤርቲ ቲቁሢ ዎጌ ዒንሢዎ ዒንጌ፤ ዬይ ዎጋ" ዒንጊንጉሢ ዒንሢኮ ዓድንሢዳፓ ማዓንዳኣፓዓቲዎ ሙሴይዳፓቱዎሴ፤ ዓካሪ ዒንሢ ሃውሾ ከሎ"ናታዎ ዓሲኮ ዓቲንጉ ቤርቲ ቲቲቃ።

23 ዓካሪ፡ ሙሴ ዎጋ" ዓቲዎጉዲ ዓሲ ሃውሾ ከሎ"ና ዓቲንጉ ቤርቲ ቲቁንታያ ማዔቲ ታኣኒ ሃውሾ ከሎ"ና ዓሲ ሸዎፓ ዳቁሼሢሪ ዓይጎር ታ ዑፃ ዒንሢ ጎሪ"ንታይ?

24 ዓሲ ዛጌ፣ ዲማሲ ዎጊይይዳፓ ፒዜ ዎጌ ዎጉዎቲ» ጌዔ።

ሜሲሔ ዛሎ" ዔቄ ማርዎ

25 ዩድሳላሜ ዓሰይዳፓ ፔቴ" ፔቴ"ዘንሢ:- «ዓይሁድ ዓሰኮ ስኡጋ ወዳኒ ኮዓ ዓሢ ሃያቱዋዓዳ?

26 ሓይሾ ዒዚ ሃሢ ፔገና ከኤዘኔ፤ ዔያታ ዒዛ ኮይላ" ፔቴ"ታዎ ዔኤቢ ገይባሴ፤ ሓይ ዓሢ ሜሲሔ ማዔሢ ወይሃ ዓሳ ጎናሲ ዔዔሬሞ?

27 ጋዓንቴ ኦኡኒ ሃይ ዓሢ ዓንካፓታቴ ዔራኔ፤ ሜሲሔ ሙካኣና ዓንካፓታቴያ ዔራንዳያ ያኦኒያ ባኣሴ» ጌዔኔ።

28 ዩያሮ ዩሱሴ ጌኤዠ ማኣሮይዳ ዔርዘዎ ዑኡዘ ፔኤሲ" ዴግዲ:- «ታና ዒንሢ ዔራኔ፤ ታኣኒ ዓንካፓ ሙኬቴያ ታና ዒንሢ ዔራኔ፤ ጋዓንቴ ታኣኒ ታ ቢታንቶና ሙኪባኣሴ፤ ታና ዳኬሢ ጎኑሞ ዓኣያኬ፤ ዒንሢ ዒዛ ዔራዋሴ።

29 ታኣኒ ጋዓንቴ ዒዛ ኮራፓ ሙኬሢሮ ሃሃ ዒዚ ታና ዳኬሢሮ ታ ዒዛ ዔራኔ» ጌዔኔ።

30 ዒማ"ና ዔያታ ዒዛ ዓርቃኒ ኮዔያታንቴ ወዳ" ዒዛኮ ሃጊ ሄሊ"ባኣሢሮ ያኦኒያ ዒዛ ዓርቁባኣሴ።

31 ጋዓንቴ ዴሮ"ይዳፓ ሚርጌ ዓሲ ዒዛ ጉሙርቁ ዔካዎ:- «ሜሲሔ ሙካ ወዳ"ና ሓይ ዓሢ ማዔ ያኦሲ ወልቆና ማዳንቴ ዓኮ ባከይዳፓ ባሼ ማዳንዳ?» ጌዔኔ።

ዩሱሴ ዓርቃንዳጉዲ ጌኤዠ ማኣሮ ካፓ ዓሰኮ ዳከንቴያ

32 ዴራ" ዩሱሴ ዶንካሢ ፔርሴ ዓሳ ዋይዜኔ፤ ዩያሮ ቁኤሶኮ ስኡጎና ፔርሴ ዓሰና ዩሱሴ ዓርቃኒ ጌኤዠ ማኣሮ ካፓ ዓሰ ዳከኔ።

33 ዩማና ዩሱሴ:- «ዒንሢና ወላ" ዳካ" ወዴ ታ ዴዓንዳኔ፤ ዩካፓ ታና ዳኬሢ ባንሢ ታ ዓኣዳንዳኔ፤

34 ዒንሢ ታና ኮዓንዳኔ፤ ጋዓንቴ ዒንሢ ታና ዴንቃዓኬ፤ ታኣኒ ዓኣ ቤዘ ዒንሢ ሙካኒ ዳንዳዒንዳዋሴ» ጌዔኔ።

35 ዩያሮ ዓይሁድ ዓሰ ወይሃ ዓሳ ወሊ ኮይላ:- «ኦኡኒ ዒዛ ዴንቁወጉዲ ሃይ ዓሢ ዓንኮ ዓኣዳኒዳይ? ጎዎንቴ ገሪኬ ዓፎ" ዓሰ ባኣካ" ላኣሊንቴ ዓኣ፣ ዓይሁድ ዓሰ ባኣኮ" ዓኣዲ ገሪኮ ዓሰ ዔርዘኒሞ?

36 «ዒንሢ ታና ኮዓንዳኔ፤ ጋዓንቴ ዒንሢ ታና ዴንቃዓኬ፤ ታኣኒ ዓኣ ቤዘዋ ዒንሢ ሙካኒ ዳንዳዒንዳዋሴ» ጌይያ ዒዛኮ ወዘ ጌይሢዳይ?» ጌዔኔ።

ናንጊና ናንጊ ዋኣሢ

37 ቦንቾ ከሎ"ኮ ጋፒንያ ማዔ፣ ዴኤፖ ከሎ"ና ዩሱሴ ዔቂጋፓ ዑኡዘ ዴግዲ:- «ዋኣሢ ዴኤቤይ ዓኣቶ ሃኒ ታ ኮራ ሙኪ ዑሽኮንጎ፤

7:37 ሊዊ. ዓከ 23፣36።

38 ታና ጉሙርቁ ዔካሢኮ ጌኤዡ ማፃኣፓ ጋዓሢጉዲ ናንገና ናንገ ዋኣሢ ጋራፓ ዓልቃንዳኔ» ጌዔኔ።

39 ዬያ ዒ ጌዔሢ ዒዛ ጉሙርቃዞንሢ ዔካንዳ ዒያኖ ዛሎ"ኬ። ዓይጎሮ ጌዔቴ ዬሱሴ ሃይቂ ለካ ዔውታ ዎዳ" ሄሊ"ባኣሢሮ ዒያኖ ጌኤዡ ሃገ ዒንገንቲባኣያኬ።

ዴሮ"ኮ ባኣካ" ማዢንቲ ፓቂንቲያ

40 ዴሮ"ኮ ባኣኮ"ይዳፓ ፔቴ" ፔቴ"ዞንሢ ዬያ ቃኣሎ" ዋይዛያ፡- «ሙካንዳኔ ጌይንቲ ያኦሲ ማሊያ ኬኤዛሢ ጎኔና ሃያኬ» ጌዔኔ።

41 ዛላ" ሃሣ፡- «ሓይ ማሲሔኬ» ጌዔኔ። ዓቴ" ዓሳ ጋዓንቲ፡- «ማሲሔ ሙካሢ ጌሊላ ዓጮ"ይዳፓዳ?

42 ማሲሔ ዳውቴ ዜርፃፓ ሾይንታንዳሢና ዳውቴ ካታዋ ቤኤቴሌሃማይዳፓ ሙካንዳሢ ጌኤዡ ማፃኣፓይዳ ያኣፒንቲባኣዳዳ?» ጌዔኔ።

43 ዬያሮ ዒዛ ዛሎ"ና ዴሮ" ባኣካ" ፓቂንቲሢ ማዢንቲ።

44 ፔቴ" ፔቴ"ዞንሢ ዒዛ ዓርቃኒ ኮዔንቲ ያኦኒያ ዒዛ ዓርቂባኣሴ።

ዓይሁዶ ዓሶ ዎይሃ ዓሶኮ ዬሱሴ ጉሙርቁ ዔኩዋያ ሃሺ"ያ

45 ዬካፓ ጌኤዡ ማኣሮ ካፓዞንሢ ቁኤሶ ሱኡጎና ፔርሴ ዓሶና ባንሢ ዓኣዴኔ፤ ዬና ፑኡፖ ዓሳ፡- «ዒዛ ዒንሢ ዓይጎሮ ዔኪ ሙከባኣይ?» ዔያቶ ኮራ ጌዔኔ።

46 ጌኤዡ ማኣሮ ካፓዞንሢያ፡- «ሓይ ዓሢ ኬኤዛሢጉዲ ያኦኒያ ኬኤዚ ቤቂባኣሴ» ጌይ ማሄኔ።

47 ፔርሴ ዓሳ ጋዓንቲ፡- «ዒንሢያ ሃሣ ዳቢንቲያ?

48 ዎይሃ ዓሶና ፔርሴ ዓሶናይዳፓ ዒዛ ጉሙርቁ ዓሲ ዓኣኖ?

49 ሃይ ሙሴ ዎጎ ዔሩዋ ዴራ" ጎኔና ጋዳንቂንቲያኬ» ጌዔኔ።

50 ዒማ"ና ሓያኮ ቤርታ ዬሱሴ ኮራ ዓኣዴ፡ ፔርሴ ዓሶ ዛላ"ፓ ማዔ፣ ኒቆዳሞሴ፡-

51 «ኦኡኮ ዎጎ ጎይያና ፔቴ" ዎጌና ዓርቂንቲ ዓሢኮ ጌኤዛ ዎይዙዋያ ሃሣ ዓይጎ ማዴቴያ ዔሩዋያ ዎጌ ዎጌንታ?» ጌዔኔ።

52 ዔያታ ማሃያ፡- «ኔኤኒያ ጌሊላ ዓጮ"ይዳፓዳ? ያኦሲ ማሊሢ ኬኤዛይ ጌሊላ ዓጮ"ይዳፓ ዔቂንዲዋኣሢ ማፃኣፓ ኮሺ" ማሢ ዛገ ዔሬ» ዒዛሞ ጌዔኔ። [

53 ዬካፓ ፔቴ" ፔቴ"ሢ ፔኤኮ ማኣሪ ማኣሪ ዴንዴኔ።

7:38 ሂዚ. 47፣1፤ ዛካ. 14፣8። 7:42 2ሳሙ. 7፣12፤ ሚኪ. 5፣2። 7:50 ዮሐ. 3፣1-2።

8

ዓቲንቆና ዘአዛ ኮአሚ ዓርቂንቲ ላአሌሎ

- 1 ዩካፓ ዩሱሴ ዛይቲ ሪሚቲ ዱካ ጌይንታ ቤዞ ዳንዴ።
- 2 ዚሬሎ ጉቲ" ዓማ" ጌኤዥ ማእሪ ዒ ማዒ ሙካንጉቲ ዳራ" ቢያ ዒዛ ባንሢ ሙካዛ፣ ዒዚ ዳዒ ዔርዚሢ ዓርቂ።
- 3 ሙሴ ዎጎ ዔርዛ ዓሶና ፔርሴ ዓሶና ዓቲንቆና ዘአዜይዳ ኮአማንቲ ዳንቁ ላአሊሰኬኖ ዔኪ ሙኪ ዳሮ"ኮ ባአካ" ዔቂሳዎ።
- 4 ዩሱሴ ኮራ፡- «ዔርዛሢ! ሓይሾ፣ ሃና ላአሌላ ዓቲንቆና ዘአሰካ ኮአሚ ዓዲንቲ፤
- 5 ሐኖጉዳ ላአላ ሹቲና ዱይንቲ ሓይቃንዳጉዳ ሙሴ ኦኡኮ ዎጎይዳ ኦና ዓይሢ፤ ኔኤኒ ዒዞ ዛሎ" ዎዚ ጋዓይ?» ጌዔ።
- 6 ዬያ ዔይታ ጌዔሢ ዒዛ ዎጎና ዓይሢ ሳንዳ ዳቢንቲ ዳንቃኒ ኮላሢሮኬ፤ ዩሱሴ ጋዓንቲ ሂርኪ ጌይ ፔኤኮ ኬኤሎ"ና ሳዓ ፃአፒሢ ዓርቂ።
- 7 ላሚ ላሚ ዒዛ ዔይታ ያአጫዛ ዒዚ ዳግ ጋዓዎ፡- «ዒንሢ ባአካ"ፓ ጎሚ ባአሢ ቤርታዲ ዒዞ ሹቲና ዱዎንጎ» ጌዔ።
- 8 ዩካፓ ላሚ ሃሃ ሂርኪ ጋዓዎ ሳዓ ፃአፔ።
- 9 ዔይታ ዬያ ዎይዚ ጨሞይዳፓ ዓርቃዎ ቢያሢ ፔቲ" ፔቲ" ኬሰኪ ኬሰኪ ዳንዴሢሮ ዩሱሴ ላአሌሎና ዎላ" ሌሊ ዓቲ"።
- 10 ዩካፓ ዩሱሴ ዳግ ጋዓዎ፡- «ዔናኣሬ፤ ኦና ዓርቂ ዔኪ ሙኬ ዓሳ ዎካዳይ? ኔ ጌዳ" ዎጌ ዓሲ ባአዓዳ?» ጌዔ።
- 11 ዒዛ ማሃዎ፡- «ጎዳሢ! ያኢኒያ ባአሴ» ጌዔ።
- ዩሱሴያ፡- «ታኣ ኔ ዑፃ ዎጋዓኬ፤ ዓኣዳ፣ ላሚ ጎሚ ማዲፓ» ዒዞሞ ጌዔ።*]

ዩሱሴ ዓጮ"ኮ ፖዔ ማዔሢ

- 12 ላሚ ሃሃ ዩሱሴ፡- «ታኣኒ ዓጮ"ኮ ፖዒኬ፤ ታ ጊንዎ ሃንታሢ ቢያ ናንጊ ፖዒ ዳንቃንዳ፤ ዱሚዳኣ ሃንቲንዱዎሴ» ጌይ ኬኤዜ።
- 13 ፔርሴ ዓሳ፡- «ኔኤኒ ኔ ዛሎ" ኔኤሮ ማርካዳሢሮ ኔኤኮ ማርካታ" ጎኔቲዎሴ» ጌዔ።

8:5 ሌዊ. ዓከ 20፣10፤ ላሚ. ዎማ 22፣22-24። **8:6** ዔር. 17፣13። * **8:11** ቤርታኣ ማፃኣፓ ሚርጌሢ፡- ሐኖ" ቤዜሎ (7፣53-8፣11) ጌዳ" ቃሱ"ዋሲ፤ ፔቲ" ፔቲ" ማፃኣፓ ዮሐ. 21፣24ኮ ጊንዎ ጌልዛ፤ ሃሃ ሜሌ" ማፃኣፔ ሉቃ. 21፣38ኮ ጊንዎ ጌልዛ፤ ፔቲ" ማፃኣፔ ዮሐ. 7፣36ኮ ጊንዎ ጌልዛ። **8:12** ማቲ. 5፣14፤ ዮሐ. 9፣5። **8:13** ዮሐ. 5፣31።

14 ዬሱሱስ ዴያቶሞ፡- «ታኣኒ ታ ዛሎ" ማርካዲያ ማዔያታቴያ ባንካፓ ታ ሙኩቶ ሃሃ ታ ባንኮ ባኣዲቶ ታ ዔራሢሮ ታኣኮ ማርካዲያ ጎኔኬ፤ ዲንሢ ጋባንቴ ባንካፓ ታ ሙኩቶ ሃሃ ባንኮ ታ ባኣዲቶ ዔራ ባኣዚ" ባኣሱ።

15 ዲንሢ ዓሲ ማላሢጉዲ ዋጋኔ፤ ታኣኒ ጋባንቴ ዬያጉዲ ያ ዑያይዳኣ ዋጉዋሴ።

16 ታኣኒ ዋጌቴያ ታኣኮ ዋጊፃ ፒዜኬ፤ ዓይጎር ጌዔቴ ታኣኒ ታኣር ሌሊ ዋጉዋሴ፤ ታና ደኬ ዓይያ ታኣና ዋላ"ኬ።

17 ላምያ ዓሲኮ ማርካፓ" ጎኔ ማዓሢ ዲንሢኮ ዋጎይዳ ፃኣፒንቴኔ።

18 ታ ዛሎ"ኮ ፔቴ" ማርካሢ ታናኬ፤ ሃንጎ ማርካሢ ታና ደኬ፥ ታ ዓዳሢኬ» ጌዔኔ።

19 ዬካፓ ዔያታ፡- «ኔኤኮ ዓይ ባንካዲይ?» ጌይ ዒዛ ያኣጫዛ፥ ዬሱሱስ ማሃያ፡- «ታና ማዔቴያ ታኣኮ ዓደዋ ዲንሢ ዔራዋሴ፤ ታና ዲንሢ ዔራያታቶ ታ ዓደዋ ዲንሢ ዔራንዳያኬ» ዔያቶሞ ጌዔኔ።

20 ዬሱሱስ ዬያ ቃኣሎ" ኬኤዜሢ ጌኤዢ ማኣራ፥ ሚኢሾ ዔኮ ሳኣፃና ዓጫ ዴዒ ዔርዚቤቃኬ። ዬይ ያዲ ማዔቴያ ዋዳ" ዒዛኮ ሃጊ ሄሊ"ባኣሢሮ ያኣኒያ ዒዛ ዓርቂባኣሱ።

ያኣሲ ጉሙርቁሢ ዓተሢ ዛላ ኬኤዚንቴ ላቴ'ሢ

21 ላሚ ዬሱሱስ ሃሃ፡- «ታኣኒ ባኣዲንዳኔ፤ ዲንሢያ ታና ኮባንዳኔ፤ ጋባንቴ ዲንሢ ዲንሢኮ ጎሞና ዋላ" ሓይቃንዳኔ፤ ታኣኒ ዴንዳ ቤዘዋ ዲንሢ ሙካኒ ዳንዳዑዋሴ» ጌዔኔ።

22 ዓይሁዶ ዓሲኮ ዋይሃ ዓሳ፡- « ታኣኒ ዴንዳ ቤዘ ዲንሢ ሙካኒ ዳንዳዑዋሴ ዒዛኮ ጌይፃ ፔና ዋዋዲነሞ?» ዋሊ ኮይላ" ጌዔኔ።

23 ሄሊ"ሳዖ ሃሃ ዬሱሱስ፡- «ዲንሢ ሃካፓኬ፤ ታኣኒ ሎፓኬ፤ ዲንሢ ሓያ ዓጫ"ፓኬ፤ ታኣኒ ሃያ ዓጫ"ፓቴዋሴ፤

24 ዲንሢኮ ጎሞና ዋላ" ዲንሢ ሃይቃንዳኔ፥ ታ ጌዔሢ ዬያርኬ፤ ታኣኒ ታና ፊ ማዔሢ ጉሙርቁዋያ ማዔቴ ዲንሢ ዲንሢኮ ጎሞና ዋላ" ሓይቃንዳኔ» ጌዔኔ።

25 ዔያታ ማሃያ፡- «ኔኤኒ ያናዳይ?» ዒዛ ኮራ ጋዓዛ፥ ዬሱሱስ ዔያቶሞ፡- «ቤርታፓ ዓርቃያ ዲንሢኞ ኬኤዛሢ፥ ታኣኒ ዒዛኬ፤

26 ታኣኒ ዲንሢኞ ኬኤዛንዳያና ዋጋንዳ፥ ሚርጌ ባኣዚ" ዓኣኔ፤ ማዔቴያ ታና ደኬሢ ጎኔሞ ዓኣያኬ፤ ታኣኒያ ዓጮ"ሞ ኬኤዛሢ ዒዛይዳፓ ዋይዜሢ ሌሊኬ» ጌዔኔ።

27 ዔያቶሞ ጋባንቴ ዓዶ ዛሎ" ዒ ኬኤዜሢ ዔርቲባኣሱ።

† 8:24 ታኣኒ ታናኬ፡- ጌይፃ ዒዛኮ ሱንያኬ። 8:24 ኬሲ. ማፃ 3፥14።

28 ዬሮሮ ዬሱሴ ዔያቶም፡- «ዓሲኮ ናባሢ ዒንሢ ሱፃኣና ታኣኒ ሲያናና ናንጋያ ማዔሢ ዒንሢ ዔራንዳኔ፤ ዬያጉዲ ዓዴ ታና ዔርዘ ባኮ ታ ኬኤዛንዳፓዓቲም ታ ቢታንቶና ሌሊ ዓይጎ ባኣዚ"ያ ታ ማዲዋኣሢ ዬና ዋደ"ና ዒንሢ ጰቂሣንዳኔ።

29 ታና ዳኬሢ ታኣና ዋላ"ኬ፤ ታኣኒ ቢያ ኬሊ" ማዲሢ ዒዛ ዋዛሳ ባኣዚ" ማዔሢሮ ታና ታኣሮ ሌሊ ዒ ሃሺ"ባኣሴ» ጌዔኔ።

30 ዬሱሴ ዬያ ኬኤዛዛ ማርጌ ዓሲ ዒዛ ጉሙርቄኔ።

ጎሜ ዓይላ "ቶፓ ኬሰኪሢ

31 ዬሱሴ ዒዛ ጉሙርቄ ዓይሁደ ዓሰም፡- «ዒንሢ ታ ዔርዚያና ደዲ ናንጌቲ ጎኔና ዒንሢ ታና ዔሪ፥ ታ ዓሲ ማዓንዳኔ፤

32 ጎኑም ዒንሢ ዔራንዳኔ፤ ጎኑምም ዒንሢ ዓይላ"ቶይዳፓ ኬሳ"ንዳኔ» ጌዔኔ።

33 ዔያታ ጋዓንቲ፡- «ኦኡኒ ዓብራሃሜ ዜርሢኬ፤ ፔቲ"ታዖ ያኦኮዋ ኑ ዓይሌ" ማዒ ዔራዋሴ፤ ዓካሪ ኔኤኒ ሲንሢ ዓይሌ"ምይዳፓ ኬሰካንዳኔ» ኦና ጋዓሢ ዋይቲዳይ?» ጌዔኔ።

34 ዬሱሴ ዔያቶም፡- «ጎኔ ታ ዒንሢም ጋዓኔ፤ ጎሜ ማዲሢ ቢያ ጎሜኮ ዓይሌ"ኬ፤

35 ዓይሌ" ቢያ ዋደና ማኣሪዳ ናንገ ዓቲዋሴ፤ ሾዖና ናይ ጋዓንቲ ቢያ ዋደ ማኣሪ ናንጋኔ።

36 ዬሮሮ ሾዖና ናባሢ ዒንሢ ዓይላ"ቶፓ ኬሴ"ቲ ጎኔና ዒንሢ ዓይላ"ቶፓ ኬሰኪያ ማዓንዳኔ።

37 ዒንሢ ዓብራሃሜ ዜርዖ ማዔሢ ታ ዔራኔ፤ ጋዓንቲ ታኣኮ ቃኣሎ" ዒንሢ ዔኩዋያታሢሮ ታና ዋዲኒ ኮዓኔ።

38 ታኣኒ ታ ዓደ ኮራፓ ዛጌ ባኮ ዒንሢም ኬኤዛኔ፤ ዒንሢ ጋዓንቲ ዒንሢ ዓደ ኮራፓ ዋይዜ ባኮ ማዲኔ» ጌይ ማሄኔ።

39 ዔያታ ማሃዖ፡- «ኦኡኮ ዓዲሢ ዓብራሃሜኬ» ዒዛም ጋዓዛ፥ ዬሱሴ ዔያቶም፡- «ዓብራሃሜ ናይ ዒንሢ ማዔያታቲ ዓብራሃሜ ማዲሢጉዲ ማዲያናንዳኔ፤

40 ታኣኒ ያኦሲዳፓ ዋይዜ ጎኑም ዒንሢም ኬኤዜኔ፤ ዒንሢ ጋዓንቲ ታና ዋዲኒ ኮዓኔ፤ ዓብራሃሜ ዬያይዲባኣሴ።

41 ዓካሪ ዒንሢ ማዲሢ ዒንሢኮ ዓዲሢ ማዲ"ኬ» ጋዓዛ፥ ዔያታ ማሃዖ፡- «ኦኡኒ ዓሌ" ናይቲዋሴ፤ ኦኡኮ ፔቲ" ዓዴ ዓኣኔ፤ ዒዚያ ያኦሲኬ» ጌዔኔ።

42 ዬሱሴ ዔያቶም፡- «ያኦሲ ዒንሢኮ ዓደ ማዔያታቲ ታና ዒንሢ ናሽኬያ ናንዳኔ፤ ዓይጎሮ ጌዔቲ ታኣኒ ሓይካ ዓኣሢ ያኦሲ

ኮራፓ ሙከራ፤ ታናዳኬህያ ዲዛ ማዕንዳኣፓዓቴም ታኣኒ ታ ቢታንቶና ሙከባኣሴ።

43 ታኣኒ ጋዓ ባካ ዲንህሂም ወይቲ ጌሉዋይ ጌዔቶ ታ ቃኣሎ" ዲንህሂ ዋይዚ ዔካኒ ኮዑዋኣህሮኬ።

44 ዲንህሂ ዲንህሂኮ ዓዳህ፤ ፃላሂ ናኣቶ"ኬ፤ ዲንህሂኮ ማሊፃ ዲንህሂ ዓዳህ ዓፃዳ ባኮ ኩንሥህኒ፤ ዲዚ ቤርታፓ ዓርቃፃ ሹምፖ ዋዳያኬ፤ ጎኑም ዲዛይዳ ባኣህሮ ጎኑምና ዋላ" ፔቴ"ታፃ ካኣሚ ዲዛኮ ባኣሴ፤ ዲዚ፡ ሉኡቃያ ሃህ ሉኡዙሞኮዋ ዓዶ ማዕህሮ ሉኡቁ ዲ ኬኤዛ ዋዶ"ና ፔ ማሊፃፓ ዔኪ ኬኤዛኔ።

45 ታኣኒ ጋዓንቴ ጎኑም ኬኤዛያ ማዕህሮ ዲንህሂ ታና ጉሙርቁዋሴ፤

46 ሂንዳ ዲንህሂዳፓ፡- «ኔኤኒ ጎሜናኬ» ታና ጋዓንዳህሂ ያናዳይ? ጎኑም ታ ኬኤዛያ ማዕቴ ዓካሪ ዲንህሂ ዓይጎሮ ታና ጉሙርቁዋይ?

47 ያኦሲዳፓ ማዕህሂ ዲዛኮ ቃኣሎ" ዋይዛንዳኔ፤ ዓካሪ ዲዛኮ ቃኣሎ" ዲንህሂ ዋይዙዋኣህሂ ዲዛይዳፓ ዲንህሂ ማዕባኣህሮኬ» ጌዔኔ።

ዬሱሴ ዓብራሃሜኮዋ ቤርታ ዓኣያ ማዕህሂ

48 ዓይሁዶ ዓሳ፡- «ኔኤኒ ሳማሪያ ዓጪ ዓሲኬ፤ ፑርታ ዓያናኣ ኔ ጌዳ" ዓኣኔ፤ ኑኡኮ ጌይፃ ፒዘቱዋዳዳ?» ዲዛም ጌዔኔ።

49 ዬሱሴ ዔያቶም፡- «ታ ጌዳ" ፃላሂ ዓያና ባኣሴ፤ ታኣኒ ታኣኮ ዓዶ ቦንቻኔ፤ ጋዓንቴ ዲንህሂ ታኣኮ ቶኦኪ ባይዛኔ።

50 ማዕቶዋ ታኣኒ ታ ቦንቻ ኮዑዋሴ፤ ታኣኒ ቦንቹንታንዳጉዲ ኮዓያና ዬኖ ዛሎ" ታኣም ዋጋይ ሜሎ" ዓኣኔ።

51 ጎኔ ታ ዲንህሂም ጋዓኔ፡- «ታኣኮ ቃኣሎ" ካፓህሂ ፔቴ"ታፃ ሃይቃዓኬ» ጌዔኔ።

52 ዓይሁዶ ዓሳ ገንህ፡- «ፑርቶ ዓያና" ኔ ጌዳ" ዓኣህሂ ዓካሪ ኑ ዔሬኔ፤ ዓብራሃሜታፃ ሃይቄኔ ሃህ ያኦሲ ማሊፃ ኬኤዛ ዓሳኣ ሃይቄኔ፤ ኔኤኒ ጋዓንቴ «ታኣኮ ቃኣሎ" ካፓህሂ ፔቴ"ታፃ ሃይቃዓኬ» ጋዓኔ፤

53 ጎኔ ኔኤኒ ኑኡኮ ሃይቄ፤ ዓዶ፤ ዓብራሃሜፓ ባሻ? ያኦሲ ማሊፃ ኬኤዛ ዓሳ ሃይቄኔ፤ ሂዳፃ ኔኤኒ ኔና ያናኬ ጋዓይ?» ጌዔኔ።

54 ዬሱሴ ማሃ፡- «ታኣኒ ታ ቦንቻ ኮዔቴ ታ ቦንቻ ማኣዳ"ያቱዋሴ፤ ታና ቦንቻህሂ ታ ዓዶኬ፤ ዲዚያ፡- «ኑ ያኦሲ» ዲንህሂ ጋዓህኬ።

55 ጋዓንቴ ዲንህሂ ዲዛ ዔሩዋሴ፤ ታኣኒ ዲዛ ዔዔራኔ፤ ታኣኒ ዲዛ ዔሩዋሴ ጌዔቶ ዲንህሂጉዲ ሉኡዚ ማዕያ ናንዳንቴኬ፤ ጋዓንቴ ታኣኒ ዲዛ ዔራህሮ ቃኣሎ"ዋ ታ ዲዛኮ ካፓኔ።

56 ዲንሢ ዲዳሢ፣ ዓብራሃሜኮ ማሊፃ ታ ሙኬም ዛጊ
ዎዛዳኒኬ፤ ዲዚያ ዛጊ ዎዛዳኔ» ጌዔኔ።

57 ዲሚ"ና ዓይሁዶ ዓሳ፡- «ኔኤኮ ሃጊ ደንጊታሚ" ለዔ
ኩሚባአሢ፣ ኔናንሢ ዓብራሃሜ ዛጊያ!» ዲዛ ኮራ ጌዔኔ።

58 ዬሱሴ፡- «ጎኔ ታ ዲንሢም ጋዓኔ፤ ዓብራሃሜ ሾይንቱዎንቱ
ታኣኒ ዓኣኔ» ዔያቶም ጌዔኔ።

59 ዬያሮ ዲዛ ዓይሁዶ ዓሳ ሹቻ ዲዒኒ ሹቺ ዔካዛ፣ ዬሱሴ
ጋዓንቱ ዔያታ ዲዛ ዴንቁዎጉዲ ፔና ዓኣቺ ጌኤኩ ማኣራፓ ኬሰኪ
ዴንዴኔ።

9

ዬሱሴ ዓኣፒ ባይቄያ ማዒ ሾይንቱ ዓሢኮ ዓኣፖ ቡሌ"ሢ

1 ዬሱሴ ጎይጾና ዓኣዲቤቃ ዓኣፒ ባይቄያ ማዒ ሾይንቱ ዓሲ
ዴንቄኔ።

2 ዲዛኮ ጊንፃ ሃንታ ናኣታ" ዬሱሴ ኮራ፡- «ዔርዛሢያ! ሃይ ዓሢ
ዓኣፒ ባይቄያ ማዒ ሾይንቱሢ ፃ ጎሚ ዛላናዲይ? ፔ ጎሚናሞ ዲዛ
ሾዔ ዓሶ ጎሚናዲይ?» ጌይ ፆኦፎኔ።

3 ዬሱሴ ዔያቶም ማሃ፡- «ኣይ ዓኣፖ ባይቄሢ ፔ ዛላና ሃሢ
ዲዛኮ ሾዔ ዓሶ ጎሚ ዛላናቱዋሴ፤ ጋዓንቱ ፆኦሲ ማዳ" ዲዛይዳ
ፔጋዲ ዔርታንዳጉዲኬ።

4 ሢላ" ዓኣንቱ ታና ዳኬሢኮ ማዳ" ማዳንዳያ ታና ኮይሳኔ፤
ፆኦኒያ ማዳኒ ዳንዳዑዎ ዲሚ ኬሊ" ሙካንዳኔ።

5 ታኣኒ ዓጮ"ይዳ ዓኣና ዓጮ"ኮ ፖዔኬ» ጌዔኔ።

6 ዬያ ጌዔሢኮ ጊንፃ ሳፆይዳ ጩታፆ ጩጮና ሲላሎ ዲርኬ፣
ዳቃሎና ዓኣፖ ባይቄሢኮ ዓኣፖ ቲሽካ፡-

7 «ዴንዲጋፓ ሴሌሆሚ ቦቆሎይዳ ማሰቱ» ዲዛም ጌዔኔ።
ሴሌሆሚ ጌይፃ፡- «ዳኪንቱያ» ጌይሢኬ፤ ዬያሮ ዓሢ ዴንዲ
ማሰታፆ ዛጊ ዛጊ ማዒ ሙኬኔ።

8 ዲዛኮ ዓሺኖና ቤርታ ዲ ሺኢቃንቱ ዛጊ ዓሶና፡- «ኣይ ዓሢ
ዴይ ዔኤቢ ዲንጎም ጌይ ሺኢጶ ያ ሺኢቃሢቱዋዳዳ?» ጌዔኔ።

9 ፔቱ" ፔቱ" ዓሳ፡- «ሂዮ፣ ዲዛኬ» ጋዓዛ፣ ሃንጎ ዓሳ ሃሢ፡-
«ዲዛ ማማላኔ፣ ዲዛቱዋሴ!» ጌዔኔ፤ ዲዚ ጋዓንቱ፡- «ታ ዲዛኬ»
ጌዔኔ።

10 ዓሳኣ፡- «ሂዴቶ ኔኤኮ ዓኣፓ ዎይቲ ቡሊ"ንቱይ?» ዲዛ ኮራ
ጌዔኔ።

11 ዲዚያ፡- «ዬሱስ ጌይንታ ዓሢ ሲላሊ ዲርኪ ታኣኮ ዓኣፖ ቲሽካዖ <ሴሌሆሜ ዳንዲ ማሰቴ፣ ታኣሞ ጋዓዛ፣ ታኣኒ ዓኣዲ ማሰቴሰካፓ ዛጋኒ ዳንዳዔ፤» ጌይ ማሄኔ።

12 ዔያታ፡- «ዬይ ዓሢ፣ ሃሢ ዓንካዳይ?» ዲዛ ኮራ ጋዓዛ፡ ዲዚያ፡- «ዲዚ ሃሢ ዓንካ ዓኣቴያ ታ ዔሩዋሴ» ዔያቶሞ ጌዔ፤።

ፔርሴ ዓሳ ዓሢኮ ዓኣፓ ቡሊ "ንቴ ጎይያ ዔራኒ ኮዔሢ

13 ዩካፓ ዓሳ ዓኣፓ ባይቄ ዓሢ ዔኪ ፔርሴ ዓሶ ኮራ ዓኣዳ፤።

14 ዬሱሴ ሲላሎ ዲርኪ ዓሢኮ ዓኣፖ ቡሎ" ኬላ" ዓይሁዶ ዓሶኮ ሃውሾ ኬሎ"ናኬ፤

15 ፔርሴ ዓሳ፡- «ኔኤኒ ዋይቲ ዛጋኒ ዳንዳዔይ?» ጌይ ዓሢ ላሚ ያኦጫዛ፣ ዲዚ ማሃዖ፡- «ዲዚ ታኣኮ ዓኣፖይዳ ደቃሌ ቲሽካዛ፣ ታኣኒ ማሰቴ፤ ዬያር ታ ዛጋኒ ዳንዳዔ፤» ጌዔ፤።

16 ዬማና ፔርሴ ዓሶይዳፓ ፔቴ" ፔቴ"ዘንሢ፡- «ሓይ ዓሢ ዓይሁዶ ዓሶኮ ሃውሾ ኬሎ" ቦንቹዋኣሢር ዲዚ ያኦሲዳፓቴዋሴ» ጋዓዛ፣ ዛላ" ጋዓንቴ፡- «ያዲ ማዔቴ ጎሚና ዓኣ ዓሲ ሃያ ያኦሲ ዋለቄና ማዲንታ ዓኮ ባኮ ዋዲ" ማዲኒ ዳንዳዔይ?» ጌዔ፤። ዬያ ዛሎ"ና ዔያቶ ባኣካ" ፓቂንቴሢ ማገርንቴ፤።

17 ዬያር ዓኣፖ ባይቄ ዓሢ፡- «ኔኤኒ ኔኤኮ ዓኣፖ ዳቂሼ፤፣ ጋዓ ዓሢ ዛሎ" ኔ ዋዚ ጋዓይ?» ጌይ ዔያታ ዲዛ ላሚ ያኦጫዛ፣ ዲዚ ማሃዖ፡- «ያኦሲ ማሊሢ ኬኤዛ ዓሲኬ» ጌዔ፤።

18 ዬይ ዓሢ ዓኣፕ ባይቄያ ማዔሢና ዓኣፓ ገንፃፓ ዲዛኮ ቡሊ"ንቴሢ ዲዛ ሾዔ ዓሶ ዔኤሊ" ያኦጫንዳያ ሄላ"ንዳኣና ዓይሁዶ ዓሶ ዋይሃ ዓሳ ዬያ ጎኔኬ ጌይባኣሴ።

19 ዬያር ዲዛ ሾዔ ዓሶ ኮራ፡- « ሳኣፕ ባይቄያ ማዔ ሾይንቴ፤ ዓንሢ ጋዓ ናዓሢ ዓንሢኮ ሃያዳ? ሓሢ ዲ ዋይቲ ዛጋኒ ዳንዳዔይ?» ጌይ ዔያታ ያኦጫ፤።

20 ሾዔ ዓሳ ዔያቶሞ ማሃዖ፡- «ሓይ ኦኤኮ ናዓሢ ማዔሢና ዓኣፕ ባይቄያ ማዔ ዲዛኮ ሾይንቴያ ኦ ዔራ፤።

21 ጋዓንቴ ሃሢ ዲ ዋይቲ ዛጋኒ ዳንዳዔቴያ ሃሃ ዓኣፓ ዲዛኮ ዋይቲ ቡሊ"ንቴቴያ ኦ ዔሩዋሴ፤ ዲዛ ያኦጫዋቴ፤ ዲዚ ፔኦሞ ዔራያ፣ ዓናዳ ዓሲ ማዔሢር ዲዚ ፔ ዛሎ" ኬኤዛኒ ዳንዳዔ፤» ጌዔ፤።

22 ዲዛ ሾዔ ዓሳ ዬያ ጌዔሢ ዓይሁዶ ዓሶኮ ዋይሃ ዓሶ ዓገጠቴሢርኬ፤ ዓይጎር ጌዔቴ፡- «ዬሱሴ፣ ማሲሎኬ» ጋዓ ዓሲ ዓኣቶ ዓይሁዶ ዓሶኮ ቡኪንቶ ቤዛፓ ዳውሳኒ ዬና ዋይሃ ዓሳ ዋላ" ጌሰቲ ዔቂሴሢርኬ።

23 ዬያሮ ዓሢ ሾዔ ዓሳ፡- «ዒዚ ፔኑሞ ዔራ፥ ዒናጅ ዓሲ ማዓሚሮ ዒዛ ያኦጩዋቱ» ጌዔኔ።

24 ዬኖ ዛሎ"ና ዔያታ ዬያ ዓሢ ለሚ ዔኤላ"ዮ፡- «ኔኤኒ ሂንዳ ያኦሲ ቦንቺ ጎኑሞ ከኤዜ፤ ዬይ ዓሢ ጎሚና ዓኣ ዓሲ ማዓሚ ኑ ዒዛ ዔራኔ» ዒዛሞ ጌዔኔ።

25 ዓሢያ፡- «ዒዚ ጎሚና ዓኣ ዓሲ ማዓሚ ታ ዔሩዋሴ፤ ታኣኒ ዔራሚ ታኣኒ ዓኣፒ ባይቄያታዎ ሃሢ ዛጋኒ ዳንዳዔማ ሌሊኩ» ጌይ ዔያቶም ማሄኔ።

26 ዔያታ፡- «ዒ ኔኤም ዓይጎ ማጅይ? ዓኣፖ ኔኤኮ ዒ ቡሌ"ሢ ዋዲዳይ?» ዒዛ ኮራ ጌዔኔ።

27 ዒዚያ ማሃዮ፡- «ቤርታ ታ ዒንሢሞ ከኤዛዛ ዒንሢ ጋዓንቴ ዋይዛኒ ኮይባኣሴ፤ ሂዳዎ ዒንሢ ዓይጎሮ ለሚ ዋይዛኒ ኮዓዮ? ዒንሢያ ሃሢ ዒዛ ዔራ፥ ዒዛ ዓሲ ማዓኒ ኮዓሞ?» ዔያቶ ኮራ ጌዔኔ።

28 ዔያታ ዒዛ፡- «ዒዛ ዓሲ ማዓሚ ኔናኩ! ኑኤኒ ጋዓንቴ ሙሴ ዓሲኩ፤

29 ያኦሲ ሙሴና ጌሰቴሢ ኑ ዔራኔ፤ ሃይ ዓሢ ጋዓንቴ ዓንካፓቱያ ኑ ዒዛ ዔሩዋሴ» ጌዒ ጫሽኩኔ።

30 ዓሢያ ዔያቶም፡- «ሓይ ዓሢ ዓንካፓ ማዔቲያ ዒንሢኮ ዔሩዋዎ ዓቲፃ ታና ዲቃሢ ሄርሺሳኔ! ጋዓንቴ ታኣኮ ዓኣፖ ቡሌ"ሢ ዒዛኩ።

31 ያኦሲ ጎሞ ዓሶም ዋይዙዋኣሢ ዔርቴያኩ፤ ጋዓንቴ ያኦሲ ዒገጫያና ዒዛኮ ማሊዎዋ ኩንሣይ ዓኣቶ ዬያም ያኦሲ ዋዋይዛኔ።

32 <ዓኣፒ ባይቄያ ማዒ ሾይንቴ ዓሲኮ ዓኣፒ ቡሌ"ኔ> ጎዶያ ሳዓ ማዢንቴማፓ ዓርቃዎ ዋይዚንቴ ቤቂባኣሴ።

33 ሓይ ዓሢ ያኦሲዳፓ ማዒባኣያታቶ ዓይጎዋ ማዳኒ ዳንዳዒንዳዋያታንቴኩ» ጌዔኔ።

34 ዔያታ፡- «ኔ ጎሚና ማዒ ሾይንቴሢ ሃይ! ኔ ኑና ዔርዛኒዳ?» ጋዓዮ፡ ዔያታ ዒዛ ፔኤኮ ቡኪንቶ ቤዛፓ ከሴ"ኔ።

ዒኔ ዓኣፒ ባይሱሞ

35 ዓሢ ዔያታ ፔኤኮ ቡኪንቶ ቤዛፓ ከሴ"ሢ ዬሱሴ ዋይዜኔ፤ ዩካፓ ዓሢና ካኣማዮ፡- «ዓሲኮ ናዓሢ ኔ ጉሙርቃ?» ዒዛ ኮራ ጌዔኔ።

36 ዒዚ፡- «ጎዳሢዮ! ዒዛ ታ ጉሙርቃንዳጉዲ ዒዚ ያናታቴያ ታኣም ከኤዜ» ጌዔኔ።

37 ዬሱሴ ማሃዮ፡- «ሓያኮ ቤርታ፥ ዋዳ ኔ ዒዛ ዛጌኔ፤ ሃሢ ሃይ ኔኤና ዋላ" ጌሰታሢ ዒዛኩ» ጌዔኔ።

38 ዲዚያ፡- «ጎዳሢያ! ታኣኒ ጉሙርቃኔ» ጌይ ጉምዓቲ ዲዛም ዘገኛኛ።

39 ዬሱሴ፡- «ዓኣፓ ዛጉዋኣሢ ዛጋንዳጉዲ፣ ዓኣፓ ዛጋሢያ ዓኣፒ ባይቄያ ማዓንዳጉዲ ታኣኒ ሓያ ዓጮ"ይዳ ዎጋኒ ሙኸኔ» ጌዔኛ።

40 ዬማና ዬሱሴ ኮራ ዓኣ፣ ፔርሴ ዓሳ፡- «ሂዳቴ ኩኩኒ ዓኣፒ ባይቄ ዓሲኬ ጌይሢዳ?» ዲዛ ኮራ ጌዔኛ።

41 ዬሱሴ ዔያቶም ማሃዎ፡- «ዓኣፒ ባይቄያ ዲንሢ ማዔቶ ጎሚ ዲንሢም ማዓዓታንቴ ሃሢ ኑ ዴንቃኔ ዲንሢ ጋዓሢሮ ጎሚ ዓሲ ማዒ ዲንሢ ሩንጋንዳኔ» ጌዔኛ።

10

ዬሱሴ ኮሺ ሄንቃያ ማዒያ

1 ሄሊ"ሳዎ ዬሱሴ፡- «ጎኔ ታ ዲንሢም ጋዓኔ፤ ማራቶ ባርቶኮ ካሮ"ናቱዋንቴ ሜሌ" ዛላና ጌላ ዓሲ ዉሲ ሃሢ ሱላኬ።

2 ካሮ"ና ጌላሢ ጋዓንቴ ማራቶ ሄንቃሢኬ።

3 ካሮ" ካፓሢ ዬያም ካሮ" ቡላ"ንዳኔ፤ ማራታኣ ዲዛኮ ዑኡዞ ዋይዛንዳኔ፤ ዲዚያ ፔኤኮ ማራቶ ሱ"ንዎና ሱ"ንዎና ዔኤላ"ንዳኔ፤ ሃሢ ዔያቶ ዔኪ ሄንዎዎ ዓኣዳንዳኔ።

4 ዲዚ ፔኤኮ ማራቶ ቡላ"ዎ ቤርታ ቤርታ ዓኣዳንዳኔ፤ ማራታኣ ዲዛኮ ዑኡዞ ዔራሢሮ ዲዛ ገንዎ ዓኣዳንዳኔ።

5 ቢሪ ማዔሢኮ ጋዓንቴ ዑኡዞ ዔያታ ዔሩዋኣሢሮ ዬያይዳፓ ዣኣሊ ባይቃንዳኣፓዓቱም ዲዛ ገንዎ ዴንዲንዲዎሴ» ጌዔኛ።

6 ዬሱሴ ዬያ ማላቶ ዔያቶም ኬኤዛዛ ዔያታ ጋዓንቴ ዲዚ ዔያቶም ኬኤዜሢ ዔሪባኣሴ።

7 ዬያሮ ዬሱሴ ላሚ ዔያቶም፡- «ጎኔ ታ ዲንሢም ጋዓኔ፤ ታኣኒ ማራቶኮ ካሮ"ሢኬ፤

8 ታኣኮ ቤርታ ሙኸዜንሢ ዉዘና ሱሎ"ናኬ፤ ማራታ ጋዓንቴ ዔያቶም ዋይዚባኣሴ።

9 ካሮ"ሢ ታናኬ፤ ታ ዛሎ"ና ጌላሢ ዳቃንዳኔ፤ ጌላንዳኔ፣ ኬሰካንዳኔ፣ ሄንቆ ቤሲያ ዴንቃንዳኔ።

10 ዉዛሢ ሙካሢ ዉኡቃኒና ሹካኒ ሃሢ ባይዛኒ ሌሊኬ፤ ታኣኒ ጋዓንቴ ሙኸሢ ሩንጌ ዔያታ ዴንቃንዳጉዲና ፓጨ" ባኣዚ"ባኣ፣ ኩሙሢ ሩንጌ ሩንጋንዳጉዲኬ» ጌዔኛ።

11 ሃሢ ዬሱሴ፡- «ኮዦ ሄንቃሢ ታናኬ፤ ኮዦ ሄንቃሢ ፔኤኮ ሸምፓሢ ማራቶ ዛሎ" ዓኣሢ ዲንጋንዳኔ።

12 ማራታ ዲዛሮ ማዒባኣያ፥ ሚኢሾ ዴንቃኒ ሄንቃሢ ጋዓንቴ ያኣያሢ ሙካሢ ዛጋጋ ማራቶ ሃሺ" ጳሽካንዳኔ፤ ያኣያሢያ ማራቶይዳጋ ሳርቁ ዋዳንዳኔ፤ ዣኣሊሲያ ዣኣሊሳንዳኔ፤

13 ሄንቃያጋጋ ጳሽኬሢ ሚኢሾ ዴንቃኒ ሄንቃሢሮና ሃሣ ማራቶማኣ ዒ ማሉዋኣሢሮኬ።

14 ኮዥ ሄንቃሢ ታናኬ፤ ታኣኒ ታኣኮ ማራቶ ዔራራ፤ ታ ማራታኣ ታና ዔራራ።

15 ታኣኒ ዔያቶ ዔራሢ ታና ታ ዓዴ ዔራሢና ታኣኒያ ታ ዓዴ ዔራሢ ጎይጾ ጉዴያናኬ፤ ታኣኒ ታ ማራቶ ዛሎ"ሮ ታኣኮ ሽምጋሢ ዓኣሢ ዒንጋንዳኔ።

16 ሐያ ቆልሞ ባኣካ" ማዒባኣ ሜሌ" ዓቴ" ማራይ ታኣኮ ዓኣኔ፤ ዔያቶዋ ታ ዔኪ ሙካንዳያ ታና ኮይሳኔ፤ ዔያታኣ ታኣኮ ዑኡዞ ዋይዛንዳኔ፤ ፔቴ" ባርታይዳ ዓኣ ቆሎዋ ማዒንዳኔ፤ ሄንቃሢያ ሃሣ ፔቴ" ማዒንዳኔ። ጌዔ።

17 ዬሱሴ ላሚ ሃሣ፡- «ታ ማሂ ዔካንዳ፥ ታኣኮ ሽምጌሎ ዓኣሢ ታ ዒንጋኒ ናሽካያ ማዔሢሮ ታ ዓዴ ታና ናሽካኔ።

18 ታኣኮ ሽምጌሎ ታኣሮ ታ ናሽኪ ዓኣሢ ዒንጋጋጋጋጋ ታ ጊዳ"ጋ ዔካንዳይ ጾኢኒያ ባኣሴ፤ ታኣኮ ሽምጌሎ ዓኣሢ ታ ዒንጋኒና ማሂ ጊንሣ ዔካኒ ቢታንቶ ታኣኮ ዓኣኔ፤ ዬይ፡- ታ ዓዴ ታ ማዳንዳጉዲ ዓይሢሢኬ» ጌዔ።

19 ዬያ ዒ ጌዔሢሮ ዓይሁደ ዓሶ ባኣኮ"ይዳ ላሚ ሃሣ ጋቁንቴሢ ማዥንቴ።

20 ዔያቶይዳጋ ሚርጌዞንሢ፡- «ዒዛይዳ ፑርታ ዓያና ዓኣኔ፤ ሃሣ ዒ ዣኣሽካኔ፤ ዒንሢ ዒዛሲ ዓይጎሮ ዋይዛይ?» ጌዔ።

21 ዛላ" ሃሣ፡- «ሐይ ጌኤዛ ፑርታ ዓያና ዓኣ ዓሲ ጌሰታ ጌኤሲቱዋሴ፤ ፑርታ ዓያና ዓኣፒ ባይቁ ዓሲኮ ዓኣፒ ቡላ"ኒ ዳንዳዓ?» ጌዔ።

ዓይሁደ ዓሶኮ ዬሱሴ ጉሙርቁዋጋ ዓቴጾ

22 ዬዴሳላሚይዳ፡ ጌኤዥ ማኣራ ዒኢቴንቴ ጊንሣ ጌኤሾና ኬሎ" ማሊ ቦንቾ ኬላ" ሄሌ"ኔ፤ ዬና ዋዳ" ባርጊ ዋዴኬ፤

23 ዒማ"ና ዬሱሴ ጌኤዥ ማኣሮይዳ ካኣቲ ሴሎሞኔ ሓንታ ቤዘይዳ ሃንታንቴ፤

24 ዓይሁደ ዓሳ ዒዛ ኮራ ቡካጾ፡- «ዓይዲ ሄላ"ንዳኣና <ዒ ጾናሞ?> ጌይሲ ኔ ኑና ናንጊሳይ? ኔኤኒ ሜሲሔ ማዔቴ ፔጋሲ ኑሞ ኬኤዜ» ጌዔ።

25 ዩሱሱስ ዲያቶም ማሃያ፡- «ታኣኒ ዲንሢሞ ቤርታ ከኤዜኔ፤ ዲንሢ ጋዓንቴ ታኣሲ" ጎኔኬ ጎዑብ፤ ታ ዓዶ ሱንገና ታ ማዳ ዓኮ ባካ ታ ዛሎ" ማርካዳኔ።

26 ዲንሢ ጋዓንቴ ታኣኮ ማራቶ ማዒባኣሢ ጉሙርቁቦሴ።

27 ታኣኮ ማራታ ታ ዑኡዞ ዋይዛኔ፤ ታኣኒያ ዲያቶ ዔራኔ፤ ዲያታኣ ታ ጊንፆ ሙካኔ።

28 ታኣኒ ናንገና ናንገ ሸምፖ ዲያቶም ዲንጋንዳኔ፤ ዩያር ፔቴ"ታፆ ዲያታ ባይቃዓከ፤ ታ ኩጫፓ ገኦኒያ ዲያቶ ቡሪ ዔካዓከ።

29 ዲያቶ ታኣም ዲንጌ፥ ታ ዓዴ ቢያፓ ባሼታሢ ጋ ዓዶ ኩጫፓ ዲያቶ ቡሪ ዔካኒ ዳንዳዓይ ገኦኒያ ባኣሴ።

30 ታኣና ታ ዓደና ኑ ዋላ" ፔቴ"ከ» ጌዔኔ።

31 ዩማና ዓይሁዶ ዓሳ ዩሱሱስ ሹቻ ደዓኒ ላሚ ሃሣ ሹቹ ዔከኔ።

32 ዩሱሱስ ጋዓንቴ፡- «ታ ዓደይዳፓ ታኣም ዲንጊንቴም፥ ሚርጌ ዓኪ ባኣዚ" ታ ማዲ ዲንሢ ዳቄኔ፤ ዓካሪ ዲንሢ ታና ሹጮና ደዓዛ ዋኖ ማዶ" ዛሎ"ሮዳይ?» ዲያቶ ኮራ ጌዔኔ።

33 ዲያታኣ፡- «ኔና ኑ ደዓሢ ገኦኒ ኔ ጫሽከሢ ማዓንዳኣፓዓቴም ኔ ማዳ ማዶ"ሮቱቦሴ፤ ሃሣ ኔኤኒ ዓሲታፆ ኔና ኔ ገኦኒ ማሃሢሮከ» ጌይ ዲዛም ማሃኔ።

34 ዩሱሱስ ዲያቶም፡- «ዲንሢኮ ዋጎይዳ ዲንሢ ካኣሽኮ ገኦከከ» ገኦኒ ጌዔኔ ጌይንቴ ግኣፒንቴባይ?

35 ገኦኒ ቃኣላ" ከኤዚንቴዞንሢ ገኦኒ <ካኣሽኮ ገኦከከ> ጌዔያታቶ ሃሣ ማግኣፓ ጌዔ ባካኣ ላኣሚንቴቆያ ማዔቶ፥

36 ዓካሪ ታኣኒ ገኦኒ ናይከ» ጌዔሢ ጋ ዓዴ ፔኤም ደማሲ፥ ዓጮ" ባንሢ ዳከሢ፡- <ኔኤኒ ገኦኒ ጫሽከ ዳቢንቴኔ> ዲንሢ ታና ዋይቲ ጋዓይ?

37 ታ ዓዴ ማዳ ባኮ ታ ማደቆያ ማዔቶ ታና ጉሙርቁፖቴ።

38 ዩያ ታ ማዳያ ማዔቶ ጋዓንቴ ታና ዲንሢ ጉሙርቁባኣቴያ ዓዴ ታኣና፥ ታኣኒያ ዓደና ማዔሢ ኮሺ" ዔራኒ ዲዛ ዋልቆና ማዲንቴ ዓኮ ባኮ ጉሙርቁቆቴ» ጌዔኔ።

39 ዲያታ ላሚ ሃሣ ዲዛ ዓርቃኒ ኮዔኔ፤ ዲዚ ጋዓንቴ ቶሊ" ዴንዴኔ።

40 ዩካፓ ላሚ ዮርዳኖሴ ዋሮና ፒንቂ ዮሐንስ ቤርታ ዓሶ ዋኣያና ማሰካ ቤዞ ሙካፆ ዲኢካ ዴዔኔ።

41 ዲማ"ና ሚርጌ ዓሲ ዲዛ ኮራ ሙከ፡- «ዮሐንስ ዓይጎዋ ገኦኒ ዋልቆና ማዲንታ ዓኪ ባኣዚ" ማዲባኣሴ፤ ጋዓንቴ ዮሐንስ ሃያ ዓሢ ዛሎ" ከኤዜ ባካ ቢያ ጎኔከ» ጌዔኔ።

42 ዲኢካ ሚርጌ ዓሲ ዲዛ ጉሙርቄኔ።

11

ዓላዜሬኮ ሓይቦ"

1 ቢታኒያ ጌይነታ ጉርዴሎይዳ ናንጋ፣ ዓላዜሬ ጎዖ ዓሲስኬይ ሃርጊንቴኔ፤ ቢታኒያ ጎዖዛ ማይራሞና ዲዛኮ ጌሮ ማርታና ናንጋ ጉርዳኬ።

2 ዬና ማይራማ ጎዳኮ ዑፃ ሳውቃ ቲዠ ዋሃ፣ ዲዛኮ ቶኮዋ ዲዛኮ ቶኦኮ" ጋፓኖና ዑጩዜሎኬ፤ ሃርጊንቴህ ዲዛኮ ጌርሲ ዓላዜሬኬ።

3 ዬንህ ዋሊኮ ጌኤደና ሚሾና ማዔዘንህ፡- «ጎዳህዮ! ኔ ናሽካ ኔኤኮ ለጋህ ሓርጊንቴኔ» ጌይ ዔያታ ዬሱሴ ባንህ ዔኤሊ"ህ ደኬ።

4 ዬሱሴ ዬያ ዋይዛዮ፡- «ዬይ ሃርጋ ዋዲያቱዋሴ፤ ጋዓንቴ ያኦሲ ቦንቾም ማዓንዳጉዲና ያኦሲ ናዓህያ ዬያ ዛሎ"ና ቦንቾንታንዳጉዲኬ» ጌዔ።

5 ዬሱሴ ማርታና ጌሮ ማይራሞና ሃህ ዔያቶኮ ጌርሲ ዓላዜሬያ ሚርጌ ናሽካያኬ።

6 ማዔቴያ ዓላዜሬ ሓርጌህ ዋይዜዮ ዲ ዓኣ ቤዘይዳ ላምዖ ኬሊ" ፔኤቄ።

7 ዬካፓ ዲዛኮ ጊንዖ ሃንታዘንህ ኮራ፡- «ዪሁዳ ዓጮ" ላሚ ኑ ዓኣዶም» ጌዔ።

8 ዲዛኮ ጊንዖ ሃንታዘንህያ ማሃዮ፡- «ዔርዛህዮ! ዓይሁዶ ዓሳ ዳካ" ኬሊ"ኮ ቤርታ ዳይ ኔና ዋዳኒ ኮዔ፤ ሃህ ኔ ላሚ ዲኢካ ዓዓኣዳኒ ጋዓ?» ጌዔ።

9 ዬሱሴ ዔያቶም ማሃዮ፡- «ዓባ" ኬሰኪ ጌላንዳህኮ ጋራ ታጾ ላምዖ ፓቂንታ ዋዳ" ቢያ ፖዔቱዋይ? ዓካሪ ሓያ ዓጮ" ፖዖይዳ ሃንታህ ዛጋያታህሮ ዳቂንቱዋሴ።

10 ጋዓንቴ ዳሚና ሃንታህ ፖዒ ባኣያታህሮ ዳቂንታ።» ጌዔ።

11 ዬሱሴ ዬያ ጌዔሰካፓ፡- «ኦኦኮ ለጋህ ዓላዜሬ ጊንዔ፤ ታኣኒ ጋዓንቴ ጊንዓሰካፓ ዲዛ ጴቻኒ ዓኣዳንዳ።» ጌዔ።

12 ዲዛኮ ጊንዖ ሃንታዘንህያ፡- «ጎዳህዮ! ጊንዔያ ማዔቴ ዲዚ ፖዔ፤ ጌይህኬ» ዲዛም ጌዔ።

13 ዬሱሴኮ ዬያ ጌይዖ ዓላዜሬ ሃይቄኔ ጌይዖኬ፤ ዔያቶም ጋዓንቴ ጊንዖ ዛላ ኬኤዘንቴያ ማሌ።

14 ዬያሮ ዬሱሴ ፔጌና ዔያቶም፡- «ዓላዜሬ ሃይቄኔ፤

15 ዲንህ ጉሙርቃንዳጉዲ ታኦላ ዲኢካ ባኣያ ማዒፃ ዲንህ ዛሎ"ሮ ማርጌ ታኣሞ ኮሺ ማዕኔ፤ ሃህ ጋባንቴ ኦኡኒ ዒዛ ባንህ ዓኣዶም» ጌዔኔ።

16 ዩማና ሱንፃ «ሜንቴ» ጌይንታ፡ ቶኦማኣሴ ሃንጎዋቶ ኮራ፡- «ኦኡኒያ ዩሱሴና ዋላ" ሃይቃኒ ዓኣዶም» ጌዔኔ።

ዩሱሴ ሓይቢፓ ዔቁሳያና ናንጊና ናንጊ ዲንጋያ ማዒፃ

17 ዩሱሴ ዓላዜሬ ዓኣ ቤዞ ሄላ"ኣና ዓላዜሬ ዱኡኪንቴንቴ ያይዳሳ ኬሊ" ማዕኔያኩ።

18 ቢታኒያ ዩራሳላሜይዳፓ ሃካህ ሃይሃ ሺያ ታኣኪህ ማዕኔያኩ።

19 ማርታና ጌሮ ማይራሞናኮ ጌርሲ ሃይቁሂሮ ዶዲሻኒ ማርጌ ዓይሁዴ ዓሲ ዔያቶ ኮይላ" ሙኪ ዓኣኔ።

20 ማርታ ዩሱሴኮ ሙኪያ ዋይዛያ ጎይሃ ዔካኒ ዴንዴኔ፤ ማይራማ ጋባንቴ ጋራ ዓቴ"ኔ።

21 ማርታ ዩሱሴ ኮራ፡- «ጎዳሂዮ! ኔኤኒ ዋንዴ ሃይካ ዓኣቴ ታ ጌርሲ ሃይቁንዲዋያታንቴኩ፤

22 ሓሂታቴያ ኔኤኒ ሺኢቃ ባኮ ቢያ ያኦሲ ኔኤም ዲንጋንዳሂ ታ ዔራኔ» ጌዔኔ።

23 ዩሱሴ ማሃያ፡- «ጌርሲ ኔኤኮ ሃይባ"ፓ ዔቃንዳኔ» ጌዔኔ።

24 ማርታ ዲማ"ና፡- «ጋፒንያ ዋዶ"ና ሃይባ"ፓ ዔቃንዳሂ ታ ዔራኔ» ጌዔኔ።

25 ዩሱሴ ማሃያ፡- «ሃይቢፓ ዔቁሳሂና ናንጊና ናንጊ ዲንጋሂ ታናኩ፤ ታና ጉሙርቃሂ ሃይቁቴታያ ናንጊና ናንጋንዳኔ፤

26 ታኣና ናንጋሂ ሃህ ታና ጉሙርቃሂ ቢያ ፔቴ"ታያ ሃይቃዓኩ፤ ዩያ ኔ ጉሙርቃ?» ጌዔኔ።

27 ዲዛኣ፡- «ሂዮ፣ ጎዳ! ኔኤኒ ሃያ ዓጮ" ሙካንዳኔ» ጌይ ኦ ካፓ፣ ያኦሲ ናኣዚ"፣ ሜሲሔ ማዕኔሂ ታ ኔና ጉሙርቃኔ» ዲዛሞ ጌዔኔ።

28 ማርታ ዩያ ጌዔሂኮ ጊንፃ ዴንዲ ጌሮ ማይራሞ ኮራ፡- «ዔርዛሂ ሙኪ ኔና ዔኤላ"ኔ» ጌይ ዴማና ዲዛ ዔኤሌ"ኔ።

29 ማይራማ ዩያ ዋይዛያ ዑኩ ዔቁ ዲዚ ዓኣ ቤዞ ዴንዴኔ።

30 ዩሱሴ ዲማ"ና ማርታ ዋንዴ ዲዛ ጎይሂና ዔኩ ቤዞይዳፓ ሃጊ ሃንጋ ጉርዶ ጌሊባኣሴ።

31 ዲዛ ዶዲሻኒ፣ ማኣሮይዳ ዋላ" ዓኣ፣ ዓይሁዶ ዓሳ ማይራማ ዑኩና ዔቁ ኬሰካሂ ዛጋያ ዓላዜሬኮ ዱኡፖ ቤዞ ዓኣዲ ዩኤካንዳያ ዔያቶም ማሌሂሮ ዲዛ ጊንፃ ኬሰኬኔ።

32 ማይራማ ዬሱሴ ዓላ ቤዘ ሙኪ ዒዛ ዴንቁሰካፕ ቶኮ" ዴማ" ሎኦማያ:- «ጎዳሢዮ! ኔኤኒ ዋንዴ ሃይካ ዓላያታቶ ታኣኮ ጌርሲ ሃይቁንዲዋያታንቴኩ» ዒዛም ጌዔኔ።

33 ዬሱሴ ዒዛንታ ዒዛ ኮይላ" ዓላ ዓይሁዶ ዓሳ ዬኤካሢ ዛገ ዒናፕ ዲቃቲ ያያያ:-

34 «ዒንሢ ዒዛ ዋካ ዲኡኬይ?» ጋዓዛ፣ ዔያታ ማሃያ:- «ጎዳሢዮ! ሃኒ ሙኪ ዛጌ» ጌዔኔ።

35 ዒማ"ና ዬሱሴ ዓቢቲ ዬኤኬኔ።

36 ዬያሮ ዓይሁዶ ዓሳ:- «ዋዚ ዒዛ ናሽካቴያ ሂንዳ ዛጉዋቴ!» ጌዔኔ።

37 ዔያቶይዳፕ ፔቴ" ፔቴ"ዘንሢ ጋዓንቴ:- «ዓኣፕ ባይቁሢኮ ዓኣፕ ዒ ቡሌ"ኔ፤ ዓካሪ ሃይ ዓሢ ሃይቁዋጉዲ ቃዙዋዎ ዓይጋ ዒ ሃሽራ?» ጌዔኔ።

ዬሱሴ ዓላዜሬ ሃይባ'ፓ ዔቁሴሢ

38 ዬሱሴ ዒማ"ና ዳጋዲ ዲኡፖ ቤዘ ዓላዳኔ፤ ዲኡፖ ዔቶ" ካራ" ሹቸና ዋዲንቴያ ዴኔ ቆኦፔኩ።

39 ዬሱሴ ዔያቶ ኮራ:- «ሹጫሢ ሸኢሹዋቴ» ጋዓዛ፣ ሃይቁሢኮ ጌራ፣ ማርታ:- «ጎዳሢዮ! ዒዚ ሃይቁንቴ ያይዶ ኬሊ"ኩ፤ ሃሢ ዛዛዓንዳኔ» ጌዔኔ።

40 ዬሱሴ ዒዛም ማሃያ:- «ኔኤኒ ጉሙርቁቶ ያኦሲኮ ቦንቸ ኔ ዘጋንዳኔ፤ ቤርታ ታ ኔኤም ጌይባይ?» ጌዔኔ።

41 ዓሳ ዬማና ሹጫሢ ሸኢሹኔ፤ ዬካፕ ዬሱሴ ሌካ ዴግ ጌይ ዘጋያ:- «ታ ዓዳሢዮ! ኔ ታኣም ዋይዜሢር ታ ጋላታኔ፤

42 ቢያ ዋዴና ኔ ታኣም ዋይዛሢያ ታ ዔራኔ፤ ጋዓንቴ ዬያ ታ ጋዓሢ ሃይካ ዔቁ ዓላ ዓሳ ኔኤኒ ታና ዳኬያ ማዔሢ ዔሪ ጉሙርቃንዳጉዲ ጌይኩ» ጌዔኔ።

43 ዬሱሴ ዬያ ጌዔሰካፕ:- «ዓላዜሬ! ሃኒ ኬሰኩ!» ጌይ ዑኡዘ ዴግዲ ዔኤሌ"ኔ።

44 ሃይቁ፣ ዓላዜሬያ ዲኡፓፕ ኩጮና ቶኮ"ና ዒዛኮ ሱኡዲ ቱኮ"ና ጎይሢ ዓኣፕ ካራ"ኣ ዓፒሎ ቱርጮና ማርቴ ጎይሢ ዓኣንቴ ኬሰኩኔ፤ ዬካፕ ዬሱሴ:- «ቡሊ" ዒዛ ሃሹ"ዋቴ፣ ዒ ዴንዶም» ዔያቶም ጌዔኔ።

ኪሪሰቶሴ ዑፃ ማዲንቴ ፑርታ ማዲ (ማቴ. 26፥1-5፤ ማር. 14፥1-2፤ ሉቃ. 22፥1-2)

45 ማይራም ዲዲሻኒ ሙኬ፣ ዓይሁዶ ዓሳይዳፕ ሚርጌሢ ዒ ማዴ ባኮ ዛጋያ ዬሱሴ ጉሙርቁኔ።

46 ፔቴ" ፔቴ" ዓሳ ጋዓንቴ ፔርሴ ዓሶ ባንሢ ዴንዲ ዩሱሴ ማጭ ባኮ ዔያቶም ከኤዜኔ።

47 ዩያሮ ቄኤሶኮ ሱኡጎና ፔርሴ ዓሶና ዎጎ ዎጋ ዓሶ ቡኩሳዎ፡- «ሐይ ዓሢ ማርጌ ያኦሲ ዎልቄና ማዲንታ፡ ዓኪ ባኦዚ" ማዲሢሮ ኑ ዎዴቴ ኮሽካንዳይ?

48 ጉሪ ኑ ዒዛ ሃሼ"ቴ ዓሲ ቢያ ዒዛ ጉሙርቃንዳኔ፤ ሮሜ ዓሳኦ ሙኪ ኑኡኮ ጌኤዢ ማኦሮና ኑኡኮ ዴሮ"ና ቢያ ባይዘንዳኔ» ጌዔኔ።

49 ዩዮ ሌዎና ቄኤሶኮ ሱኡጎ ማዒ ዓኦ፡ ዔያቶይዳፓ ፔቴ"ሢ፡ ቃያፓ፡- «ዒንሢ ዔኤቢ ፔቴ"ታዎ ዔሩዋሴ፤

50 ዴራ" ቢያ ባይቃሢዳፓ ፔቴ" ዓሲ ዴሮ" ዘሎ"ሮ ሐይቄቴ ኮሽ ማዔሢ ዒንሢ ዔሩዋዓዳ?» ጌዔኔ።

51 ዒዚ ዩያ ጌዔሢ ፔ ቶኦካ"ፓ ማሊ ዔኪቱዋሴ፤ ጋዓንቴ ዩዮ ሌዎና ዒዚ ቄኤሶኮ ሱኡጌ ማዔሢሮ ዩሱሴ ዴሮ" ዘሎ" ሃይቃንዳሢ ያኦሲ ማሊሢ ዒ ከከኤዜኔ።

52 ዒ ሃይቃንዳሢ ዴሮ" ዘሎ" ሌሊ ማዒባኦንቴ ዳኪንቴ ዴማ ዴማ ላኦሊንቴ ዓኦ ያኦሲ ናኦቶ" ፔቴ"ይዳ ቡኩሳኒከ።

53 ዩያሮ ዩዮ ከላ"ፓ ዓርቃዎ ዔያታ ዩሱሴ ዎዳኒ ዘርቴኔ።

54 ዩካፓ ሴካ ዩሱሴ ዓይሁዴ ዓሶ ባኦካ" ፔጌና ሃንቲባኦሴ፤ ጋዓንቴ ዩካፓ ከሰኪ ዓሲ ናንጉዋ ዳውሎ" ኮይላ" ዓኦ ዔፕሬሎሜ ጌይንታ ካታማ ዴንዲ፡ ዒኦካ ዒዛኮ ጊንዮ ሃንታዞንሢና ዎላ" ዴዔኔ።

55 ዓይሁዴ ዓሶኮ ዑሣ ዓኦዲዎ ቦንቾ ከላ" ዑከሢሮ ማርጌ ዓሳ ዩና ቦንቾ ከሌ"ላ ሄላ"ንዳሢኮ ቤርታ ፔና ጌኤሺዎ ዎጎ ኩንሢኒ ዓጫ"ፓ ዓጫ"ፓ ዩሩሳላሜ ዴንዳኔ፤

56 ዔያታ ዩሱሴ ኮዓያታሢሮ ጌኤዢ ማኦሮይዳ፡- «ዓይጎ ዒንሢም ማላይ? ሃሮ" ቦንቾ ከሎ" ቤዘ ዒ ሙካንዳያ ዒንሢም ማሎዎይ?» ጌይ ጌይ ዎሊ ያኦጫኔ።

57 ቄኤሶኮ ሱኡጎና ፔርሴ ዓሶና ዩሱሴ ዓርቃኒ ዒ ዓኦ ቤዘ ዔራ ዓሲ ዓኦቶ ዔያቶም ከኤዘንዳጉዲ ዓሲ ቢያም ቤርታ ከኤዜያከ።

12

ሳውቃ ቲዢና ዩሱሴ ቲሽከ ላኦሌሎ (ማቲ. 26፡6-13፤ ማር. 14፡3-9)

1 ዓይሁዴ ዓሶኮ ዑሣ ዓኦዲዎ ከሎ" ቦንቻኒ ላሆ" ከሊ" ዓታዘ ዩሱሴ ቢታኒያ ጎዮ ጉርዳ ዓኦዴኔ፤ ዩሱሴ ሃይባ"ፓ ዔቂሴ፡ ዓላዜሬ ናንጋሢ ዩዮ ጉርዴሎይዳከ።

2 ዩሱሴም ዒኢካ ዬኖ ዋንቴሎ ሙኡዚ" ገእጊሺንቴኔ፤ ዬኖ ሙዖ ሙኡዛዛ ማርታኬ፤ ዬማና ሙዒኒ ዴዔ ዓሰይዳፓ ዓላዜሬ ፔቴ"ሢኬ።

3 ዒማ"ና ማይራማ ሻንቸናቴ ማርጌ ማኢሽ ኬሳ"ንዳያ፡ ለንቸንቴ፡ ናርደሴ ጌይንታ ሳውቃ ቲሺ ደሎዜኮ ጊዲሚሺ ማዓንዳያ ዔኪ ሙኪ ዩሱሴኮ ቶካ" ዋሄኔ፤ ዬካፓ ዒዚኮ ቶኦኮ" ጋፓናና ቶኮ ዑጩኔ፤ ዬኖ ከኤጭሎኮ ጋራ ቲዠ ሳዎና ኩሜኔ።

4 ዩሱሴኮ ገንጾ ሃንታ ናኦቶ"ይዳፓ ፔቴ"ሢ፡ ዒዛ ዓኣሢ ዒንጋንዳ ዓሰቆሮንቶ ካታማፓ ማዔ ዪሁዳ፡-

5 «ሓይ ሳውቃ ቲዠ ፔቴ" ዓሲ ሃይሃ ጭታ ኬሊ" ማዳም ዒንጎንደ ማኢሽም ሻንቸንቴ፤ ማኢሻ ማንቆ ዓሰም ዓይጎር ዒንገንቴዎይ?» ጌዔኔ።

6 ዒዚ ዬያ ጌዔሢ ማንቆ ዓሰ ማጠንጠጥቴዎንቴ ዉሲ ማዔሢሮኬ፤ ዒማና ዒዚ ማኢሽ ዓርቃያ ማዔሢሮ ማኢሽ ዒ ጌሣ ቤዛፓ ዔኪ ዔኪ ዔሬያኬ።

7 ዩሱሴ፡- «ታኢ ደኡከንታንዳ ከሎ"ም ዒዛ' ታና ገእጊሻያ ማዔሢሮ ዒዛ ሃሹ"ዎቴ።

8 ማንቆ ዓሳ ቢያ ከሊ" ዒንሢና ዎላ"ኬ። ታኢ ጋዓንቴ ቢያ ከሊ" ዒንሢና ዎላ"ቱዋሴ» ጌዔኔ።

9 ዬማና ማርጌ ዓይሁዴ ዓሲ ዩሱሴ ቢታኒያይዳታሢ ዔጋ ሙኬኔ፤ ዔያታ ሙኬሢ ዩሱሴ ዛሎ"ሮ ሌሊቱዋንቴ ዩሱሴ ሃይባ"ፓ ዔቂሴ፡ ዓላዜሬያ ዛጋኒኬ።

10 ዬያሮ ቁኤሶኮ ሱኡጋ ዓላዜሬያ ዎዳኒ ዞርቴኔ።

11 ዓይጎር ጌዔቶ ዒዛይዳፓ ዔቁያና ማርጌ ዓይሁዴ ዓሳ ፔኤኮ ዔኪ ዓኣዳ ዓሰ ሃሺ" ሃሺ" ዩሱሴ ጉሙርቃሢሮኬ።

ዩሱሴኮ ለንቸና ዬሩሳሌም ጌሊዖ

(ማቴ. 21፡1-11፤ ማር. 11፡1-11፤ ሉቃ. 19፡28-40)

12 ዚሮ ጉቴሎ ዑሣ ዓኣዲዖ ለንቸ ከሎ" ለንቸኒ ሙኬ፡ ማርጌ ዓሳ ዩሱሴ ዬሩሳሌም ሙካያ ማዔሢ ዎይዜኔ።

13 ዬያሮ ዔያታ ዒማ"ና ዓኣዔ ማኤጭ ዓርቂ ከሰካዮ፡- «ዖኦሲ ጋላቲንቶም! ጎዳ ሱንጾና ሙካ፡ ዒሰራዔኤሌኮ ካኣታሢ ዓንጂንቴያኬ!» ጌይ ጌይ ዒላቴኔ።

14 ዩሱሴ ሃሬ ናይ ዳካ" ዳንቃዖ ዒማ" ቶጌኔ፤ ዬይ ያዲ ማዔሢ፡-

15 «ሃና" ኔኤኒ፡ ጂዮኔ ካታሜሌ፡ ዬሩሳሌም ዒጊጩ፤

ሓይሽ ኔኤኮ ካኣታ"ሢ ሃሬ ናይ ቶጊ ሙካኔ»

ጌይንቲ ፃኣፒንቲሢ ኩማንዳጉዲኬ።

16 ዩሱሴኮ ጊንፆ ሃንታዞንሢሞ ዩይ ባካ ቤርታ ዔርቲባኣሴ፤ ጋባንቲ ዩሱሴ ቦንቾና ሌካ ጫሪንጮ ዔውቲ ዎድ"ና ዩይ ባካ ዒዛ ዘሎ" ፃኣፒንቲሢ ሃሣ ዒዛም ማዲንቲሢ ዔያታ ጳቂሲ ዔሬሬ።

17 ዩሱሴ ዓላዜሬ ዲኡፓፓ ዔኤሊ"፣ ሃይባ"ፓ ዔቂሳማና ዒዛና ዎላ" ዓኣ ዓሳ ቢያ ዒዚ ዓላዜሬ ሃይባ"ፓ ዔቂሴሢ ማርካዳ።

18 ሚርጌ ዓሳ ዩሱሴ ጎይሣ ዔካኒ ከሰኬሢ ዩያ ፆኦሲ ዎልቆና ማዲንቲ ዓኮ ባኮ ዒ ማዳሢ ዎይዜሢሮኬ።

19 ዒማ"ና ፔርሴ ዓሳ፡- «ሃኣዘጉዎቲ፤ ዴሪ" ቢያ ዒዛ ጊንፆ ከሰኬኔ! ኑ ፔቲ" ባኣዚ"ታፆ ማዳኒ ዳንዳዑዎኣሢ ዒንሢ ዛጋ?» ዎሊ ኮይላ" ጌዔ።

20 ዩዮ ቦንቾ ከሎ"ና ዘጊ ካኣሽኮሮ ዩሩሳላሜ ዓኣዴ ዓሶ ባኣካ" ፔቲ" ፔቲ" ጌሪኬ ዓጪ ዓሲ ዓኣ።

21 ዔያታ ጌሊላይዳ ቤቲሳይዳ ጌይንታ ዓጮ" ዓሢ ማዔ፣ ፒልጶሴ ኮሪ ሙኪ፡- «ጎዳሢዮ! ዩሱሴ ዛጋኒ ኑ ኮዓ።» ጌዔ።

22 ፒልጶሴ ዴንዲ ዒንዲራሴም ከኤዜ፤ ዩካፓ ዒንዲራሴና ፒልጶሴና ዴንዲ ጊንሣ ዩሱሴም ከኤዜ።

23 ዩሱሴ ዔያቶም፡- «ሓይሾ ዓካሪ ዓሲኮ ናዓሢ ቦንቾንታ ዎዳ" ሄሌ"ኔ፤

24 ጎኔ ታ ዒንሢሞ ጋዓ፤ ዓሲ ሃይቂ ዲኡታሢጉዲ ጉምቡሃኮ ፔቲ" ዓኣፒ ዲኡቂንቲባኣያታቲ ፔኤሮ ሌሊ ማዒ ዓታ፤ ጋዓንቲ ዲኡቂንቲያታቲ ሚርጌ ዓኣፒ ዓኣፓ።

25 ፔኤኮ ናንጎ ፆኦሲፓ ባሼ ናሽካሢ ባይዛንዳ፤ ሓያ ዓጮ"ይዳ ፔ ናንጎይዳፓ ባሼ ፆኦሲ ናሽካሢም ጋዓንቲ ናንጊና ናንጊ ጊኢጊ ዓኣ።

26 ታኣም ማዳኒ ኮዓሢ ታ ጊንፆ ሙኮንጎ፤ ታኣኒ ዓኣ ቤዘይዳ ታኣም ማዳሢያ ዒኢካ ማዓንዳ፤ ታኣም ማዳሢ ታ ዓዴ ዒዛ ቦንቾንዳ።» ጌይ ማሄ።

ዩሱሴ ፔና ሄላ"ንዳ ሜታሢና ሃይቦ"ና ዛሎ" ከኤዜሢ

27 ዩካፓ ዩሱሴ፡- «ዓካሪ ታኣኮ ሽምፔላ ሚርጌና ሜታዴ፤ ታ ዓዳሢዮ! ሃያፓ ታና ኔ ዳቂሽ ጎፆንዶ?» ዩያ ታ ጎዑዎጉዲ ታኣኒ ሙከሢ ሃና" ሚቲሎምኬ።

28 ታ ዓዳሢዮ! ኔኤኮ ሱንፆ ቦንቾ» ጌዔ። ዩካፓ፡- «ታኣኮ ሱንፆ ታ ቦንቾ፤ ሃሣ ታ ቦንቾንዳ!» ጋዓ ዑኡሲ ጫሪንጫፓ ዎይዜንቲ።

12:15 ዛካ. 9፡9። 12:25 ማቲ. 10፡39፤ 16፡25፤ ማር. 8፡35፤ ሉቃ. 9፡24፤ 17፡33።

29 ዲሊካ ዔቂ ዓላ ዓሳ ዬያ ዑኡዞ ዋይዘያ፡- «ጉጉንሢኬ!»
 ጋዓዛ፣ ዛላ" ሃሣ፡- «የኦሲ ኪኢታንቻ ዒዛና ጌሰታኔ» ጌዔኔ።
 30 ዬሱሴ ጋዓንቴ፡- «ሓይ ዑኡዞ ዒንሢሞ ኬኤዚንቴያ
 ማዓንዳኣፓዓቴም ታኣም ኬኤዚንቴያቱዋሴ፤
 31 ዓጫ" ሃይ ዋጊንታንዳ ዋዳ" ሃሢኬ፤ ሃያ ዓጮ" ዋይሣ ፃላሃ
 ዙላ" ኬኤሪንታንዳሢያ ሃሢኬ፤
 32 ታኣኒ ሳዓፓ ዴግ ጌዔ ዋዶ"ና ዓሳ ቢያ ታ ባንሢ ሙኪ
 ዲቃንዳጉዲ ታ ማሃንዳኔ» ጌዔኔ።
 33 ዬሱሴ ዬያ ጌዔሢ ዋዘጉዴ ሳይሢና ዒ ሃይቃንዳቴያ
 ዔርዛኒኬ።
 34 ዓሳኣ ማሃያ፡- «ኦኡኮ ዋሳይዳ ፃኣፒንቴም ኦ ዛጋሢ ሜሲሔ
 ናንጊና ናንጋኔ» ጋዓያኬ፤ ዓካሪ ኔኤኒ <ዓሲኮ ናዓሢ ዴግ ጋዓንዳያ
 ኮይሳኔ» ዋዴ" ጋዓይ? ዬይ ዓሲኮ ናዓሢ ያናዳይ?» ዒዛ ኮራ
 ጌዔኔ።
 35 ዬሱሴ ዔያቶም፡- «ሓሢ ዳካ" ዋዶ ዒንሢሞ ፖዒኬ፤ ሳይፃኣ
 ዒንሢ ዓኣንቴ ዒንሢሞ ዲሙዋንቴ፣ ፖዓ ዓኣ ሳይሢ ዓኣንቴ
 ሃንቴዋቴ፤ ዲሚና ሃንታሢ ዓንኮ ዴንዳቴያ ዔርፍያኬ።
 36 ዒንሢ ፖዒ ናይ ማዓንዳጉዲ ዒንሢኮ ፖዓሢ ዓኣንቴ ፖዓሢ
 ጉሙርቁዋቴ» ጌይ ማሄኔ። ዬሱሴ ዬያ ዔያቶም ኬኤዘያ ዓኣፓፓ
 ዔያቶኮ ዓኣሺንቴ ባይቄኔ።

ዓይሁዶ ዓሶኮ ጉሙርቁዋያ ዓቲያ

37 ዬሱሴ ዬያ ያኦሲ ዋልቄና ማዲንታ ዓኮ ባኮ ዔያቶ ቤርቶይዳ
 ማዴቶዋ ዓይሁዶ ዓሳ ዒዛ ጉሙርቁባኣሴ።
 38 ዬይ ያዲ ማዔሢ ያኦሲ ማሊያ ኬኤዛ ዒሲያሴ፡-
 «ሳዳሢያ! ኦኡኮ ማርካቶ ያኦኒ ሳኔኬ ጌዔይ?
 ያኦሲ ዋልቃ ሃሣ ያኦም ጴዴይ?»
 ጌዒ ኬኤዜ ቃኣላ" ኩማንዳጉዲኬ።
 39 ዬያሮ ዔያታ ጉሙርቃኒ ዳንዳዒባኣሴ፤ ዓይሳሮ ጌዔቴ ያኦሲ
 ማሊያ ኬኤዛ ዒሲያሴ፡-
 40 «ዔያታ ፔኤኮ ዓኣፖና ዛጊ
 ሃሣ ዒኖና ጸቂሢ
 ያኦሲ ባንሢ ማዒ ዔያታ ዳቁዋጉዲ
 ዒዚ ዔያቶኮ ዓኣፖ ባይዜኔ፤
 ሃሣ ዒኖዋ ዶጪሴኔ» ሂዚ ጌዒ ፃኣፔሢኮ።

12:34 ዓይኑ. 110፣4፤ ዒሲ. 9፣7፤ ሂዚ. 37፣25፤ ዳኣኔ. 7፣14። 12:38 ዒሲ.
 53፣1። 12:40 ዒሲ. 6፣10።

41 ዲሲያሴ ዬያ ጌዔሢ ሜሲሔኮ ቦንቾ ዛጌሢሮኬ፤ ዬያሮ ሂዚ ጌሲ ዬሱሴ ዛሎ" ኬኤዜኔ።

42 ያዲ ማዔቲያ ዓይሁዶ ዓሶኮ ሱኡጎይዳፓ ሃሣ ሜሌ" ሚርጌ ዓሲያ ዬሱሴ ጉሙርቄኔ፤ ጋዓንቲ ዓይሁዶ ዓሳ ፔኤኮ ቡኪንቶ ቤዛፓ ዔያቶ ኬሱ"ዋጉዲ ፔርሴ ዓሶ ዓጊጨሚሮ ፔጌና ዔያታ ዬሱሴ ጉሙርቄያ ማዔሢ ዔርዙዋሴ።

43 ዬያ ዔያታ ማዴሢ ያኦሲ ዔያቶ ናሽካሢፓ ባሼ ዓሲና ናሽኪንታኒ ኮዓሢሮኬ።

44 ዬሱሴ ዒማ"ና ዑኡዞ ዴጊዲ፡- «ታና ጉሙርቄሢ ታና ሌሊቱዋንቲ ታና ዳኬሢያ ጉሙርቄኔ፤

45 ታና ዛጋሢ ታና ዳኬሢያ ዛጋኔ፤

46 ታና ጉሙርቄሢ ቢያ ዴሚዳ ናንጉዋጉዲ ታኦኒ ፖዔ ማዒ ሃያ ዓጮ" ሙኬኔ።

47 ታኦኮ ቃኦሎ" ዋይዚ ማዴይዳ ፔኤሹዋኦሢዳ ዋጋንዳሢ ታናቱዋሴ፤ ዓይጎር ጌዔቲ ታኦኒ ሙኬሢ ዓጮ" ዳቂሻኒ ማዓንዳኦፓዓቲም ዓጮ"ይዳ ዋጋኒቱዋሴ።

48 ታና ኮዑዋኦሢና ታኦኮ ቃኦሎ"ዋ ዔኩዋ ዓሶይዳ ዋጋንዳያ ዓኦኔ፤ ዬይያ፡- ታኦኒ ኬኤዛ ቃኦላ" ጋፒንያ ኬሎ"ና ፔኤር ዋጋንዳኔ።

49 ዓይጎር ጌዔቶ ታኦኒ ታ ቢታንቶና ኬኤዚባኦሴ፤ ታኦኒ ጋዓ ባኮና ኬኤዛ ዓይሢያ ታኦም ዒንጌሢ ታና ዳኬ ዓዶኬ።

50 ዒዛኮ ዓይሢያ ናንጊና ናንጊ ሸምፖ ዒንጋሢ ታ ዔራኔ። ዬያሮ ታኦኒ ኬኤዛሢ ዓዴ ታኦም ኬኤዜሢኬ» ጌዔኔ።

13

ዬሱሴ ዒዛኮ ጊንያ ሃንታዞንሢኮ ቶኮ ማሰኬሢ

1 ዬሱሴ ዓይሁዶ ዓሶኮ ዑሣ ዓኦዲያ ቦንቾ ኬሎ"ኮ ቤርታ ሓያ ዓጮ" ሃሽ" ሌካ ዓዶ ባንሢ ዓኦዲንዳሢ ዔራሬኔ፤ ዬያሮ ሃያ ዓጮ"ይዳ ዓኦ፡ ዒዛም ማዔዞንሢ ቢያ ዒ ናሽኬኔ፤ ሃሣ ሜቶ ጉቤ ዔያቶ ዛሎ" ዔካኒ ጋፒንሢ ዒ ዔያቶ ናሽኬኔ።

2 ዬሱሴና ዒዛኮ ጊንያ ሃንታዞንሢና ዋላ" ሙኡዚ" ሙዓንቲ፡- ሰሞኦኔ ናዓሢ፡ ዓሰቆርንቶ ካታም ዓሢ፡ ዪሁዳ ዬሱሴ ዓኦሢ ዒንጋንዳጉዲ ያላሄ ዒዛኮ ዒኖይዳ ፔርታ ማላሢ ጌልዜኔ።

3 ዓዴ ቢታንቶ ቢያ ዒዛም ዒንጌሢና ያኦሲ ዳኬም ዒ ሙኬሢ ሃሣ ያኦሲ ባንሢያ ማዒ ዴንዳንዳሢ ዬሱሴ ዔራያ፡

4 ሙያይዳፓ ዔቁ፡ ዓፒሎ ፔኤኮ ጌሢ ዋኦሢ ማሰቲሰካፓ ዑጨንቶ ማርያ ዔኪ ኬርና ቱኡቲኔ፤

5 ይካገ ቶኮ ማሰቶ ጋባዶይዳ ዋላሂ ዋሃ፣ ፔኤኮ ጊንፆ ሃንታዞንሂኮ ቶኮ ማሰኪ ማሰኪ ኬርና ዒ ቱኬ" ዑጩንቶ ማርፄሎና ዔያቶኮ ቶኮ ዑጩሂ ዓርቄኔ።

6 ዩሱሴ ዩያይዳ ጎይሃ ሲሞኦኔ ጌይንታ ጳደርሴ ኮራ ሙካዛ ጳደርሴ፡- «ጎዳሂኖ! ኔኤኒ ታ ቶኮ ማሰካንዳ?» ጌዔኔ።

7 ዩሱሴ ማሃ፡- «ታኣኒ ማዳ ባኮ ሃሂ ኔ ዔራዓኬ፤ ጊንፃገ ጋዓንቴ ኔ ዔራንዳኔ» ጌዔኔ።

8 ጳደርሴ ማሃ፡- «ኔኤኒ ታ ቶኮ ፔቴ"ታ፣ ማሰካዓኬ» ዒዛሞ ጋዓዛ፣ ዩሱሴ፡- «ታኣኒ ኔኤኮ ቶኮ ማሰኪባኣታቴ ታኣና ዋላ" ፔቴሞ ኔኤኮ ባኣሴ» ዒዛሞ ጌዔኔ።

9 ጳደርሴ ማሃ፡- «ጎዳሂኖ! ያዲ ማዔቶ ታኣኮ ቶኮ ሌሊቱሞንቴ ኩጮንታ ሃሂ ቶኣኮ"ሞ ታኣኮ ማሰኬ!» ጌዔኔ።

10 ዩሱሴ ማሃ፡- «ዑፆ ማሰቴሂኮ ዑፃ ጌኤሺታሂር ቶኮ ማሰቴሂዳገ ዓታዛ ሜሌ" ዒዛሞ ኮይሱሞሴ፤ ዒንሂ ሃሂ ጌኤሺኬ፤ ጋዓንቴ ቢያሂ ዒንሂ ጌኤሺቱሞሴ» ዔያቶሞ ጌዔኔ።

11 ዩሱሴ፡- «ቢያሂ ዒንሂ ጌኤሺቱሞሴ» ጌዔሂ ዓኣሂ ዒዛ ዒንጋንዳሂ ያናታቴያ ዔራሂርኬ።

12 ቶኮ ዔያቶኮ ዒ ማሰኬሰካገ ፔኤኮ ማኣዓሂ ማይንቴ ፔ ቤዘይዳ ዴዓ፡- «ታ ዒንሂሞ ዓይጎ ማዴቴያ ዒንሂ ጳቂሂ ዔሪያ?»

13 ዒንሂ ታና፡- «ዔርዛሂ ሃሂ ጎዳ» ጋዓኔ፤ ታኣኒ ዔርዛሂ ሃሂ ጎዳ ማዔሂር ዒንሂ ጌዔሂ ጎኔኬ።

14 ዓካሪ ታኣኒ ዒንሂኮ ጎዳ ሃሂ ዔርዛሂታ፣ ቶኮ ዒንሂኮ ማሰኬቶ ዒንሂ ዋሊኮ ቶኮ" ማሰካንዳያ ኮይሳኔ።

15 ታኣኒ ዒንሂሞ ማዴ ባኮ ዒንሂያ ማዳንዳጉዲ ማላታ ታ ዒንሂሞ ዒንጌኔ።

16 ጎኔ ታ ዒንሂሞ ጋዓኔ፣ ማዳሂ ፔ ጎዳገ ባሹቱሞሴ፤ ከኢቲንታዞንሂያ ሓሃ ከኢታሂዳገ ባሹሞሴ።

17 ዩያ ባኮ ዒንሂ ዔሪ ማዶይዳ ፔኤሼቶ ዓንጂንቴያ ዒንሂ ማዓንዳኔ።

18 «ሓያ ታ ከኤዛሂ ዒንሂ ቢያሂ ዛሎ"ሮቱሞሴ፤ ታ ደኦሬዞንሂ ታ ዔራኔ፤ ጋዓንቴ ታኣና ዋላ" ካሆ ሙዔሂ ታኣኮ ሞርኬ ማዔኔ ጌይንቴ ጌኤኩ ማፃኣፖ ቃኣላ" ኩማንዳጉዲኬ።

19 ዩይ ማዓንዳሂኮ ቤርታ ሃሂ ታኣኒ ዒንሂሞ ቤርታሲ ከኤዛሂ ዩይ ኩሚሰካገ ታ ያኑሞ ዒንሂ ጉሙርቃንዳጉዲኬ።

13:12 ሉቃ. 22፡27። 13:16 ማቴ. 10፡24፤ ሉቃ. 6፡40፤ ዮሐ. 15፡20።
13:18 ዓይኑ. 41፡9።

20 ጎኔ ታ ዲንሢም ጋዓኔ፤ ታኣኒ ዳኬሢ ጎኔኬ ጌይ ዔካሢ፡- ታና ዔካኔ፤ ታና ዔካሢያ ሃሣ ታና ዳኬሢያ ጎኔኬ ጌይ ዔካኔ» ዔያቶም ጌዔኔ።

ዲዛ ዓኣሢ ዲንጋንዳሢ ያና ማዔቲያ ዩሱሴ ኬኤዜሢ
(ማቴ. 26፥20-25፤ ማር. 14፥17-21፤ ሉቃ. 22፥21-23)

21 ዩሱሴ ዩያ ጌዔሰካፓ ማሊ ሜታዳዎ፡- «ጎኔ ታ ዲንሢም ጋዓኔ፤ ዲንሢዳፓ ፔቴ"ሢ ዓኣሢ ታና ዲንጋንዳኔ» ጌይ ፔጋሲ ኬኤዜኔ።

22 ዲዛኮ ጊንያ ሃንታዞንሢ ዩያ ዲ ያናኬ ጌይ ጋዓቲያ ዔሪባኣሢሮ ዋሊ ሴካ ሃንጋ ዛጌኔ፤

23 ዩሱሴ ዲዛ ናሽካ፣ ዲዛኮ ጊንያ ሃንታዞንሢዳፓ ፔቴ"ሢ ዩሱሴ ሄሊ" ዴዒ ዓኣኔ።

24 ሲሞኦኔ ጌይንታ ጳዲሮሴ ዩያ ዉታዎ፡- «ዲ ዩያ ያናኬ ጌይ ጋዓቲያ ሂንዳ ዩሱሴ ያኦጩ» ጌዔኔ።

25 ዩያሮ ዲዚ ዩሱሴ ባንሢ ዛላዲ ሂርኪ ጌዔሰካፓ፡- «ጎዳሢያ! ዩይ ያናዳይ?» ጌይ ዲዛ ያኦጩኔ።

26 ዩሱሴ ማሃዎ፡- «ሃይ፣ ካሦ ታ ዎዎና ዓይሢ ዔኪ ኩልሳንዳሢ ዲዛኬ» ጌዔኔ። ዩያ ጌዔሰካፓ ካሦ ዎዎና ዓይሢ ዔኪ ዓሰቆሮንቶ ካታሞ ዓሢ፣ ሲሞኦኔ ናኣዚ"፣ ዩሁዳ ኩልሴኔ።

27 ዩሁዳ ካሦ ኩኡሌሰካፓ ቤዞማና ያላሄ ዲዛይዳ ጌሌኔ፤ ዲማ"ና ዩሱሴ ዩሁዳም፡- «ኔኤኒ ማዳኒ ማሌ ባኮ ሃሢ ዑኩና ማዴ» ጌዔኔ።

28 ዩሱሴ ዓይጎሮ ዩያ ጌዔቶ ውዎይዳ ዴዔዞንሢዳፓ ያኣኒያ ዔሪባኣሴ።

29 ዩሁዳ ሚኢሾ ዓርቃያ ማዔሢሮ ዩሱሴኮ ጊንያ ሃንታዞንሢዳፓ ፔቴ" ፔቴ"ዞንሢም ዲዚ፡- «ቦንቾ ኬሎ"ም ኮይሳ ባኣዚ" ኦም ሻንቄ፤ ሃሣ ማንቆ ዓሶም ሚኢሾ ዲንጌ» ዩሁዳም ጌዔያ ማሌኔ።

30 ዩሁዳ ዩኖ ካሦ ኩኡሌሢዳፓ ቤዞማና ኬሰኪ ዓኣዴኔ፤ ዩማና ሳዓ ዲሚኬ።

ዓኮ ዓይሢያ

31 ዩሁዳ ኬሰኪ ዓኣዴሰካፓ ዩሱሴ፡- «ዓካሪ ዓሲኮ ናዓሢ ቦንቾንቴኔ፤ ዲዛ ዛሎ"ና ያኦዛሢያ ቦንቾንቴኔ፤

32 ያኦሲ ዲዛ ዛሎ"ና ቦንቾንቴያ ማዔቶ ያኦሲያ ፔ ናዓሢ ፔኤና ዋላ" ቦንቾሳንዳኔ፤ ኔጉዎዎ፣ ሃሢ ዲዛ ቦንቾሳንዳኔ።

33 ናይዮቴ! ታ ዒንሢና ዋላ" ሚርጌ ዋዴ ዴዓባኬ፤ ዒንሢያ ታና ኮዓንዳኔ፤ ዓይሁዶ ዓሶ ዋይሣ ዓሶም ታኣኒ ዴንዳ ቤዘ ዒንሢ ሙካኒ ዳንዳዒንዲዋሴ» ታ ጌዔሢጉዲ ሃሢ ታ ዒንሢማኣ ያዲ ጋዓኔ።

34 ዋሊ ዒንሢ ናሽካንዳጉዲ ዓኪ ዓይሥሢ ታ ዒንሢ ዓይሣኔ፤ ታ ዒንሢ ናሽኬሢጉዲ ዒንሢያ ዋሊ ናሽኩዋቴ።

35 ዋሊ ዒንሢ ናሽኬቴ ዒንሢ ታኣኮ ጊንፆ ሃንታዞንሢ ማዔሢ ዓሲ ቢያ ዩያና ዔራንዳኔ» ጌዔኔ።

ጳዲሮሴ «ታ ዒዛ ዔራዋሴ» ጋዓንዳሢ ዩሱሴ ኬኤዘሢ (ማቴ. 26፡31-35፤ ማር. 14፡27-31፤ ሉቃ. 23፡31-34)

36 ዩካፓ ሲሞኦኔ ጌይንታ ጳዲሮሴ ዩሱሴ ኮራ፡- «ጎዳሢዮ! ኔኤኒ ዓንኮ ዴንዳንዳይ?» ጌይ ዒዛ ፆኦጫዛ፡ ዩሱሴ ማሃዖ፡- «ታኣኒ ዴንዳ ቤዘ ሃሢ ኔ ታ ጊንፆ ሙካኒ ዳንዳዒንዲዋሴ፤ ጊንፆፓ ኔ ጋዓንቴ ሙካንዳኔ» ጌዔኔ።

37 ጳዲሮሴ ጊንሣ፡- «ጎዳሢዮ! ዓይጎር ሃሢ ታ ኔ ጊንፆ ሙካኒ ዳንዳዐዋይ? ታኣኒ ታኣኮ ሽምፓሢታዖ ኔ ጋይቴ ዓኣሢ ዒንጋንዳኔ» ጌዔኔ።

38 ዩሱሴ፡- «ኔኤኒ ታ ጋይቴ ኔኤኮ ሽምፓሢ ዓኣሢ ዒንጋንዳ? ጎኔ ታ ኔኤም ጋዓኔ፤ ሃሮ" ኮይዳ ቁኢቃንዳሢኮ ቤርታ ሃይሢ ማይንቴ ታ ዒዛ ዔራዋሴ» ኔ ታና ጋዓንዳኔ» ጌይ ዒዛም ማሃኔ።

14

ዩሱሴ ፔኤኮ ጊንፆ ሃንታዞንሢ ደዲሽሢ

1 ዩካፓ ዩሱሴ፡- «ዒንሢኮ ዒና" ማሊ ሜታዶፓ፤ ፆኦሲ ጉሙርቁዋቴ፤ ታናኣ ጉሙርቁዋቴ፤

2 ታ ዓዶ ኮሮይዳ ሚርጌ ናንጎ ቤሲ ዓኣኔ፤ ያዲ ማዒባኣታቴ ዒንሢ ናንጋንዳ ቤዘ ታ ጊኣጊሻኒ ዓኣዳንዳኔ» ታ ዒንሢም ጌይንዲዋያታንቴኬ።

3 ታኣኒ ዴንዳ ዒንሢም ቤዘ ጊኣጊሽሰካፓ ታኣኒ ዓኣ ቤዘይዳ ዒንሢያ ናንጋንዳጉዲ ለሚ ታ ሙኪ ዒንሢ ዔካንዳኔ።

4 ታኣኒ ዴንዳ ቤዘ ሄሊ"ሳ ጎይፆ ዒንሢ ዔራኔ» ጌዔኔ።

ሌካ ዓዶ ባንሢ ሄሊ"ሳ ጎይፆ

5 ቶኦማኣሴ ዒማና፡- «ጎዳሢዮ! ዓንኮ ኔ ዓኣዳቶዋ ኑ ዔራዋሴ፤ ሂዳዖ ጎይፆ ኑ ዋዲ" ዔራኒ ዳንዳዓንዳይ?» ዩሱሴ ኮራ ጌዔኔ።

6 ዬሱሴ ዲዛሞ፡- «ጎኑሞና ጎይጎሢና ሽምጋሢያ ታናኬ፤ ታ ዘሎ"ና ማዲባኦታጎ ያኦኒያ ዓዶ ኮራ ሙካንዳይ ባኦሴ።

7 ታና ዲንሢ ዔሬያታቱ ታ ዓዶዎ ዲንሢ ዔሬያ ናንዳንቴኬ፤ ሃካፓ ሴካ ጋዓንቴ ዲንሢ ዔሬንዳኔ፤ ዲዛ ዲንሢ ዘጌኔ» ጌዔኔ።

8 ፒልጶሴ፡- «ጎዳሢያ! ዓዶ ኦና ኔ ዳዌቱ ማይ ኦሞ ጊዳንዳኔ» ዲዛ ኮራ ጌዔኔ።

9 ዬሱሴ ዲዛሞ፡- «ፒልጶሴ! ሓያጉዴ ዎዴ ታ ዲንሢና ዎላ" ናንጋዘ ኔ ታና ዔራዎዓዳ? ታና ዘጌሢ ዓዶ ዘጌኔ፤ ሂዳጎ ዓካሪ ኔኔኒ ሓዶ ኦና ዳዌ» ዎይቲ ጋዓይ?

10 ታኦኒ ዓዶና ዎላ" ዓኦሢ ሃሢ ዓዴያ ታኦና ማዔሢ ኔ ጉሙርቁዎዓዳ? ዲንሢሞ ኬኤዛ ቃኦሎ" ታኦኒ ኬኤዛሢ ታ ቢታንቶናቱዋሴ፤ ጋዓንቴ ማዶ" ቢያ ማዳሢ ታኦና ናንጋ፣ ዓዶኬ።

11 ታኦኒ ዓዶና ዓኦሢጉዲ ዓዴያ ታኦና ዓኦሢ ታ ዲንሢሞ ኬኤዛሢ ጉሙርቁዎቱ፤ ዬይ ዓቴቱ ታኦኒ ማዳ ዓኮ ባኮ ዘሎ"ሮታጎ ታና ጉሙርቁዎቱ።

12 ጎኔ ታ ዲንሢሞ ጋዓኔ፤ ታና ጉሙርቃሢ ታኦኒ ማዳ ማዶ" ማዳንዳኔ፤ ዬያፓ ዑሣ ዓኦዳ ባኦዚ"ያ ማዳንዳኔ፤ ዓይጎሮ ጌዔቱ ታኦኒ ለካ ታ ዓዶ ባንሢ ዳንዳንዳኔ።

13 ዓዴ ናዓሢ ዘሎ"ና ቦንቹንታንዳጉዲ ታ ሱንጎና ዲንሢ ሸኢቃ ባኮ ቢያ ታ ዲንሢሞ ማዳንዳኔ።

14 ዓይጎ ባኦዚ"ታቶዎ ታ ሱንጎና ዲንሢ ሸኢቁቶ ታ ማዳንዳኔ» ጌዔኔ።

ዓያና ጌኦኸ ዘሎ" ዲንጊንቴ ሃጊ ማዓ ዎዛ

15 ዬሱሴ ሃሢ ኬኤዛዎ፡- «ታና ዲንሢ ናሽካያ ማዔቶ ታ ዓይሢያ ዲንሢ ካፓንዳኔ፤

16 ታኦኒ ዓዶ ሸኢቃንዳኔ፤ ዲዚያ ናንጊና ዲንሢና ናንጋንዳ፣ ማሌ" ዶዲሻያ ዲንሢሞ ዲንጋንዳኔ።

17 ዬያ ዶዲሻሢ ዓጫ" ዳንቁንዲዎኦሢሢና ዔሬንዲዎኦሢሢና ዔካኒ ዳንዳዑዋሴ፣ ዬይ ጎኑሞ ዔርዛ ዓያናኬ፤ ዲንሢ ጋዓንቴ ዬያ ዔሬንዳኔ፤ ዓይጎሮ ጌዔቱ ዲንሢና ዎላ" ናንጋንዳሢሢና ዲንሢኮ ጋሮይዳ ማዓንዳሢሢ።

18 «ዓዶና ዲንደናባኦ ናይጉዲ ታ ዲንሢ ዲንሢሢ ሌሊ ሃሸ"ንዲዎሴ፤ ማዲ ታ ዲንሢ ኮራ ሙካንዳኔ።

19 ዳካ" ዎዴኮ ጊንፃፓ ዓጫ" ታና ዘጊንዲዎሴ፤ ዲንሢ ጋዓንቴ ታና ዘጊንዳኔ፤ ታኦኒ ናንጊና ባይቁዎያ ማዔሢሮ ዲንሢያ ናንጊና ባይቁዎያ ማዲ ናንጋንዳኔ፤

20 ታኦኒ ዓድና ዓኣሢ፡ ዒንሢያ ታኦና ዓኣሢ፡ ታኦኒያ ዒንሢና ዓኣሢ ዬኖ ኬሎ"ና ዒንሢ ዔራንዳኔ።

21 «ታኦኦ ዓይሢያ ዔካሢና ሃሣ ማደይዳ ፔኤሻሢ፡ ዒዚ ታና ናሽካኔ፤ ታና ናሽካሢ ታ ዓይያ ዒዛ ናሽካንዳኔ፤ ታኦ ዒዛ ናሽካንዳኔ፤ ታና ታ ዒዛም ፔጋሲ ዳዋንዳኔ» ጌዔኔ።

22 ዓሰቆሮንቶ ካታሞሲቱዋንቲ ሃንጎ ዪሁዳ፡- «ጎዳሢዮ! ኔና ዓጮ"ሞቱዋንቲ ኑም ኔ ፔጋሲ ዳዋንዳሢ ዋይቲዳይ?» ዒዛ ኮራ ጌዔኔ።

23 ዬሱሴ ዒዛም፡- «ታና ናሽካሢ ታ ቃኦሎ" ካፓንዳኔ፤ ታ ዓይያ ዒዛ ናሽካንዳኔ፤ ኑኡኒያ ዒዛ ኮይላ" ሙኪ ዒዛና ዋላ" ናንጋንዳኔ።

24 ታና ናሽኩዋኦሢ ታ ቃኦሎ" ካፒንዳዋሴ፤ ሃይ ዒንሢ ዋይዛ ቃኦላ" ታና ዳኬ፡ ዓድሮ ማዓንዳኦፓዓቲም ታኦሮቱዋሴ» ጌዔኔ።

25 ዬሱሴ ሃሣ፡- «ሐሢ ታ ዒንሢና ዋላ" ዓኦ ሃያ ባኮ ታ ዒንሢም ኬኤዜኔ፤

26 ዓይ ታ ሱ'ንፆና ዳካ፡ ደዲሻ ዓያኖ ጌኤዠ ጋዓንቲ ቢያ ባኦዚ" ዒንሢ ዔርዘንዳኔ፤ ታ ዒንሢም ኬኤዜ ባኮዋ ቢያ ዒንሢ ጳቂሳንዳጉዲ ማሃንዳኔ።

27 «ኮሹሞ ታ ዒንሢም ዒንጋንዳኔ፤ ሃሣ ታ ኮሹሞዋ ታ ዒንሢም ዒንጋንዳኔ፤ ታኦኒ ዒንሢም ዒንጋ ኮሹማ ዓጮ" ዒንሢም ዒንጋሢጉዲቱዋሴ፤ ዒና" ዒንሢኮ ማሊ ሜታዲ ዒጊጮፓ» ጌዔኔ።

28 ዬሱሴ ሃሣ ኬኤዘ፡- « ታኦኒ ዒንሢ ኮራፓ ዓኦዳንዳኔ፤ ሃሣ ማዒያ ታ ዒንሢ ባንሢ ሙካንዳኔ» ታ ጌዔሢ ዒንሢ ዋይዜኔ፤ ታና ዒንሢ ናሽካያ ማዔቶ ዓይ ታጊዳፓ ባሼታሢሮ ታኦኒ ዓድ ባንሢ ዓኦዲያና ዒንሢ ዋዛዳንዳያታፆኔ።

29 ዬይ ያዲ ማዔ ዋድ"ና ዒንሢ ጉሙርቃንዳጉዲ ዬይ ማዓንዳሢኮ ቤርታዲ ታ ዒንሢም ሃሢ ኬኤዜያኮ።

30 ሐያ ዓጮ" ዋይሣ ፃላሄ ሙካሢሮ ሃካፓ ሴካ ታ ዒንሢና ዋላ" ሚርጌ ጌሰታዓኬ። ዒዚ ታ ጊዳ" ፔፔ" ባኦዚ"ያ ማዳኒ ዳንዳዑዋሴ፤

31 ጋዓንቲ ታኦኒ ታ ዓድ ናሽካሢ ዓጮ" ዔራንዳጉዲ ዓይ ታና ዓይሣ ባኮ ቢያ ታኦኒ ኩንሣንዳኔ፤ <ዓካሪ ሃካፓ ኑ ዴንዶም> » ጌዔኔ።

15

ዬሱሴ ዋይኖ ሚያኮ ፃጶ ማዔሢ

1 ዩካፓ ዩሱሴ፡- «ዎይኖ ሚያኮ ጎኔ ፃጳሢ ታናኬ፤ ቱኪ" ኮሻ"ሢ ታ ዓደኬ፤

2 ታ ጊዳ" ዓአፃ ዓአፑዋ ካአፖ ቢያ ታ ዓዴ ተቂ ኬኤራንዳ፤ ዓአፖ ዓአፓ ካአፖ ጋዓንቲ ሚርጌ ዓአፓንዳጉዲ ተቂ ተቂ ጊአጊሺ ኮሻ"ንዳ፤።

3 ታአኒ ሃሢ ዒንሢሞ ኬኤዛ ቃአሎ"ና ሃሢ ዒንሢ ጊአጊሺ ኮሻ"ንቱዘንሢ።

4 ታአና ናንጉዋቱ፤ ታአኒያ ዒንሢና ናንጋንዳ፤ ካአፓ ፃጳይዳ ማዒባአያታቶ ፔ ቶአኪና ሌሊ ዓአፒ ዓአፓኒ ዳንዳዑዋአሢጉዲ ዒንሢያ ታአና ናንጊባአያታቶ ዓአፒ ዓአፓኒ ዳንዳዑዋሴ።

5 «ታአኒ ዎይኖ ሚያኮ ፃጳሢ፤ ዒንሢ ካአፖኬ፤ ሚርጌ ዓአፒ ዓአፓንዳሢ ታአና ናንጋሢ ታአኒያ ዒዛና ናንጋሢ፤ ዓይጎር ጌዔቶ ታ ባአንቲ ዓይጎ ባአዚ"ያ ዒንሢ ማዳኒ ዳንዳዑዋአሢርኬ።

6 ታአና ናንጉዋ ካአፓ ዙላ" ኬኤሪንቲ ማላ ካአፖጉዲኬ፤ ዩካፓ ቡኩሲ፡ ታሚና ሚቺንታንዳ፤።

7 ታአና ዒንሢ ናንጌቱ ሃሢ ታ ቃአላ" ጋዓ ጎይያዋ ዒንሢ ናንጋቶ ዒንሢ ኮዔ ባአዚ" ሺአቁቱ ዳንቃንዳ፤።

8 ሚርጌ ዓአፒ ዒንሢ ዓአፓአና ታ ዓዴ ቦንቺንታ፤ ዩያይዲያና ታአኮ ጊንያ ሃንታዘንሢ ማዒያ ዒንሢ ዔርዛ፤።

9 ዓዴ ታና ናሽኬሢጉዲ ታአኒያ ዒንሢ ናሽኬ፤ ዩያር ታ ናሹሞና ናንጉዋቱ።

10 ታአኒ ታ ዓደኮ ዓይሢያ ኩንሢሢና ዒዛኮ ናሹሞናአ ናንጌሢጉዲ ዒንሢያ ታ ዓይሢያ ኩንሢቶ ታ ናሹሞና ናንጋንዳ፤።

11 «ሐያ ታ ዒንሢሞ ኬኤዛሢ ታ ዎዛዳሢጉዲ ዒንሢ ዎዛዳንዳጉዲ ሐሢ ዒንሢኮዎ ዎዛ ዳኤፒ ማዓንዳጉዲኬ።

12 ታ ዓይሢያ ታ ዒንሢ ናሽኬሢጉዲ ዒንሢያ ዎሊ ናሽካንዳጉዲኬ።

13 ዓሲ ፔኤኮ ሸምፓሢ ፔ ላጌ ዛላ ዓአሢ ዒንጋያይዳፓ ባሻ ናሹሞ ባአሴ።

14 ዒንሢያ ታአኒ ዒንሢ ዓይሢሢ ኩንሢቶ ታአኮ ላጌኬ።

15 ዓይሎ" ፔ ጎዳ ማዳ ባኮ ዔሩዎአሢር ሃይካፓ ሴካ ታ ዒንሢ ታ ዓይሎ" ጌይንዲዋሴ፤ ጋዓንቲ ታ ዓደይዳፓ ታ ዎይዜ ባኮ ቢያ ዒንሢሞ ፔጋሲ ዔርዜሢር ታ ዒንሢ ታአኮ ላጌ ጌዔ፤።

16 ታ ዒንሢ ዶኤራያፓዓቲሞ ዒንሢ ታና ዶኤሪባአሴ፤ ዳንዲ ዒንሢ ሚርጌ ዓአፒ ዓአፓንዳጉዲ፡ ዒንሢኮ ዓአፓአ ናንጋያ

15:12 ዮሐ. 13፡34፤ 15፡17፤ 1ዮሐ. 3፡23፤ 2ዮሐ. 5።

ማዕንዳጉዲ፥ ታ ዲንሢም ቢታንቶ ዲንጌኔ። ዬያር ታ ሱንያር
ዲንሢ ሺኢቃሢ ቢያ ዓዴ ዲንሢም ዲንጋንዳኔ።

17 ዓካሪ ታ ዲንሢ ዓይሣሢ ዎሊ ዲንሢ ርሽካንዳጉዲኬ»
ጌዔኔ።

ዓጫ "ዲዛ ዓሶ ዲፃንዳሢ ዛሎ" ዬሱሴ ኬኤዜሢ

18 ሄሊ "ሳዖ ዬሱሴ፡- «ዓጫ" ዲንሢ ዲፃቶ ዲንሢኮ ቤርታ ታና
ዲፃሢ ዔሩዎቲ፤

19 ዲንሢ ዎንዴ ዓጮ"ሮ ማዔያታቶ ዓጫ" ፔኤም ማዔሢ ዔሪ
ዲንሢ ርሽካንዳያታንቲኬ፤ ዓጮ"ም ዲንሢ ማዔባኣሢሮና ታ
ዲንሢ ሃሣ ዓጫ"ፓ ዲማሲ ደኦሪሢሮ ዓጫ" ዲንሢ ዲፃኔ።

20 ዓይሢንቲ ማዳሢ ፔኤኮ ጎዳሢዳፓ ባሹዎሴ ጌይ ታ
ዲንሢም ኬኤዜሢ ደቂሱዎቲ፤ ታና ዔያታ ዲፃ ዳኬያታቶ ዲንሢያ
ዔያታ ዲፃ ዳካንዳኔ፤ ታኣኮ ቃኣሎ" ዔያታ ካፔያታቶ ዲንሢኮዎ
ቃኣሎ" ካፓንዳኔ።

21 ታና ሎፓ ዳኬሢ ዖናታቲያ ዔያታ ዔሩዎኣሢሮ ታ ዛሎ"ሮ ዬያ
ቢያ ዔያታ ማዳንዳኔ።

22 ታኣኢ ሙኪ ዔያቶም ዎንዴ ኬኤዚባኣያታቲ ጎሜ ዔያቶኮ
ማዕዓታንቲ፤ ሃሢ ዔያታ ፔኤኮ ጎሞ ዛሎ" ኦ ዔሪባኣሴ» ጋዓንዳ
ባኣዚ" ባኣሴ።

23 ታና ዲፃሢ ታ ዓደ ዲፃኔ፤

24 ሜሊ" ዓሲ ማዲባኣ ማደ ዔያቶኮ ባኣካ" ታ ማዲባኣያ
ማዔቶ ጎሜ ዔያቶኮ ማዲንዲዎያታንቲ ሃሢ ሃያ ዖኦሲ ዎልቄና
ማዳንቲ ዓኮ ባኮ ዔያታ ዛጌ፤ ጋዓንቲ ታናንታ ታ ዓደንታ ዔያታ
ዲፃኔ።

25 ዬይ ያዲ ማዔሢ፡- «ዔኤቢ ታ ፑርቲሴ ባኣዚ" ባኣንቲ ታና
ዲፃኔ» ጌይንቲ ዔያቶኮ ዎጎይዳ ፃኣፒንቲ ቃኣላ" ኩማንዳጉዲኬ።

26 «ጋዓንቲ ዓደይዳፓ ኬሰካያ ሃሢ ታኣኒያ ዓደ ኮራፓ ዳካንዳ፥
ጎኩሞ ዔርዛ ዓያር ማዔ፥ ደዲሻሢ ሙካዖ ታ ዛሎ" ዲ
ማርካዳንዳኔ።

27 ዲንሢያ ቤርታፓ ዓርቃዖ ታኣና ዎላ" ዓኣሢሮ ታኣም ዲንሢ
ማርካዳንዳኔ» ጌዔኔ።

16

1 ዬካፓ ሃሣ ዬሱሴ፡- «ዓካሪ ሃይሾ ሓያ ቢያ ታ ዲንሢም
ኬኤዛሢ ዲንሢ ደቢንቲዎጉዲ ጌይኬ።

15:20 ማቲ. 10፥24፤ ሉቃ. 6፥40፤ ዮሐ. 13፥16።

2 ዓይሁድ ዓሶኮ ቡኪንቶ ቤዛፓ ዒንሢ ኬሲ" ዳውሶንድኔ፤ ዩካፓ ዑሣ ሓሣ ዒንሢ ወዳሢ ቢያ ያኑሲም ኮሺ ማዴያ ማዒ ፓይዲንታንዳ ወዴ ሙካንዳኔ።

3 ዬያ ዔያታ ማዳንዳሢ' ዓደንታ ታናንታ ዔሩዋአሢሮኬ።

4 ሓያ ታ ዒንሢም ኬኤዛሢ ወዳ" ሄለ"ዛ ታ ዒንሢም ዓይጎ ጌዔቴያ ዒንሢ ጳቂሣንዳጉዲኬ።

ዓያኖ ጌኤዡ ማዶ"

«ሓያ ባኮ ቤርታ ታ ዒንሢም ኬኤዚባአሢ ታኣኒ ዒንሢና ዎለ" ዓአሢሮኬ» ጌዔኔ።

5 ዬሱሴ ሃሣ፡- «ታና ዳኬሢ ባንሢ ታ ዴንዳንዳኔ፤ ጋዓንቴ ዒንሢዳፓ ሕኤኒ ዓንኮ ዓአዳይ?» ጌይ ታና ያኦጫንዳያ ባአሴ።

6 ማዔቶዎ ሓያ ቢያ ታ ዒንሢም ኬኤዜሢሮ ዒንሢኮ ዒና" ያዩ ማሊሢና ኩሜኔ።

7 ታኣኒ ጋዓንቴ ጎኔ ዒንሢም ጋዓኔ፣ ታኣኮ ዓአዳፃ ዒንሢ ማአዳ"ንዳያኬ፤ ዎይቴ ጌዔቶ ታኣኒ ዓአዳፊባአያታቴ ዒንሢ ደዲሻሢ ዒንሢ ኮራ ሙካዓኬ፤ ታኣኒ ዓአዳፎቴ ጋዓንቴ ዬያ ዒንሢ ኮራ ታ ዳካንዳኔ።

8 ዬይ ሙኬ ዎድ"ና ጎሜ ዛለ፣ ያሉ"ዎ ዛለና ሃሣ ያኑሲ ዎጋንዳ ዎጎ ዛሎ"ዎ ዓሶም ኬኤዛንዳኔ።

9 ጎዎ ዛሎ"ሮ ኬኤዛንዳሢ' ታና ዔያታ ጉሙርቁዋአሢ ጎሜ ማዔሢኬ፤

10 ያሉ"ዎ ዛሎ"ሮ ኬኤዛንዳሢ' ታኣኮ ዓደ ባንሢ ዓአዲያና ሃይካፓ ሴካ ዒንሢ ታና ዛጊንዲዎአሢ ዛሎ"ኬ፤

11 ዎጊያ ዛሎ" ኬኤዛንዳሢ ሓያ ዓጮ" ዎይሣ ፃላሄ ፑርታና ዎጊንቴሢ ዛሎ"ኬ።

12 «ሓጊ ታ ዒንሢም ኬኤዛንዳ ሚርጌ ባአዚ" ዓአኔ፤ ጋዓንቴ ሃሢ ዒንሢም ዴኤፃንዳኔ፤

13 ጎኑዎ ዔርዘ ዓያና ሙኬ ዎድ"ና ጎኑዎ ባንሢ ዒንሢ ዔኪ ዓአዳንዳኔ፤ ዓይጎሮ ጌዔቴ ዬይ ኬኤዛንዳሢ ዒ ዎይዜሢ ማዓንዳኣፓዓቴም ፔ ቶኦካ"ፓ ዔኪቴዎሴ። ዒዚ ሴካ ቤርቴም ማዓንዳ ባኮ ኬኤዛንዳኔ።

14 ታ ጊዳ"ፓ ዔኪ ዒንሢም ኬኤዛንዳሢሮ ታና ዒዚ ቦንቻንዳኔ።

15 ዓደሮ ማዔ ባካ ቢያ ታኣሮኬ፤ «ታ ጊዳ"ፓ ዔኪ ዒንሢም ኬኤዛንዳኔ፣ ታ ዒንሢም ጌዔሢ ዬያሮኬ» ጌዔኔ።

ዬሱሴ ጊንያ ሓንታዞንሢኮ ያዩፃ ዎዛና ላኣሚንታንዳሢ

16 ሐሣ ዬሱሴ ኬኤዛያ፡- «ዳካ" ዎዴኮ ጊንፃ ታና ዒንሣሂ ዴንቁንዲዎሴ፤ ጊንሣ ዳካ" ዎዴኮ ጊንፃ ታና ዒንሣሂ ዴንቃንዳኔ» ጌዔኔ።

17 ዒዛኮ ጊንፃ ሃንታዞንሣሂዳፓ ፔቴ" ፔቴ"ዞንሣሂ፡- «ሐይ «ዳካ" ዎዴኮ ጊንፃ ታና ዴንቃንዳኔ፤ ጊንሣ ዳካ" ዎዴኮ ጊንፃ ታና ዒንሣሂ ዴንቃንዳኔ፤ ሐሣ ሌካ ዓደ ባንሣሂ ታ ዓኣዳንዳኔ» ኑዎ ጌይንታ ባካ ዓይጌንዴዳይ?» ዎሊ ኮይላ" ጌዔኔ።

18 ሐሣ ዔያታ፡- «ዓካሪ ሐይ «ዳካ" ዎዴኮ ጊንፃ» ጌይንታ ባካ ዓይጌንዴዳይ? ዬይ ኑዎ ዔርታ ባኣዚ"ቱዎሴ» ጌዔኔ።

19 ዬሱሴ ዔያታ ዒዛ ያኣጫኒ ማላሣ ዔራያ፡- «ዒንሣሂ ዎሊ ያኣጫሂ «ዳካ" ዎዴኮ ጊንፃ ታና ዒንሣሂ ዴንቁዲዎሴ፤ ጊንሣ ዳካ" ዎዴኮ ጊንፃ ታና ዒንሣሂ ዴንቃንዳኔ» ታ ዒንሣሂም ጌዔሣረዳ?

20 ጎኔ ታ ዒንሣሂም ጋዔ፤ ዒንሣሂ ዬኤካንዳኔ፤ ዓጫ" ጋዔንቴ ዎዛዳንዳኔ፤ ዒንሣሂ ያያንዳኔ፤ ጋዔንቴ ዒንሣሂኮ ያዩፃ ዎዛና ላኣሚንታንዳኔ።

21 ላኣሊ ሸዓ ዎደ"ና ቆፃ" ቆፃ"ያና ሜታዳኔ፤ ሸዔሣኮ ጊንፃ ጋዔንቴ ዓጫ"ይዳ ናይ ሸይንቴሣረ ዎዛፓ ዔቁያና ዒዛ ፔኤኮ ቤርታኣ ሚታሣ ዎላ"ኔ።

22 ዬያጉዲ ዒንሣሂ ሃሣ ያያንዳኔ፤ ላሚ ታ ዒንሣሂ ጊንሣ ዛጋንዳኔ፤ ዒንሣሂ ኣ ዒንሣሂኮ ዎዛዳንዳኔ፤ ዒንሣሂኮ ዎዛዎ ዒንሣሂዳፓ ዔካንዳይ ባኣሴ።

23 «ዬኖና ዒንሣሂ ዓይጎዎ ታና ያኣጫዔ፤ ጎኔ ታ ዒንሣሂም ጋዔ፤ ታ ዓደ ታ ሱ'ንያና ዒንሣሂ ሺኣቁቶ ቢያ ባኣዚ" ዒንሣሂም ዒ ዒንጋንዳኔ።

24 ሐሣ ሃይማ ሄላ"ንዳኣና ዓይጎ ባኣዚ"ያ ታ ሱ'ንያና ዒንሣሂ ሺኣቁባኣሴ፤ ሺኣቁዎቴ ዒንሣሂ ዔካንዳኔ፤ ዎዛ"ኣ ዒንሣሂኮ ኩሙሣ ማዓንዳኔ።

25 «ሐና ሄላ"ንዳኣና ኮኣኪንሣሂና ታ ዒንሣሂም ኬኤዜኔ፤ ዓካሪ ሃካፓ ሴካ ኮኣኪንሣሂና ታ ዒንሣሂም ኬኤዚንዲዎ ዎዴ ሙካንዳኔ፤ ጋዔንቴ ዓደ ዛሎ" ቢያ ባኣዚ" ፔጋሲ ታ ዒንሣሂም ኬኤዛንዳኔ።

26 ዬኖና ዒንሣሂ ታ ሱ'ንያና ሺኣቃንዳኔ፤ ታኣኒያ ታ ዓደ ዒንሣሂም ሺኣቃንዳኔ» ጌይንዲዎሴ።

27 ዓይጎር ጌዔቶ ዓዴ ፔ ቶኦኪና ዒንሣሂ ናሽካሣረኬ፤ ዓዴ ዒንሣሂ ናሽካሣረ ዒንሣሂ ታና ናሽኬሣረና ያኣሲ ኮራፓ ታ ሙኬያ ማዔሣ ዒንሣሂ ጉሙርቁሣረኬ።

28 ታ ዓደ ኮራፓ ሐያ ዓጫ" ታ ሙኬኔ፤ ጊንሣ ሃሣ ሐያ ዓጫ" ሃሺ" ሌካ ዓደ ባንሣሂ ታ ዓኣዳንዳኔ» ዔያቶም ጌዔኔ።

29 ዲዛኮ ጊንፆ ሓንታዞንሚያ፡- «ሃይሾ፣ ሃሢ ኔ ኮኣኪንሚናቱዋንቴ ፔጌና ኑም ከኤዛኔ፤

30 ኔኤኒ ቢያ ባኣዚ" ዔራያታሢ ሃሃ ፆኦኒያ ኔና ፆኦጫኒ ኮይሱዋኣሢ ኑ ሃሢ ዔሬኔ፤ ዬያሮ ፆኦሲ ኮራፓ ኔ ሙኩሢ ኑ ጉሙርቃኔ» ጌዔኔ።

31 ዬሱሴ ዔያቶም፡- «ሓሢ ዲንሢ ጎኔ ታና ጉሙርቄኔ ጌይፆዳ?

32 ጋዓንቴ ዲንሢ ፔቴ" ፔቴ"ሢ ዲንሢሮ ዲንሢሮ ዣኣኢ፣ ታና ታኣሮ ሃሻ"ንዳ ዋይ ሙካንዳኔ፤ ዬና" ዋዳ" ሃሢከ፤ ጋዓንቴ ዓይ ታኣና ዋላ" ዓኣሢሮ ታ ታኣሮ ሌሊ ማዓዓከ።

33 ሓያ ታ ዲንሢሞ ከኤዛሢ ዲንሢ ታኣና ዋላ" ማዔም ዋዛ ዲንሢኮ ዓኣያ ማዓንዳጉዲ ጌይከ፤ ዓጮ"ይዳ ዲንሢ ዓኣንቴ ማታ ዓኣኔ፤ ጋዓንቴ ዲጊጩፖቴ፣ ታኣኒ ዓጮ" ባሽኔ» ጌዔኔ።

17

ዬሱሴኮ ሺኢጲፆ

1 ዬሱሴ ዬያ ከኤዜሢኮ ጊንፆ ሌካ ጫሪንጮ ባንሢ ዛጋፆ ሂዚ ጌይ ሺኢቄኔ፡- «ታ ዓዳሢዮ! ሓይሾ ዋዳ" ዓካሪ ሄሌ"ኔ፤ ናዓሢ ኔኤኮ ኔና ቦንቻንዳጉዲ ኔኤኮ ናዓሢ ቦንቹ፤

2 ኔ ዲዛ ቦንቻንዳሢያኣ ኔኤኒ ዲዛሮ ማሢ ዲንጌሢሞ ቢያ ናንጊና ናንጊ ሸምፖ ዲ ዲንጋንዳጉዲ፣ ዓሶ ቢያሢ ዑፃ ቢታንቶ ኔ ዲንጌሢሮከ።

3 ናንጊና ናንጎ ሸምፖ ጌይፆ፡- ኔኤሮ ሌሊ ጎኔ ፆኦሲ ማዔሢ፣ ኔናንታ ኔኤኒ ዳከ፣ ዬሱሴ ኪሪሰቶሴያ ዔሪሢከ።

4 ኔኤኒ ታኣም ዲንጌ ማዶ" ኩንሢ ሳፆይዳ ታ ኔና ቦንቹኔ።

5 ታ ዓዳሢዮ! ዓጮ" ማኸንታንዳሢኮ ቤርታ ኔኤና ዋላ" ታኣኮ ዓኣ ቦንቹ ጎይፆ ሃሢ ኔ ኮራ ታና ቦንቹሴ።

6 «ዓጮ"ይዳፓ ደኦሪ ኔ ታኣም ዲንጌ ዓሶም ኔኤኮ ፆኦም ታ ፔጋሲ ከኤዜኔ፤ ዔያታ ኔኤሮከ፤ ኔኤኒ ዔያቶ ታኣም ዲንጌኔ፤ ዔያታኣ ኔ ቃኣሎ" ካፔኔ፤

7 ኔ ታኣም ዲንጌ ባካ ቢያ ኔ ጊዳ"ፓ ማዓሢ ዔያታ ሃሢ ዔሬኔ።

8 ኔ ታኣም ዲንጌ ቃኣሎ" ታ ዔያቶም ዲንጌኔ፤ ዔያታኣ ዬያ ዔከኔ፤ ኔ ኮይላ"ፓ ታ ሙኩሢያ ጎኔና ዔያታ ዔሬኔ፤ ሃሢ ኔ ታና ዳከሢ ጉሙርቄ ዔያታ ዔከኔ።

9 «ታኣኒ ሃሢ ሺኢቃሢ ዔያቶሮከ፤ ሃንሢ፣ ኔኤኒ ዲንጌዞንሢ ኔኤሮ ማዔሢሮ ዔያቶ ዛሎ" ታ ሺኢቃኣፓዓቴም ሓያ ዓጮ"ሮ ማዔ ዓሶም ታ ሺኢቄዋሴ።

10 ታኣሞ ማዕረግ ሲያ ኔኤርኬ፤ ዬያጉዲ ሃሃ ኔኤሞ ማዕረግያ ታኣርኬ፤ ታኣኒያ ዔያቶና ቦንቸንጥቴ።

11 ታኣኒ ሃይፓ ሴካ ዓጮ"ይዳ ናንገንዲቀሴ፤ ዔያታ ጋዓንጥ ዓጮ"ኬ። ታኣኒ ኔ ኮይላ" ሙካኒኬ፤ ጌኤዠ ዓዳሂዮ! ሃንህ ኔ ታኣሞ ዒንጌዘንህ ኑ ፔቴ" ማዕ ሳይያ ዔያታኣ ፔቴ" ማዓንዳጉዲ ታኣሞ ኔኤኒ ዒንጌ፥ ኔ ሱንጾና ዔያቶ ካፔ። *

12 ታኣኒ ዔያቶና ቀላ" ዓኣ ዎዶ"ና ኔ ታኣሞ ዒንጌ ኔ ሱንጾና ታ ዔያቶ ካፔ፤ † ዬያሮ ፃኣፒንጥ፥ ያኦሲ ቃኣላ" ኩማንዳጉዲ ዬያ ባይሲንቶ ናዓሂዳፓ ዓታዛ ፔቴ"ታዎ ዔያቶይዳፓ ያኣኒያ ባይቁባኣሴ።

13 ሃሂ ታኣኒ ኔ ኮራ ሙካኒኬ፤ ታኣኒ ዓጮ"ይዳ ዓኣዎ ዬያ ኬኤዛሂ ታ ዎዛዳሂጉዲ ዔያታኣ ሚርጌና ዎዛዳንዳጉዲኬ።

14 ታኣኒ ኔኤኮ ቃኣሎ" ዔያቶሞ ዒንጌኔ፤ ታኣኒ ዓጮ"ፓቱዎኣሂጉዲ ዔያታኣ ሃሃ ዓጮ"ፓቱዎሴ፤ ዬያሮ ዓጮ" ዔያቶ ዒፃ።

15 ፑርታፓ ዔያቶ ኔ ካፓንዳጉዲ ማዓንዳገጋቲሞ ዓጮ"ይዳፓ ዙላ" ኔ ዔያቶ ኬሳ"ንዳጉዲ ታ ኔና ሺኢቁዎሴ።

16 ታኣኒ ሃያ ዓጮ"ፓቱዎኣሂጉዲ ዔያታኣ ሃያ ዓጮ"ፓቱዎሴ።

17 ኔኤኮ ጎኑሞና ዔያቶ ኔኤሞ ዲማሴ፤ ኔኤኮ ቃኣላ"ኣ ጎኑሞኬ።

18 ኔኤኒ ታና ዓጮ" ባንሂ ዳኬሂጉዲ ታኣኒያ ዔያቶ ዓጮ" ዳኬ።

19 ዔያታ ጎኔና ኔኤሞ ዲማዴያ ማዓንዳጉዲ ታኣኒ ታ ቶኦኮ" ዔያቶ ጋቴ ዲማሴ።

20 «ሃሂ ታ ኔና ሺኢቃሂ ሃንህ፥ ዔያቶ ዛሎ"ሮ ሌሊቱዎንጥ ዔያታ ማርካዳ ቃኣሎ" ዛሎ"ና ታና ጉሙርቃንዳ ዓሰንታሞ ዎላ"ኬ።

21 ታ ኔና ሺኢቃሂ ሲያሂ ዎላ" ፔቴ" ማዓንዳጉዲኬ፤ ዬያጉዲ ሃሃ ዓዳሂዮ! ኔኤኒ ታኣና ዎላ" ፔቴ" ማዕረግጉዲ ታኣኒያ ኔኤና ዎላ" ፔቴ" ማዕረግጉዲ ዔያታኣ ኦኡና ዎላ" ፔቴ" ማዓንዳጉዲኬ፤ ሃሃ ኔኤኒ ታና ዳኬያ ማዕረግያ ዓጮ" ጉሙርቃንዳጉዲኬ።

22 ኦኡኒ ፔቴ" ማዕረግ ሳይያ ዔያታኣ ዎላ" ፔቴ" ማዓንዳጉዲ ታኣሞ ኔኤኒ ዒንጌ ቦንቸ ታ ዔያቶሞ ዒንጌ።

* 17:11 ታኣሞ ኔኤኒ ዒንጌ ኔ ሱንጾና ዔያቶ ካፔ፡- ጋዓዛ ፔቴ" ፔቴ" ሚናኣ ማፃኣፓ «ታኣሞ ኔኤኒ ዒንጌዘንህ ሲያ ኔ ሱንጾና ኔ ዔያቶ ካፔ» ጋዓ። † 17:12 ኔ ታኣሞ ዒንጌ ኔ ሱንጾና ታ ዔያቶ ካፔ፡- ጋዓዛ ፔቴ" ፔቴ" ሚናኣ ማፃኣፓ «ኔ ታኣሞ ዒንጌዘንህ ሲያ ኔ ሱንጾና ታ ካፔ» ጋዓ። 17:12 ዓይኑ. 41፥9፤ ዮሐ. 13፥18።

23 ታኦኒ ኔና ሺኢቃሢ ታኦኒ ዔያቶና፤ ኔኤኒያ ታኦና ማዔሢጉዲ ዔያታኦ ጉቤና ፔቴ" ማዓንዳጉዲኬ፤ ሃሣ ኔኤኒ ታና ዳኬሢና ኔ ታና ናሽኬሢጉዲ ዔያቶዋ ኔኤኒ ናሽካሢ ዓጫ" ዔራንዳጉዲኬ።

24 «ታ ዓዳሢዮ! ዓጫ" ማዢንቴዋንቴ ኔ ታና ናሽኬሢግ ታኦም ኔኤኒ ዒንጌ ቦንቾ ዔያታ ዘጋንዳጉዲ ሃንሢ፤ ኔ ታኦም ዒንጌዘንሢ ታኦኒ ዓኦ ቤዘይዳ ታኦና ዋላ" ዔያታ ናንጋንዳጉዲ ታ ኮዓኔ።

25 ዒሎ" ዓዳሢዮ! ዓጫ" ኔና ዔሪባኦኤ፤ ታኦኒ ጋዓንቴ ኔና ዔሬኔ፤ ሃንሢያ ሃሣ ኔ ታና ዳኬሢ ዔሬኔ።

26 ኔኤኒ ታና ናሽኬ ናሹም ጎይዖ ዔያታ ዋላ ናሽካንዳጉዲ ሃሣ ታኦኒያ ዔያቶና ማዓንዳጉዲ ጊንሣ ሃሣ ዔያታ ኔና ዔራንዳጉዲ ታ ዔያቶ ማሄኔ፤ ዩኖ ጎይዖ ቃሲ" ቃሲ" ታ ማዳንዳኔ» ጌዔኔ።

18

ዩሱሴኮ ሞርኮና ዓዲንጉጉ

(ማቴ. 26፥47-56፤ ማር. 14፥43-50፤ ሉቃ. 22፥47-53)

1 ዩሱሴ ዩያ ጌዔሰካፓ ዒዛኮ ጊንዖ ሃንታዘንሢና ዋላ" ቄድሮኦኔ ዋሮ ሱኮ ዴንዳዖ፣ ዒኦካ ቴኮ"ና ማዖ ዓኦ ቤዘ ዔያቶና ዋላ" ጌሌኔ።

2 ዔያታ ዩኖ ቤዜሎይዳ ቢያ ዋዴ ቡኪንታያ ማዔሢ ዓኦሢ ዒንጋ፣ ዪሁዳ ዔራያኬ።

3 ዩያር ዪሁዳ ፖኦሊሶንታ ቄኤሶኮ ሱኦጎና ፔርሴ ዓሶናም ዓይሢንጉ ማዳሰኬንሢንታ ዔኪ ዩኖ ቤዜሎ ሙኬኔ፤ ዔያታ ዒማ"ና ፓኖሴ ጌይንታ ፖዓ ባኮንታ ኩሻንታ ፖዒሲ ሃሣ ዖልዚ ዓንጋሞዋ ዔኪ ዩዔኔ።

4 ዩሱሴ ዒዛ ሄላ"ንዳ ባኮ ቢያ ዔራዖ ዔያቶ ባንሢ ዓኦዲ፡- «ዖና ዒንሢ ኮዓይ?» ጌዔኔ።

5 ዔያታ ማሃዖ፡- «ናዚሬቴ ካታሞ ዓሢ፣ ዩሱሴ ኦ ኮዓኔ» ጌዔኔ። ዩማና ዒዚ ዔያቶም፡- «ዩይ ታናኬ» ጌዔኔ። ዓኦሢ ዒንጋ፣ ዪሁዳ ዩያ ሙኬ ዓሶና ዋላ" ዔቂ ዓኦኔ።

6 ዩሱሴ፡- «ዩይ ታናኬ» ዔያቶም ጋዓዛ ጊንሢም ዴንዲ ዔያታ ሎኦሚኔ።

7 ዩሱሴ ሃሣ፡- «ዖና ዒንሢ ኮዓይ?» ጌይ ላሚ ዔያቶ ዖኦጫዛ፣ ዔያታ፡- «ናዚሬቴ ካታሞ ዓሢ፣ ዩሱሴ ኦ ኮዓኔ» ጌዔኔ።

8 ዒዚ ዔያቶም፡- «ታናኬ ታ ዒንሢም ጌዔኔ፤ ዓካሪ ዒንሢ ታና ኮዓና ማዔቶ ሃኦቶ ሐሹ"ዋቴ፣ ዔያታ ዴንደም» ጌዔኔ።

9 ዩይ ያዲ ማዔሢ፡- «ታ ዓዳሢዮ! ኔ ታኦም ዒንጌ ዓሶይዳፓ ፔቴ"ታዖ ታ ባይዚባኦኤ» ጌዔ ቃኦላ" ኩማንዳጉዲኬ።

20 ዬሱሴ ዲዛም፡- «ታኢ ዓሲም ቢያ ፔጌና ኬኤዜኔ፤ ዓይሁዶ ዓሳ ቢያ ቡኪንታ ቤዛይዳ ማዕቶዋ ጌኤዦ ማኣሮይዳ ቢያ ከሊ" ታ ዔርዛ ዋድ"ና ዓኣቶ ታ ኬኤዜ ባኣዚ" ዓይጌያ ባኣሴ፤

21 ዓኣሪ ኔ ሃሣ ዓይጎር ታና ያኦጫይ? ታ ኬኤዛንቴ ዋይዜ ዓሶ ያኦጫ፤ ታ ኬኤዜ ባኦ ዔያታ ዔራኔ» ጌዔኔ።

22 ዬሱሴ ዬያ ጋዓዛ ዒኢካ ዔቂ ዓኣ፡ ዓይሣንቲ ማዳዘንሣዲፓ ፔቴ"ሣ፡- «ቄኤሶኮ ሱኡጋሣም ኔ ሂዚ ጌይ ማሃ?» ጌይ ዬሱሴ ባዔኔ።

23 ዬሱሴ ማሃዎ፡- «ፑርታ ባኣዚ" ታ ኬኤዜያ ማዕቶ ዬኖ ፑርቴሎ ታኣም ኬኤዜ፤ ታኢ ኬኤዜ ባካ ፒዜ ማዕቶ ኔ ታና ዓይጎር ባዔይ?» ዒዛ ኮራ ጌዔኔ።

24 ዬካፓ ሃኣና ዬሱሴ ሱዞና ቱኡቴ ጎይሣ ዓኣንቴ ቄኤሶኮ ሱኡጋሣ ቃያፓ ኮራ ዳኬኔ።

ጳዲሮሴ ዬሱሴ ላሚ «ታ ዔሩዋሴ» ጌዔሣ (ማቲ. 26፡71-75፤ ማር. 14፡69-72፤ ሉቃ. 22፡58-62)

25 ዓሚ"ና ሲምኦኔ ጎዎ ጳዲሮሴ ዔቂ ታም ካሽታንቴ ሜሌ" ዓሲሰኬንሣ ሃሣ፡- «ኔኤኒ ዬሱሴኮ ገንፆ ሃንታዘንሣዲፓ ፔቴ"ሣቱዋዓዳ?» ጋዓዛ፡ ዒዚ፡- «ታ ዒዛቱዋሴ» ጌዔኔ።

26 ጳዲሮሴ ዋኖ ተቄ ዓሣኮ ዒገኒ ማዕያ ሃሣ ቄኤሶ ሱኡጋሣኮ ዓይሣንቲ ማዳዘንሣዲፓ ፔቴ"ሰኬይ፡- «ዬኖ ቱኮ"ና ሚፃ ዓኣ ቤዜሎይዳ ታ ኔና ዔያቶና ዋላ" ዓኣንቴ ዴንቂባይ?» ዒዛ ኮራ ጌዔኔ።

27 ጳዲሮሴ ላሚ ሃሣ፡- «ታ ዒዛ ዔሩዋሴ» ጌዔኔ፤ ዬማና ኔጉዋዎ ኮይዳ ቂኢቄኔ።

ዬሱሴኮ ጲላፆሴ ቤርቶ ሺኢኪፆ (ማቲ. 27፡1-2፤ 27፡11-14፤ ማር. 15፡1-5፤ ሉቃ. 23፡1-5)

28 ዬካፓ ዬሱሴ ዔያታ ቃያፓ ማኣራፓ ዔኪ ሮሜ ዓጮ" ዋይሣሣ ማኣሪ ዔኪ ዓኣዴኔ፤ ዬና ዋዳ" ጉቴ" ዓሚ"ናኬ፤ ዓይሁዶ ዓሳ ዑሣ ዓኣዲፆ ቦንቾ ኬሎ"ና ሙዎ ሙዓኒ ዔያቶ ኮይሳሣሮ ዔያቶ ዒኢሱዋጉዲ ጌይሣና ዓጮ" ዋይሣሣኮ ማኣሮ ዲሮ ጋሮ ጌሊባኣሴ።

29 ዬኖሮ ዓጮ" ዋይሣ፡ ጲላፆሴ ዔያቶ ባንሣ ኬሰካዎ፡- «ሓፃ ዓሣ ዑፃ ዒንሣ ሺኢሻ ጌኤዛ ዓይጌንዴዳይ?» ጌይ ዔያቶ ያኦጫኔ።

30 ዔያታ ማሃዎ፡- «ሓይ ዓሣ ፑርታ ማዲባኣ ዓሲ ማዕቶ ኔኤም ኑ ዒዛ ዓኣሣ ዒንጋዓታንቴኬ» ጌዔኔ።

31 ጲሊዎሴያ፡- «ዲንሢ ዲንሢሮ ዲዛ ዔኪ ዓኣዲጋፓ ዲንሢ ዋጎ ጎይያ ዲዛ ዑፃ ዋጉዋቱ» ዔያቶም ጋዓዛ፡ ዓይሁደኮ ዎይሣ ዓሳ፡- «ኦኦኒ ዓሲ ዎዳኒ ቢታንቶ ኦኦኮ ባኣሴ» ጌዔኔ።

32 ዬይ ያዲ ማዔሢ ዬሱሴ ዎዚጉዳ ሓይቢና ሓይቃንዳቲያ ኬኤዚንቱ ቃኣላ" ኩማንዳጉዲኬ።

33 ጲሊዎሴ ገንሣ ማዒ ፔጋሮ ጌላዎ ዬሱሴ ዔኤሊ"፡- «ኦኦኒ ዓይሁደ ዓሶኮ ካኣቲዳ?» ጌይ ዖኦጩኔ።

34 ዬሱሴ ማሃዎ፡- «ኦኦኒ ዬያ ጋዓሢ ኔ ቶኣካፓ ዔኪሞ? ማሌ" ዓሳ ታ ዛሎ" ዬያ ኔኤም ኬኤዜምዳይ?» ዲዛ ኮራ ጌዔኔ።

35 ጲሊዎሴ ዲማ"ና፡- «ታኣኒ ኔ ኮራ ዓይሁደ ዓሲ ማላ? ኔና ዓኣሢ ዲንጌዞንሢ ኔኤኮ ፃጶና ቁኤሶኮ ሱኡጎናኬ፤ ኔኤኒ ማዳ ባካ ዓይጌንዳይ» ዬሱሴ ኮራ ጌዔኔ።

36 ዲዚ ማሃዎ፡- «ታ ካኣቱማ ሃያ ዓጫ"ፓቱዋሴ፤ ታ ካኣቱማ ሃያ ዓጫ"ፓታቶ ዓይሁደ ዓሶኮ ዎይሣ ዓሶ ኩጫ ታ ዓርቂንቱዋጉዲ ታኣም ዓይሢንቲ ማዳዞንሢ ታ ዛሎ" ሄኤዶ ያልቲያ ናንዳንቲኬ፤ ጋዓንቲ ታ ካኣቱማ ሃያ ዓጫ"ፓቱዋሴ» ጌይ ማሄኔ።

37 ጲሊዎሴያ፡- «ሂዳቶ ኔ ካኣቲኬ ጌይሢዳ?» ዲዛ ኮራ ጋዓዛ፡ ዬሱሴ ማሃዎ፡- «ሂዮ፡ ኔ ታና ጌዔሢጉዳያኬ፤ ታኣኒ ሸይንቲሢና ሃያ ዓጫ" ሙከሢ ጎኑሞ ዛላ ማርካዳኒኬ፤ ጎኑሞይዳፓ ማዔሢ ቢያ ታኣኮ ዑኡዞ ዋይዛኔ» ጌይ ማሄኔ።

38 ጲሊዎሴ ዲማ"ና፡- «ጎኑሞ ዓይጌንዳይ?» ጌዔኔ። ዬካፓ ለሚ ሃሣ ዓይሁደ ዓሶ ባንሢ ኬሰኪ ዔያቶም፡- «ታኣኒ ሃያ ዓሢኮ ዓይጎ ፑርታ ባኣዚ"ያ ዴንቁባኣሴ፤

39 ጋዓንቲ ዲንሢኮ ዔርቲሢ ጎይያ ዑሣ ዓኣዲያ ቦንቾ ኬሎ"ና ቢያ ዎዳ ፔቲ" ቱኡቲ ዓሲ ታ ዲንሢም ቡላ"ያኬ፤ ዬያሮ ሃሢ ዓይሁደ ዓሶኮ ካኣታ"ሢ ታ ዲንሢም ቡላ"ንዳጉዲ ዲንሢ ኮዓ?» ጌዔኔ።

40 ዔያታ ጋዓንቲ፡- «ዬያቱዋንቲ ባርባኔ ኦም ቡሌ"!» ጌይ ጌይ ዒላቲኔ። ባርባኔ ጎዎሢ ካይዚ ጌሌ፡ ሱላኬ።

19

ፖኦሊሳ ዬሱሴ ቦሢ ሸሬሢ
(ማቲ. 27፡27-32፤ ማር. 15፡15-21)

1 ዬካፓ ጲሊዎሴ ዬሱሴ ዔኪ ጳርቂሴ።

2 ዲሞና ፖኦሊስንሢ ካኣታ" ቶኦካ ዓጋ ባኮ ማሊሲ ዓንጊሢ ማራዖ ዩሱሴኮ ቶኦካ" ዓገኔ፤ ዘቄ ዲንኪ ዓፒላኣ ዔያታ ዒዛ ማይሴኔ።

3 ዩያይዴሰካፓ ዔያታ ዒዛ ባንሢ ሙኪ ሙኪ ዒዛ ቦሂሢ፡- «ዒይሁዴ ካኣቲዮ! ኮሹሞ ኔኤም ማዖንጎ!» ጌይ ጌይ ሃሃ ዒዛ ባዒያ ባዔኔ።

4 ጲላዖሴ ጊንሣ ዙሎ" ከሰካዖ፡- «ሐይሹ፣ ታ ዓይጎ ዳቢንቲያ ዒዛይዳ ዴንቁባኣሢ ዒንሢ ዔራንዳጉዲ ዒዛ ታ ዒንሢሞ ከጎ"ንዳኔ» ዔያቶ ኮራ ጌዔኔ።

5 ዲሞና ዩሱሴ ዩኖ ዓንጊዖ ማርናዙ ቶኦካ" ዓገ፣ ዘቄ ማኣዒያ ማይንቲ ዙሎ" ከሰከኔ፤ ጲላዖሴ ዓሶሞ፡- «ዓካሪ ዓሢ ሃይሹ!» ጌዔኔ።

6 ቄኤሶኮ ሱኡጎና ዔያቶም ዓይሢንቲ ማዳዞንሢና ዩሱሴ ዴንቃዖ፡- «ሱዳ! ሱሱዳ!» ጌይ ጌይ ዒላታዛ፣ ጲላዖሴ ጋዓንቲ፡- «ታኣኒ ታ ዛሎ"ና ዓይጎ ዳቢንቲያ ዒዛይዳ ዴንቁባኣሴ፤ ዒንሢ ኮዔቶ ዒዛ ዔኪ ዓኣዲጋፓ ሱፁዋቲ» ዔያቶም ጌዔኔ።

7 ዓይሁዴ ዓሳ ዲሞና፡- «ኑኡኮ ዎጌ ዓኣኔ፤ ሐይ ዓሢ ፔና ዖኣሲ ናይ ማሂሢሮ ኑ ዎጎ ጎይዖና ሐይቢ ዒዛም ኮይሳኔ» ጌዔኔ።

8 ዩያ ቢያ ጌኤዘ ዋይዜሢኮ ጊንፃ ጲላዖሴ ሚርጌና ዒጊጨኔ፤

9 ዲሞና ሃሃ ጊንሢ ዒ ጋሮ ጌላዖ ዩሱሴ ኮራ፡- «ኔ ዓንካፓዳይ?» ጌይ ዖኣጫዛ፣ ዩሱሴ ጋዓንቲ ዓይጎዋ ዒዛም ማሂ ከኤዚባኣሴ።

10 ዩያሮ ጲላዖሴ፡- «ኔ ታኣም ከኤዙዋይ? ታ ኔና ቡላ"ኒ ሃሃ ሱፃኒያ ቢታንቶ ታኣኮ ዓኣሢ ኔ ዔራዋዳ?» ዒዛ ኮራ ጌዔኔ።

11 ዩሱሴ ማሃዖ፡- «ዖኦሲዳፓ ኔኤም ቢታንቶ ዒንጊንቲባኣያ ማዔቶ ታ ዑዖይዳ ኔኤኮ ዓይጎ ቢታንቶ ፍንጋዓታንቲኬ፤ ኔኤም ዓኣሢ ታና ዒንጌሢኮ ባሼ ጎሜ ማዓንዳኔ» ጌዔኔ።

ዩሱሴ ሐይቃንዳጉዲ ዎጊንቲሢ (ማቲ. 27፡15-31፤ ማር. 15፡6-20፤ ሉቃ. 23፡13-25)

12 ዩያ ዩሱሴ ጌሰቲ ባኮ ጲላዖሴ ዋይዞዖ ቡሊ" ዒዛ ሃሻ"ኒ ኮዓዛ፣ ዓይሁዴ ዓሳ ጋዓንቲ፡- «ሐያ ዓሢ ኔ ቡሊ"ቶ ኔኤኒ ሮሜ ዓጮ" ካኣቲኮ ላጌቱዋሴ፤ ዓይጎሮ ጌዔቲ ፔና ካኣቲ ማሃሢ ቢያ ሮሜ ካኣቲኮ ሞርኬ ማዓያኬ» ጌይ ጌይ ዒላቲኔ።

13 ጲላዖሴ ዩያ ዋይዞዖ ዩሱሴ ካሮ" ባንሢ ከሲ"፡- «ዳላጎ ፓልዒንቲ ሹጫሢ» ጌይንታ ቤዘይዳ ዓኣ፣ ዎጎ ዎጎ ዖይታ ዴዔኔ፤ ዩና ቤዜላ ዔብሬ ዓሶ ሙኡጮና «ጋባታ» ጌይንታኔ።

14 ዬና ከሌ"ላ ዑሣ ዓኣዲያ ቦንቾኮ ጊኢጊንቶ ኬሊ" ማዓዛ፣ ዩማና ዓባ" ሳዛ ጫርጋያኬ፤ ዒማ"ና ጲላያሴ ዓይሁዶ ዓሶ ኮራ፡- «ሐይሾ፡ ዒንሢኮ ካኣቲ!» ጌዔኔ።

15 ዔያታ ጋዓንቴ፡- «ባይዜ! ባባይዜ! ሱዳ!» ጌዒ ጌዒ ዒላታዛ፣ ጲላያሴ ማሃዎ፡- «ዒንሢኮ ካኣቲ ታ ሱዳንዶ?» ዔያቶ ኮራ ጌዔኔ፤ ቄኤሶኮ ሱኡጋ ዒማ"ና፡- «ሮሜ ዓጮ" ካኣቲዳፓ ዓታዛ ሜሌ" ካኣቲ ኵኡኮ ባኣሴ» ጌይ ዒዛም ማሃኔ።

16 ዩማ"ና ዩሱሴ ሱዳንታንዳጉዲ ጲላያሴ ዓኣሢ ዔያቶም ዒንጋዛ፣ ፖኦሊሳ ዩሱሴ ዔኪ ዴንዴኔ።

ዩሱሴኮ ሱዳንቶ (ማቲ. 27፡32-44፤ ማር. 15፡21-32፤ ሉቃ. 23፡26-43)

17 ዩካፓ ዩሱሴ ዒ ሱዳንታንዳ፣ ፑርቲሴ ዓሶ ሱዳ ሚያ ኬዲ «ቶኦኪ ማጌሢ ማላ ቤሲ» ጌይንታ ቤዛ ኬሰኬኔ፤ ዩና ቤዜላ ዔብሪ ዓሶ ሙኡጮና «ጎልጎታ» ጌይንታ።

18 ዩና ቤዜይዳ ዔያታ ዒዛና ዎላ" ላምዎ ዓሲ፤ ፔቴ"ሢሢ ሻውሎ" ዛላ" ፔቴ"ሢሢ ሚዛቆ ዛላ" ማሃ ዩሱሴ ባኣካ" ሱዳ።

19 ጲላያሴ ዒማ"ና፡- «ዓይሁዶ ካኣታ"ሢሢ፣ ናዚሬቶ ዓጮ" ዓሢ፣ ዩሱሴ» ጋዓያ ፃኣፒ ፑርቲሴ ዓሶ ሱዳ ሚያ ዑፃ ጌሃኔ።

20 ዩሱሴ ሱዳንቴ ቤዛ ካታምኮ ዑኬ ማዔሢሮ ሚርጌ ዓይሁዶ ዓሳ ዩና ፃኣፒ ጌሃናዛ ናባቤኔ፤ ዩና ፃኣፒንቴሢ ዔብሪ ዓሶ ሙኡጮና ላኣቲኔ ሙኡቹና ሃሣ ጊንሣ ጊሪኬ ሙኡቹናኬ።

21 ዓይሁዶ ዓሶኮ ቄኤሶ ሱኡጋ ጲላያሴ ኮራ፡- «ኔኤኒ ላይሁዶ ካኣቲኬ» ጌይ ፃኣፒ፤ «ሐይ ዓሢ ታኣኒ ዓይሁዶ ካኣቲኬ ጋዓኔ» ጌይ ፃኣፒ» ጌዔኔ።

22 ጲላያሴ ጋዓንቴ፡- «ታኣኒ ፃኣፒሢ ማይ ፃኣፒ ሃሺ"ኔ» ጌይ ማሃኔ።

23 ፖኦሊሶንሢ ዩሱሴ ሱዳሰካፓ ያዶዛ ቦንቾ ማኣዓሢ ሌሊ ዓታዛ ዒዛኮ ሃንጎ ዓፒሎ ዔኪ ፔቴ" ፔቴ" ፖኦሊሶም ሄላ"ንዳጉዲ ያይዶ ቤሲ ፓቄኔ፤ ጋዓንቴ ዩና ቦንቾ ዓፒሌላ ጊኢጊሺ ሲኪንቴባኣያ ሎፓ ሉ ሄላ"ንዳኣና ፔቴ" ማዒ ኮሺ"ንቴ ዓፒላኬ፤

24 ዩና ፖኦሊሶንሢ፡- «ዩና ዓፒሌላ ያኣም ሄላ"ንዳቴያ ዒፃ ኑ ዓጋንዳኔ፤ ኑ ዳዳርዚንዳዎሴ» ዎሊ ኮይላ" ጌዔኔ። ዩይ ያዲ ማዔሢ፡-

«ታኣኮ ዓፒሎ ዔያታ ጊሸቴኔ፤ ታኣኮ ፔቴ" ማሃ ሲኮና ዓፒሎይዳ ዳማሲ ዔር ባኮ ዔያታ ዓጌኔ»

ገይንቴ ማፃኦገ ቃኣላ" ኩማንዳጉዲ ፖኦሊሳ ዬኖ ዓሳ ባኮ ባገኘ።

25 ዬሱሴ ሱዲንቴ፣ ፑርቲሴ ዓሶ ሱዎ ሚዎ ኮይሎ"ይዳ ዒዛኮ ቢንደና ዒንደ ገርና ቁሌዮጳ ጎዎሢ ማቾ ማይራሞና ማግደላ ዓጮ" ማይራማኣ ዔቂ ዓኣኔ፤

26 ዬሱሴ ዒዛኮ ቢንደና ዒ ናሽካ ዒዛኮ ገንዎ ሃንታዘንሢ ዒዛ ኮይሎ"ይዳ ዔቂ ዓኣሢ ዛጋዎ ዒንደ ኮራ፡- «ዒንዴ! ሃይሾ፣ ኔኤኮ ናዓሢ!» ገዔኔ።

27 ዬካፓ ዒዛኮ ገንዎ ሃንታዘንሢ፡- «ኔኤኮ ዒንዳ ሃናሾ!» ዒዛሞ ገዔኔ፤ ዬማፓ ዒዛኮ ገንዎ ሃንታዘንሢ ማኦሪ ዒዛ ዔኪ ዓኣዳኔ።

ዬሱሴኮ ሓይቦ"
(ማቲ. 27፡45-56፤ ማር. 15፡33-41፤ ሉቃ. 23፡44-49)

28 ዬካፓ ዬሱሴ ቢያ ባካ ኩሜሢ ዔራዎ ማፃኦገይዳ ፃኣፒንቴ ቃኣላ" ኩማንዳጉዲ «ታና ዴኤቤኔ» ገዔኔ።

29 ዬኖ ቤዘይዳ ፔቴ" ሶልኪ፣ ገኢጉዋ ዑሺ ኩንሢ ገሠና ማሄ ዓኣኔ፤ ዬያር ዒኢካ ዓኣ ዓሳ ዬያ ዑዠይዳ ዓፒላ ቱርጫ ማላ ባኣዚ" ዓገ ዎኦሺ ማላ ሚሢና ዔኪ ዳንጎ ባንሢ ዑኪሳዛ፡

30 ዬሱሴ ዬኖ ዑዠይዳ ጸንጻሰካፓ፡- «ዓካሪ ኩሜኔ» ጋዓዎ፣ ቶኦኮ" ዛላሲ ፔ ሾምፓሢ ዓኣሢ ዒንገኔ።

ዬሱሴኮ ጎኦቦ" ዎርዖና ጫርጎናሢ

31 ዬያ ባኮኮ ገንፃፓ ዓይሁደኮ ዎይሢ ዓሳ ሱዲንቴ ዓሶኮ ዘኦሎ" ማንሢ፣ ሱዎና ሚዎይዳፓኣ ዔያቶ ኬይሳንዳጉዲ ጲላዎሴ ኮራ ሺኢቄኔ፤ ዬያ ዔያታ ሂይሢ ዓይሁደ ዓሶኮ ሓውሾ ኬሎ"ሞ ገኢገንቴ ኬሊ" ማዔሢር ሃሢ ዬና ኬሌ"ላ ዴኤፒ ቦንቾ ኬሊ" ማዔሢር ዔያቶኮ ሓውሾ ኬሎ"ና ሌዛ ሱዎና ሚዎይዳ ዴዑዋጉዲኬ።

32 ዬያር ፖኦሊሶንሢ ዴንዲ ዬሱሴና ዎላ" ሱዲንቴ ዓሶንሢኮ ዘኦሎ" ማንሢ፤

33 ዬካፓ ዬሱሴ ባንሢ ዔያታ ሙካዎ ዒዚ ቤርታዲ ሓይቄያ ማዒሢ ዛገ ዘኦሎ" ዒዛኮ ዔያታ ማንሢባኣሴ።

34 ጋዓንቴ ፖኦሊሶንሢዳፓ ፔቴ"ሰኬይ ዒዛኮ ጎኦቦ" ዎርሢና ጫርጋዛ ቤዘማና ጎኦባ"ፓ ሱጉሢና ዎኣሢና ኬሰኬኔ።

35 ዬያ ዛገሢ ዒንሢ ጉሙርቃንዳጉዲ ማርካዳኔ፤ ማርካታኣ ዬይ ጎኔኬ፤ ዒ ኬኤዜ ባካ ጎኔ ማዔሢ ዒዚ ዔራኔ።

36 ይደ ያዲ ማዕረግ ማፃኣገይዳ፡- «ዒዛኮ ማገገገገ ፔቴ'ታዎ ማቃዕኬ» ጌይንቴህ ኩማንዳጉዲኬ።

37 ሃሃ ማሌ" ማፃኣገይዳ፡- «ዒዛ ጫርጌዘንህ ሃጊ ዒዛ ዛጋንዳኔ» ጋዓኔ።

ዩሱሴኮ ዱኡከንቶ

(ማቴ. 27፡57-61፤ ማር. 15፡42-47፤ ሉቃ. 23፡50-56)

38 ዓይሁድ ዓሶኮ ዎይሃ ዓሶ ዒጊጫሂና ዩሱሴ ዓሲ ዒ ማዕረግ ዒርዘዎና ንጋ፣ ዓርማቴያሴ ዓጮ" ዓሂ፣ ዮሴፔ ዩሱሴኮ ሌዘ ዒካጊ ጰላዎሴ ኮራ ሸኢቃዛ፣ ጰላዎሴ ዒዛ ዒኮንጎ ጌዔኔ፤ ዩያር ዮሴፔ ዳንዲ ሌዘ ዔኬኔ።

39 ሓያኮ ቤርታ ዲሞና ዩሱሴ ኮራ ሙኬ፣ ኒቆዲሞሴ ጎዎሂ ደንጊታሚ" ደሎዜ ማዓንዳ ካርቤ ዋላንጎና ዎላ" ሲኢሪ ዔከ ሙኬ።

40 ዩንሂ ላምዎ ዓሶንሂ ዩሱሴኮ ሌዘ ዔከ ዓይሁድ ዓሳ ሃይቄ ዓሶ ሱኡዳ ጎይዎ ሳውቃ ቲሸና ቲሸኪ ሻኦዣ ዓፒላና ዒዛ ሱኡዴ።

41 ዩሱሴ ሱዲንቴ ቤዘይዳ ፔቴ" ሚሂ ቱኮ"ና ቤሲ ዓኣኔ፤ ዩኖ ቤዜሎይዳ ዎኦኒያ ዱኡቴባኣ ዓከ ዱኡፒ ዔቴ ዓኣኔ።

42 ዩና ኬላ" ዓይሁድ ዓሶኮ ሓውሻ ኬሎ"ም ጊኢጊንቶ ኬሊ" ማዕረግሂ ሃሃ ጊንሃ ዱኡጉ ቤዛኣ ዑኬ ማዕረግሂ ዩሱሴ ዔያታ ዒኢካ ዱኡኬ።

20

ዩሱሴኮ ሓይባ"ገ ዔቁዎ

(ማቴ. 28፡1-8፤ ማር. 16፡1-8፤ ሉቃ. 24፡1-12)

1 ዉዴ ኬሊ" ጉቴ" ዓሚ" ዲማ ሚኢሪ ማግዴላ ዓጮ" ማይራማ ዩሱሴኮ ዱኡጉ ቤዘ ዳንዴ፤ ዒኢካ ዒዛ ሄላ"ዎ ዱኡጉ ዔቶ" ካሮ" ዎዶና ሹጫሂ ዱኡጉ ዔቶ" ካራ"ገ ኮላዲ ዓኣንቴ ዳንቄ።

2 ዩያር ዒዛ ሲሞኦኔ ጌይንታ ጰዲሮሴና ዩሱሴ ዒዛ ናሸካያ ማዕ፣ ማሌ" ዒዛኮ ጊንዎ ሃንታሂና ኮራ ጰሸኪ ዳንዳዮ፡- «ጎዳ ዱኡጉይዳገ ቱጊ ዔኮናኔ፤ ዓንካ ዒዛ ጌሦናቴያ ኑ ዔራዎሴ» ጌዔኔ።

3 ዩማና ጰዲሮሴና ሓንጎ ዩሱሴኮ ጊንዎ ሃንታሂና ዎላ" ኬሰካዎ ዱኡጉ ቤዘ ዳንዴ።

19:36 ኬሲ. ማፃ 12፡46፤ ገይ. ማፃ 9፡12፤ ዓይኑ. 34፡20፤ ዛካ. 12፡10፤ ዮሐ. ዎፔጳ 1፡7። 19:39 ዮሐ. 3፡1-2።

- 4 ዲማ"ና ለምንህ ዋለ" ጳጳሱን፤ ጋዳንቴ ባጋህ ጳጳሮሴ ጳጳሱ ቢራዎ፣ ቤርታዲ ዱኡፖ ቤዞ ሄሌ"ኔ።
- 5 ሂርኪ ጌይ ዲዚ ዱኡፖ ዔቶ" ዛጋዎ፣ ዩሱሴ ሱኡዶና ዓፒላ ሌሊ ዓኣንቴ ዴንቄ፤ ጋዳንቴ ዲ ዔቶ" ጋሮ ጌሊባኣሴ።
- 6 ዩካፓ ሲሞኦኔ ጎዎ ጳጳሮሴ ጊንዎ ሙኪ ዲኢካ ሄላ"ዎ፣ ዱኡፖ ዔቶ" ጋሮ ጌሌኔ፤ ዲዚያ ዩሱሴ ሱኡዶና ዓፒላ ሌሊ ዓቲ ዓኣንቴ ዴንቄ፤
- 7 ዩሱሴኮ ቶኦኮ" ማሮና ቱርጫ ሃንጎ ዑዎ ሱኡዶና ቱርጫና ዋለ"ቱዋንቴ ዲማዲ ሜሌ" ቤሰካ ቁሪንቴ ዓኣንቴ ዲ ዴንቄ።
- 8 ዩካፓ ሓሃ ዩይ ቤርታ ሄሌ"፣ ዩሱሴ ጊንዎ ሃንታህ ዱኡፖ ዔቶ" ጌሊ ዛጋዎ ዩይ ጎኔ ማዔህ ጉሙርቄ።
- 9 ዲማ"ና፡- «ሓይባ"ፓ ዲዚ ዔቃንዳያ ኮይሳኔ» ጋዓ ጌኤኮ ማፃእፖ ቃኣሎ" ዔያታ ማሊ ዶቂህ ዔሪባኣያከ።
- 10 ዩካፓ ዩንህ ለምዎ ዩሱሴ ጊንዎ ሃንታዞንህ ማዒ ፔ ማኣሪ ዓኣዴ።

ዩሱሴ ማግደላ ዓጮ" ማይራሞም ጳጳህ
 (ማቴ. 28፡9-10፤ ማር. 16፡9-11)

- 11 ዲማ"ና ማግደላ ዓጮ" ማይራማ ዩኤኪ ዩኤኪ ዱኡፖ ኮይላ" ዔቂ ዓኣዎ፣ ሂርኪ ጌይ ዱኡፖ ዔቶ" ጋሮ ዛጌ።
- 12 ዲዛ ዛጋንቴ ዩሱሴኮ ሌዛ ዓኣ ቤዞይዳ ቦኦሪ ማኣዎ ማይንቴያ፣ ለምዎ ኪኢታንቸሰከንህ ፔቴ" ኬሮ" ኬዳ" ፔቴ"ህ ሓኮ" ዛላ" ዴዒ ዓኣንቴ ዲዛ ዴንቄ።
- 13 ዩንህ ማይራሞ ኮራ፡- «ዔና! ዓይጎሮ ኔ ዩኤካይ?» ጋዓዛ፣ ዲዛ ማሃዎ፡- «ታ ጎዳህ ሃካፓ ዔኮናኔ፤ ዓንካ ጌሃናቴያ ታ ዔራዋሴ» ጌዔ።
- 14 ዩያ ዲዛ ጋዓዎ ጊንህም ሺሪ፣ ዩሱሴ ዔቂ ዓኣንቴ ዴንቄ፤ ጋዳንቴ ዩይ ዩሱሴ ማዔህ ዲዛ ዔሪባኣሴ።
- 15 ዩሱሴ ዲዛ ኮራ፡- «ዔና ኔ ዓይጎሮ ዩኤካይ? ሓሃ ኔ ዎና ኮዓይ?» ጌዔ፤ ዲዛም ዩይ ዓህ ሚዎ ቱኮ"ና ቤዞ ማዳ ዓሲ ማሊሂሮ፡- «ጎዳህ! ኔኤኒ ዲዛ ዔኬቴ ዎካ ኔ ዲዛ ጌህቶ ሓዳራ ታኣም ከኤዜ፤ ታኣኒ ዲዛ ዔካንዳኔ» ጌዔ።
- 16 ዲማ"ና ዩሱሴ፡- «ማይራሜ» ዲዛ ኮራ ጋዓዛ፣ ዲዛ ዲዛ ባንህ ሺራዎ ዔብሬ ዓሲ ሙኡቹና «ሬቡኒ» ጌዔ፤ ዩናኮ ቡሊ"ዓ «ዔርዛሂዮ!» ጌይህ።
- 17 ዩሱሴ ዲዛም፡- «ሓጊ ታኣኒ ሌካ ታ ዓዶ ባንህ ከሰከባኣሂሮ ታና ዓርቁፖ፤ ጋዳንቴ ታ ጌርሲንህ ኮራ ዓኣዲፓፓ ታኣኒ ሌካ ታ ዓዶና ዲንህ ዓዶና ባንህ፤ ሃሃ ታ ጎዳ ማዔ

ያዘዘህና ሲንህከዋ ጎዳ ማዕ ያዘዘህ ባንህ ታ ዔውታንዳኔ ጌዔኔ። ጌይ ዔያቶም ኬኤዜ» ጌዔኔ።

18 ዬያሮ ማግደላ ዓጮ" ማይራማ ዬሱሴኮ ጊንያ ሃንታዘንህ ኮይላ" ዴንዳያ ጎዳ ዒዛ ዛጌህና ዒዚ ዒዘም ጌዔ ባከዋ ዔያቶም ኬኤዜኔ።

ዬሱሴ ዒዛኮ ጊንያ ሃንታዘንህም ጴዳህ
(ማቴ. 28፥16-20፤ ማር. 16፥14-18፤ ሉቃ. 24፥36-49)

19 ዬና ዉደ ኬሎ" ዋንቶ ዬሱሴኮ ጊንያ ሃንታዘንህ ዓይሁደኮ ዋይህ ዓሶ ሲጊጮህረ ካሮ" ፔኤኮ ዑፃ ዋዲ ጋራ ቡኪንቲ ዓኣንቴ ዬሱሴ ዔያታ ቡኪንቲ ዴዒ ዓኣ ማኣሬሎ ጌላያ ባኣካ" ዔያቶኮ ዔቂ፡- «ኮሹዋ ሲንህም ማዎንጎ!» ዔያቶም ጌዔኔ።

20 ዬያ ጋዓያ ፔኤኮ ኩጮንታ ጎኦ"ንታ ዔያቶ ዳዋዛ፤ ዔያታ ጎዳ ዛጊ ሚርጌና ዋዛዳኔ።

21 ዬካፓ ዬሱሴ ላሚ ሃህ፡- «ኮሹዋ ሲንህም ማዎንጎ! ታ ዓዴ ታና ዳኬህጉዲ ታኣኒያ ሲንህ ዳካኔ» ዔያቶም ጌዔኔ።

22 ዬያ ጌይ ዔያቶ ዑፃ ዑኡዛያ፡- «ዓያና ጌኤሺ ዔኩዋቴ፤

23 ሲንህ ዓሶኮ ጎሞ ዓቶም ጌዔቶ ዔያቶም ዓቶም ጌይንታንዳኔ፤ ዓሶኮ ጎሞ ሲንህ ዓቶም ጌይባኣቶ ጎማ ዔያቶኮ ዓቶም ጌይንታዓኬ» ጌዔኔ።

ዬሱሴና ቶኦማኣሴና ጌሰቴ ባኮ

24 ዬሱሴ ዒዛኮ ጊንያ ሃንታዘንህ ኮይላ" ሙኬ ኬሎ"ሎ ታጳ ላምዎንህዳፓ ፔቴ"ህ፤ ሱ"ንፃ «ሚንቴ» ጌይንታ ቶኦማኣሴ ዔያቶና ዋላ" ባኣሴ።

25 ዬያሮ ሃንጎ ጊንያ ሃንታዘንህ ቶኦማኣሴ ኮራ፡- «ጎዳ ኑ ዛጊሰካይ!» ጋዓዛ፤ ዒዚ፡- «ዓጮ ዓንጎና ዒዛኮ ጳርቂንቴ ኩጮ ታ ኬኤሎ"ና ሄሊ" ዛጉዋያ ሃህ ዒዛኮ ጎኦ" ዲኢደዋ ኩቻ ዓርቂ ዛጉዋያ ታ ዬያ ጎኔኬ ጋዓዓኬ» ጌዔኔ።

26 ሳሊ" ኬሊ"ኮ ጊንፃፓ ዒዛኮ ጊንያ ሃንታዘንህ ሃህ ፔቴ" ማኣሬዳ ዓኣንቴ ቶኦማኣሴ ዔያቶና ዋላ" ዓኣኔ፤ ሲሚ"ና ዔያታ ዓኣ ማኣሮኮ ካራ" ዋዲንቲ ዓኣንቴ ዬሱሴ ሙኪ ዔያቶኮ ባኣካ" ዔቃያ፡- «ኮሹዋ ሲንህም ማዎንጎ!» ጌዔኔ።

27 ዬካፓ ቶኦማኣሴ ኮራ፡- «ሓኒ ሙኪ፤ ኔ ኬኤሎ"ና ታ ኩጮ ካኣሚ ዛጌ፤ ሓህ ኔ ኩጮና ታ ጎኦ" ሳርቂ ዛጌ፤ ዓልቲያ ሃሺ" ጌሙርቃ ዓሲ ማዔ» ጌዔኔ።

28 ቶኦማኣሴ ዬማና፡- «ኔ ታኣኮ ጎዳ ሃህ ያዘዘህኬ!» ጌዔኔ።

29 ዬሱሴያ ቶኦማኦስ፡- «ኔ ታና ዛጌሢሮ ጉሙርቄኔ፤ ጋዓንቴ ታና ዛጉዋዖ ጉሙርቃዞንሢ ጋላቴንቴያኩ» ጌዔኔ።

ሐኖ" ማፃኦፔሎኮ ማሊዖ

30 ዬሱሴ ሃኖ" ማፃኦፔይዳ ፃኦፒንቴባኦ ሚርጌ ያኦሲ ዋልቄና ማዲንታ ዓኪ ባኦዚ" ዒዛኮ ጊንዖ ሃንታዞንሢ ሴርታ ማዴኔ፤

31 ጋዓንቴ ዬሱሴ ያኦሲ ናይ ሃሣ ማሲሔ ማዔሢ ዒንሢ ጉሙርቃንዳጉዲና ጉሙርቄ ዔኪ ዒዛ ሱንዖና ናንጊና ናንጊ ሸምፖ ዒንሢ ዴንቃንዳጉዲ ሐይ ፃኦፒንቴኔ።

21

ዬሱሴ ዒዛኮ ጊንዖ ሃንታ ለንካዎንሢሞ ጴዳሢ

1 ዬካፓ ዬሱሴ ዒብራዶሴ ጌይንታ ባዞ" ዓጫ ዒዛኮ ጊንዖ ሃንታዞንሢሞ ለሚ ሃሣ ጴዳኔ፤ ዒ ዬካ ዔያቶም ጴዳሢ ሂዲኩ፡-

2 ሲሞኦኔ ጌይንታ ጴዳሮሴ፣ ሱንዖ «ሜንቴ» ጌይንታ ቶኦማኦስ፡ ጌለላ ዓጮ"ኮ ቃናፓ ናቴናዔኤሌ፤ ሐሣ ዜብዲዮሴ ናኦቶ"ንሢና ማሌ" ለምዖ ዒዛኮ ጊንዖ ሃንታስኬንሢሃንታ ዋላ" ዓኦንቴ፤

3 ሲሞኦኔ ጌይንታ ጴዳሮሴ ዔያቶ ኮራ፡- «ሞሎ ዓርቃኒ ታ ዓኦዳንዳኔ» ጋዓዛ፣ ዔያታ ሃሣ፡- «ኑኤኒያ ኔኤና ዋላ" ዓኦዳንዳኔ» ጌዔኔ፤ ዬካፓ ዔያታ ኬሰኪ ዓኦዲ ዋኦዖና ፒንቆ ጎንጎይዳ ዓይዖሮ ጌሌኔ፤ ጋዓንቴ ዬኖ ዋንቴሎ ፔቴ" ሞሎታዖ ዔያታ ዓርቁባኦሴ።

4 ዚሮ ጉቴ"ሎ ሳዓ ካራዛ ዬሱሴ ዬኖ ባዜ"ሎ ዓጫ ዔቁ ዓኦንቴ ዒዛኮ ጊንዖ ሃንታዞንሢ ዬይ ዬሱሴ ማዔሢ ዔሪባኦሴ።

5 ዒማ"ና ዬሱሴ፡- «ዔዛታ! ሞላ ዒንሢ ኮራ ዓኦ?» ጋዓዛ፣ ዔያታ ማሃዖ፡- «ፔቴ"ታዖ ኑ ኮይላ" ባኦሴ» ጌዔኔ።

6 ዒዚ ዔያቶም፡- «ሞላሢ ዓርቆ ሮኦጮ ማላ ሱዞ ዋኦዖና ፒንቆ ጎንጎኮ ሚዛቆ ዛሎ"ና ዓጉዋቴ፣ ዒንሢ ዴንቃንዳኔ» ጌዔኔ። ዬያሮ ሞላሢ ዓርቆ ሱዞ ባዞ"ይዳ ዔያታ ዓጌኔ፤ ዬማና ሚርጌ ሞላ ዓርቁንቴሢሢሮ ዬኖ ሞላሢ ዓርቆ ሮኦጮ ማላ ሱዜሎ ጎቻኒ ዔያቶ ባሼኔ።

7 ዒማ"ና ዬሱሴ ዒዛ ናሽካ ዒዛኮ ጊንዖ ሃንታሢ ጴዳሮሴ ኮራ፡- «ሐይ ጎዳታንቴሞ!» ጋዓዛ፣ ሲሞኦኔ ጎዖ ጴዳሮሴ፡- «ሐይ ጎዳታንቴሞ!» ዬይ ጌዔሢ ዋይዛዖ ማዶ"ሮ ጌይ ማኦሣሢ ፔኤኮ ዒ ኬሲ" ዓኦሢሮ ዑኩና ሃንጎ ማኦሣሢ ፔኤኮ ማይንቴ ሊካ ባዞ"ይዳ ጴሊ" ጌሌኔ።

8 ዓቴ" ዩሱሴኮ ጊንፆ ሃንታዘንሢ ጋዓንቴ ፃኣድ ዓጮ"ይዳፓ ጭታ ታኣካ ማዓያ ሃኪ ዋኣፆ ሳዛ" ዓኣሢሮ ሞላሢ ኩሜ፥ ሮኦጮ ማላ ሱዜሎ ጎቺ ጎቺ ዋኣፆና ፒንቆ ጎንጎና ሙኬኔ።

9 ዩኖ ጎንጊሎይዳፓ ዔያታ ኬዳ"ፆ ሞሎ ጊዳ" ዓጎና ታሚ ቈንሢና ካሣኣ ዴንቄኔ።

10 ዩሱሴ ዔያቶሞ፡- «ሐሢ ዒንሢ ዓርቄ ሞላሢ ሃኒ ባውዋቴ» ጌዔኔ።

11 ዩያሮ ሲሞኦኔ ጎፆ ጳዒሮሴ ዋኣፆና ፒንቆ ጎንጊሎ ጋሮ ጌላፆ ጭታና ድንጊታሚ" ሐይሦ ኮሺ" ጳኤፒ ጳኤፒ ሞላ ኩሜ፥ ሮኦጮ ማላ ሱዜሎ ሳፆ ባንሢ ጎቺኔ፤ ዩያጉዴ ሚሮጌ ሞሎ ዓርቄቶ ዩና ሞላሢ ዓርቆ ሮኦጮ ማላ ሱዜላ ዲጲባኣሴ።

12 ዩካፓ ዩሱሴ ዔያቶ ኮራ፡- «ሐኒ ሙኪ ሙዑዋቴ» ጋዓዛ፥ ዩይ ጎዳ ዩሱሴ ማዔሢ ሲያሢ ዔሬሢሮ ዒዛኮ ጊንፆ ሃንታዘንሢዳፓ ፔቴ"ታፆ፡- «ኔኤኒ ፆናዳይ?» ጌይ ዒዛ ፆኦጫኒ ጫርቄይ ባኣሴ።

13 ዒማ"ና ዩሱሴ ሙካፆ ካሦና ዩያጉዲ ሃሣ ሞላሢና ዔኪ ዔያቶሞ ዒንጌኔ።

14 ዩሱሴ ሃይባ"ፓ ዔቄሰካፓ ዒዛኮ ጊንፆ ሃንታዘንሢ ዒዛ ዛጋንቴ ዩና ሃይሣሶኬ።

ዩሱሴና ጳዒሮሴና

15 ዩኖ ሙፆ ሙዔሰካፓ ዩሱሴ ሲሞኦኔ ጌይንታ ጳዒሮሴ ኮራ፡- «ዮና ናዓሦ፥ ሲሞኦኔ! ሐኣቶይዳፓ ኔ ታና ባሺ ናሸካ?» ዒዛ ኮራ ጋዓዛ፥ ዒዚ ማሃፆ፡- «ሂዮ፥ ጎዳሢዮ! ታ ኔና ናሸካሢ ኔ ታና ዔራኔ» ጌዔኔ።

ዩሱሴያ ዒዛሞ፡- «ዓካሪ ታኣኮ ዔቃሎ ማራናኣቶ" ዛጌ» ጌዔኔ።

16 ላሚ ሃሣ፡- «ዮና ናዓሦ፥ ሲሞኦኔ! ኔ ታና ናሸካ?» ዒዛሞ ጋዓዛ፥ ዒዚ ማሃፆ፡- «ሂዮ፥ ጎዳሢዮ! ታ ኔና ናሸካሢ ኔ ታና ዔራኔ» ጌዔኔ።

ዩሱሴ ዒዛሞ፡- «ታኣኮ ጎሎጮ ማራናኣቶ" ሂንቄ» ጌዔኔ።

17 ሐይሣሲ፡- «ዮና ናዓሦ፥ ሲሞኦኔ! ኔ ታና ናሸካ?» ዒዛ ኮራ ጋዓዛ፥ ሐይሣሲ፡- «ኔ ታና ናሸካ?» ጌይ ዒዛ ፆኦጫሢሮ ጳዒሮሴ ፆያፆ፡- «ታ ጎዳሢዮ! ኔኤኒ ሲያ ዔራኔ፥ ታኣኒ ኔና ናሸካሢ ኔ ታና ዔራኔ» ጋዓዛ፥ ዩሱሴ ማሃፆ፡- «ታኣኮ ጳኤፖ ማራቶ ሂንቄ፤

18 ጎኔ ታ ኔኤሞ ጋዓኔ፤ ኔኤኒ ጳጌ ዓኣፆ ኔኤኮ ኬርና ቱኡቶ ቃልሾ ኔ ኩቻ ኔ ቱኪ" ኮዔ ቤሲ ዓኣዳኔ፤ ኔ ጋርቻዛ ጋዓንቴ ኔኤኒ ኩጮ ሊካ ዔቄሳዛ ሜሊ" ዓሲ ኔና ቱኡሲ ኔ ኮዒባኣ ቤሲ ኔና ዔኪ ዓኣዳንዳኔ» ዒዛሞ ጌዔኔ።

19 ዬዎ ዲ ጌዔህ ጳጳሮሴ ዎማጉዳ ሓይቢና ያኦሲ ዲ ቦንቻንዳያ ኮይሳቲያ ዲዛ ዔርዘርኬ፤ ዩካፓ ጳጳሮሴ ኮራ፡- «ታ ጊንዎ ሙኩ» ጌዔኔ።

ዩሱሴና ሜሌ "ዲዛኮ ጊንዎ ሃንታህና

20 ጳጳሮሴ ሺሪ ዩሱሴ ዲዛ ናሽካ፣ ሜሌ" ዲዛኮ ጊንዎ ሃንታህ ዲዛ ጊንዎ ዓኣዳንቴ ዳንቄኔ፤ ዩይ ጊንዎ ሃንታህ ፔቲ"ና ዔያታ ካሦ ሙዓኣና ዩሱሴ ባንህ ዛላዲ ሂርኪ ጋዓዖ፡- «ጎዳሂዮ! ኔና ዓኣህ ዲንጋንዳሂ ያናዳይ?» ጌይ ዲዛ ያኦጩሂኬ።

21 ጳጳሮሴ ዩዎ ዛጋዖ፡- «ጎዳሂዮ! ሃይ ዓህ ዎይታንዳይ?» ጌይ ዩሱሴ ኮራ ያኦጩኔ።

22 ዩሱሴ ማሃዖ፡- «ታኣኒ ሙካንዳያ ሄላ"ንዳኣና ዲ ሸምፖና ናንጋንዳጉዲ ታ ዲዛ ጌዔቶ ኔና ዓይጌ ጌልዜይ? ኔኤኒ ኔኤሮ ታ ጊንዎ ሙኩ» ዲዛም ጌዔኔ።

23 ዬዎ ዛሎ"ና ጌርሲንህ ባኣካ"፡- «ሓይ ዩሱሴ ጊንዎ ሃንታህ ሓይቂንዳዎሴ» ጌይንታ ሓይሴ ከኤዚንቴኔ፤ ጋዓንቴ ዩሱሴ፡- «ታኣኒ ሙካንዳያ ሄላ"ንዳኣና ዲ ናንጋንዳጉዲ ታ ጌዔቶ ኔና ዓይጌ ጌልዜይ?» ጋዓንዳፓዓቲም «ኔ ሃይቂንዳዎሴ» ዲዛም ጌይባኣሴ።

24 ዬዎ ባኮ ቢያ ማርካዳህና ዩንህ ባኮንህ ፃኣፔህ ዲዛ ዩዎ ዩሱሴኮ ጊንዎ ሃንታሂኬ፤ ዲዛኮ ማርካዲፃኣ ጎኔ ማዔህ ኑ ዔራኔ።

25 ዩሱሴ ማዳ ሜሌ" ሚርጌ ባኣዚ" ሃህ ዓኣኔ። ታ ማላ ጎይዎታቲ ዲዚ ማዳ ባኮ ቢያ ፔቲ" ፔቲ" ፃኣፒንቴያ ማዔቶ ዩዎ ፃኣፒንቴ ማፃኣፖ ዓጫ" ሃይ ፔ ቶኦኪና ዓርቃኒ ዳንዳዲንዳዎያታንቴኬ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1